

S Y N T A G M A

V N I V E R S A E, D E S A C R O S A N- C T A C O E N A D O M I N I,

sententię controuersiæq; breuiter, perspicue & abs-

que conuitijs iurgijſq; modestè, ad dijudicandum,

uniuersis propositum, authore A B D I A L I =

B E R I N O Germano, Ecclesiæ Chri-

sti ministro, &c.

I. T H E S S A L. V.

*S P I R I T U M ne extinguite, Prophetias ne pro-
nibiliō habete, omnia explorate,
quod bonum fuerit, re-
tinete.*



Ob. 6. II. 3066

S Y N T A G M A V N L
V E R S A E D E S A C R O S A N
 C T A C O E N A D O M I N I C O N T R O-
 uersiæ, authore ABDIA LIBERINO
 Germano, Ecclesiæ Christi
 ministro.

Neo, quem tradidisti, de re sacramentaria libello, multa sum admiratus: Primum quidem, hominis sane quam docti, non mediocre acumē in genij: Tum etiam speciosam dexteritatem in eludendis aduersariorum argumētis: Deinde quod cum in eorum recitatione bonæ fidei specimē præ se ferret: eadem tamen inuersione ordinis prope modum eneruerat: postremo quod vir & doctus & acutus tantopere hallucinetur, non modo in veritate inuenienda, sed etiā in dijudicādis argumētis.

In præfatione obiicit Cinglianos (hoc enim nomine appellat eos, qui Cœnæ Domini verba pro perpetua sacramentorum analogia accipi volunt) pleraq; argumenta deseruisse, quibus tamen quondam quasi muro quodam aheneo niti solerent. Quod minime probat: pollicetur deinde se præcipua quæq; illorum argumenta, non modo bona fide commemoraturum: sed etiam firmis & rationibus & scripturis euersurū: Quorum neutrum tamen præstat. Quædam enim dissimulat, pleraque interuerit, complura pierperam accommodat, neq; quicquam solide refellit. Nonnunquā etiam ira impingit turpiter, vt existimes dialectices prorsus rudem: Sed malo reipla hæc demons trari, quam iactari verbis. Restat igitur vt eius vel examinatio nem vel refutationem nostrorum argumentorum accurate expendamus. Quod quidem Deo patre Domini nostri Iesu Christi fautor, atq; adeo autore, spero, faciemus. Si primum nostra argumenta eorumq; pondus non quidem, vt ipse proponit, sed vt ea nos solemus proponere, non confuso ordine, ob oculos lettori posuerimus.

S Y N T A G M A

Quæ inter nos conueniunt.

Ante omnia igitur & sedulo quidem expendamus, quis sit cōtrouersiæ status: ne forte hoc minus cognito, in cōfusane am quandam verborum rixam, vt fieri solet, lectorum animi distrahanter. Quæcunque enim vel à nobis in hoc opere suscep-pto argumenta adferentur: vel ab aduersario contra nos produ-cta diluentur: omnia ad unum hunc controvērsiæ statum qua- si ad scopum erunt referenda.

I. Primum itaque constat inter omnes, Christum suum cor-pus ac sanguinem Deo patri ad eius iram, quam contra peccati atq; inobedientiæ labem vniuerso generi humano quasi à natu-ra iniustam conceperat, expiandam, in ara crucis, vice odoratissimi sacrificij obtulisse. Adeo vt quisquis huius oblationis virtu-te confidat, à mortis peccatiq; reatu se liberatum, is procul du-bio iustitiae gratuitam imputationem fide sibi propriam faciat: Ita vt à peccato immunis, vel certè ablatus Christi sanguine & omni sublata inimicitia in eiusdē carne, coram Deo tāquam iustus sanctusq; possit apparere.

II. Est & hoc extra controvērsiam, Christū illum fidum ani-marum nostrarum pastorem voluisse sui sacrificij, nem-pe corporis & sanguinis in hac vita, certum nobis extare sacra-mentum: Cuius celebratione animi nostri, quasi quodam effi-cacissimo stimulo, ad tanti beneficij memoriam excitarentur: vt in omnibus vel aduersissimis rebus nobis in mentes rediret, nos illi summae esse curæ, quod nos vere corporis sanguinisq; sui effecerit participes: Evidem usque eo, vt verè simus os ex ossibus eius, & caro ex carne eius: Qua copulatione, nihil ne co-gitari quidem potest arctius, nihil copulatius, nihil amabilius.

III. Porro huiuscē copulationis sacramentum atq; tesseram in cœna sacratissima fuisse ab illo institutam, nobisq; oblatam, etiam est extra dubitationem.

IV. Imò verò his Christi verbis omnium iam sermone vulga-tissimis, nempe, Accipite, edite, hoc est corpus meū, &c. con-tineri eam de qua diximus, sacramenti institutionem nemo est qui ambigat.

Quis fit status controvērsiæ?

Omnis autē controvērsia in eo consistit, quod cum Chri-stus de pane dixerit, esse suum corpus, de calice, esse suum san-guinem

guinem, quæratur, An illa verba ita accipi debeant quasi attributum de subiecto dicatur, secundum suam propriam, realem, ac natiuam significationem? An potius per aliquam figuram & tropum, quales in scriptura innumerabiles possunt reperiri.

Lutheri sententia.

Lutherus homo magna eruditione, maiori iudicio, maxima pietate, sed tamen homo vult, ea proprie, realiter ac substanstialiter ita accipi: quasi panis non modo significet aut repræsentet corpus, tanquam sacra aliqua tessera, aut figura, aut symbolum: Sed etiam reuera, atque (vt vulgo loquuntur) essentialiter ipsum illud corpus, quod in cruce patrī pro nobis oblatum est, & si non sit, contineat tamen.

Expositio nostræ sententiae.

Nos contrā negamus, Christi eam fuisse mentem, quasi sum illud corpus, quod inter discipulos mensē accumbebat, certa corporis dimensione circumscriptum ac loco finitum, vellet ijs verbis ad panis extendi substantiam: Verūm asseueramus, hoc vnum illi fuisse propositum, vt iam ex hoc mundo abiēs, & discipulos (vt ipse ait) relinquens recordationis suæ mortis, ac tanti (de quo diximus) beneficij vel signum vel symbolum vel deniq; tessera quā efficacissimā, & quidem verbis quā significantissimis ijs traderet: vt ne tam grauibus, quæ iamiam incumbebant ærumnis, neq; tum temporis, neque vñquam poſtea, in summis persecutionum procellis & calamitatibus varijs generibus animis conciderent: Sed potius ad diuinī illius beneficij commemorationem ſele erigerent, ac in ſpem æternæ vite huiusmodi ſymbolo ſuſtentarentur.

Quemadmodum inter coniuges mutua charitate inter ſe flagrantes, non raro ſolet vſuuenire, vt cum suis illa consuetudo, vel morte, vel alio quoipiam diuturno interuallo interrumptur, alter abiens, alteri ſymbolum aliquod ſui amoris quā potest efficacissimum relinquit: idq; verbis commendet & ſignificantiss. & ad amorem testādum accommodatiſsimis. Ad eam rem ſumunt nonnulli annulum, nonnulli effigiem lineamentorum accurate effictam: permulti etiam communia illa amoris mutui pignora, liberos inquam communes in medio ponunt. Hæc ipsa ſymbola volunt à coniuge ſpectari, in oculis,

S Y N T A G M A

in animo , in pretio haberi : & quo id testentur significantius. Hoc inquiunt,tibi est maritus tuus:Hoc tibi est ipse ego : Hoc tu intuere,aspecta,hoc cole,hoc ama : Hoc quotiescumque eris osculatus,in mei memoriam feceris. Ita Christus iamiam mori bundus charissimo illi suo discipulo Ioanni inquit: Hæc est mater tua : Matri vero illi suauissimæ sanctissimæq; de Ioanne ait: Hic est filius tuus. Sane si dixisset:Hic tibi erit signum vel symbolum vel imago filij tui : Iam omnis orationis atque affectio- nis neruus incilius erat. At vero cum ait ipsissimum esse filium, hoc certe est quod serio possit illam solari. Huiusmodi exempla possent referri infinita : Sed tantum his volo, vt, in quo nostra consistat controuersia rite intelligatur.

Itaq; vt paucis rem complectar. Nos & docemus & credimus, verba illa Christi in vltima cœna, nullâ omnino vel trans-substantiationem vel consubstantiationem secum afferre : Sed efficacissime nobis ob oculos ponere, verè corpus Christi nostrum quasi mancipio factum esse:pro nobis verè in cruce fraterum: vereque eius sanguinem pro nobis in nostri salutem esse profusum (Qua fide verè nos apud Deum iusti sumus , atque adeò verè vitam illam, quæ operum iustitiae in lege erat quon-dam promissa,consequimur) eademque verè ali ac vegetari in spem æternæ vitæ,non secus , imò verò longè efficacius quam corpus ipsum vel pane alatur vel vino. Quod sane mysterium non potuit à domino nostro Iesu Christo , qui verè nobis est sponsus ac maritus,verè os ex oibis nostris, & caro ex carne nostra,vllis omnino verbis exprimi vel significantius vel effi- cacious quam ijs ipsis quibus est vsus dum dixit:Accipite come dite,hoc est corpus meum,&c.

Veritas verborum Christi in cœna vnde pendeat.

Primum itaq; constanter asseueramus,verba Christi,qui- bus de pane ait:Hoc est corpus meum , esse & longè verissima, & eius erga nos incredibili amori ac summis beneficijs quam conuenientissima . De verborum itaq; veritate nulla posthac mouetur controuersia. Nam quod aduersarij nobis impingūt, cum verborum veritatem verbo confiteamur , eandem re ipsa pernegare,nequaquam est nostræ doctrinæ consentaneum. Qué- admodum enim fatentur omnes,verba illa Christi. Ego sum vi- tiis vera esse verissima,etiam si nemo vel substantialiter vel cor- poraliter

poraliter ea intellexerit: Ita possumus verborum veritati assentiri, licet corporalem omnem vel realcm modum excludamus. Nec verò velim hoc ita accipi, quasi hæc inter se comparem ut noster antagonistā plerunque solet, quascunque producimus huiusmodi similitudines, eas ita interpretari, quasi in ipsa rei efficacia & non potius in loquendi forma, velimus esse similes: Sed hoc tantum volo, verborum veritatem non pendere à realitate. Quod nemo sani iudicij mihi non dabit, nisi velimus, omnes tropicas in scriptura locutiones falsitatis accusare, quia non realiter debeant accipi. Est igitur vtrinque in confesso, verissima esse verba Christi: Sed quæ sit vera ac genuina eorundem interpretatio, id vnum vocatur porro in dubium.

Omnem interpretationem ex argumento rei subiectæ petendam esse.

Quod vt rectè intelligatur, censemus in primis atque adeo vnicē animaduertendum esse, quæ sit horum verborum subiecta materia: Secundum enim rerum de quibus agitur, hypothēsi, sunt omnes explicandæ sententiæ: Nec tam verba ipsa quam verborum est mens intuenda.

Cum scriptura millies inculcat, aures Domini patere ijs qui eum inuocant, oculos eius intendi in nupios, brachia & manus ad vltionem exertas: Quia materia vel res subiecta vel omnino scopus is est, vt effecta paternæ illius curæ, quum pro suis gerit Deus, & simul grauitas vltionis impiorum nobis ponatur ob oculos: nemo dubitat ex effectis ipsis, non ex verbis eorum sententiam interpretari. Alioqui cum Anthropomorphitis Deus humanis membris fuerit effingendus.

Eodemq; modo, cum vel pœnitentia vel animi commotio ægritudoq; aliqua illi ascribitur non recurrimus ad verborum sonum: multò etiam minus ad immensæ potentiae aestimationem (quasi possit quod dicat se velle) sed à materia subiecta & à spiritu Sancti scopo, qui effecta iustitiæ diuine humano nobis more proponit, explicationem verissimam petimus. Ita cum Christus iubet nos odiisse patrem ac matrem quos idem vult colli ac diligi: non possunt hæc nisi accurata materię subiectæ consideratione intelligi. Idem cum prohibet malum pro malo reddi, neq; omnino vult vt malo aduersemur: cum tamen spiritus Sanctus magistratum gladio non frustra armarit. Debent fane

S Y N T A G M A

hæc ex ratione materiae subiectæ declarari. Nec tamen volo (ne quis cauilletur) has loquendi formas inter se omnes tanquam pares committere: sed ex ijs tantum efficio, ut verborum interpretationem ex argumento ac re proposita, non ex ipsis verborum apicibus petamus.

Quod sit argumentum rei subiectæ in Eucharistia institutione.

Quod est igitur in his Christi verbis argumentū proposi-
tū? An nō instituere sacramētū corporis ac sanguinis quæ pro
nobis paulò post tradenda erant? planè id omnes æqui iudices
nobis dabūt. Non enim hic Christus corpus assumit. Iam enim
pridem assumpserat: nec sumpti corporis vel formam vel natu-
ram immutat. Non etiam offert corpus in sacrificium peccato-
rum expiandorum: Nec effundit quidem sanguinem vt nos à
peccatis abluat & patri recōciliat: Id enim in ara crucis demum
præstitit. Sed ad harum rerum commemorationem efficacissi-
mam sacramentum instituit. Videamus itaq; quid sit sacra-
mentum, quid eius ratio ac natura postulet: & ita facile erit de tota
controversia recte iudicare.

*Nostræ sententiaæ confirmatio à definitione, notatio-
ne & significatione sacramenti.*

Ipsi si nobis Antagonistæ definiant sacramētum, certè ne-
que rectius neque breuius definient ipso Augustino qui ait sa-
cramentum esse sacræ rei visibile signum. Quod si igitur sacra-
mentum omnino est signum rei sacræ, vt vel ipsa notatio verbi
indicat: Quis dubitabit, quin ea Christi verba, quibus institui-
tur sacramentum, ex natura ac ratione signi potius quam ex syl-
labarum apicibus sint æstimanda?

Sanè si panis est sacramentum corporis Dominici pro no-
bis in cruce fracti, eiusdem sacramentum signum vt sit necesse est: Quod si est signum, iam de re subiecta constat nec potest dubi-
tari, quin ad eius trutinam verba sua Christus accommodarit.
Nam & ipsa scriptura hoc signi verbo sacramētorum naturam
definitionemq; explicat. Constat enim apud omnes, veteris te-
stamenti prophetas hebraicè locutos esse. Hebræa autem lin-
gua sacramenti illud verbum non potest magis proprie efferre
quam

quam hoc nomine signi. *Sacra*menta enim omnia apud illos
 בְּרִית־הָאֹתֶת haethoth berith, id est, signa fœderis nominan-
 tur. Ipse Deus fœderis sui vnicus autor, quoties vel circumcisio
 nem vel arcum fœderis, vel alia vlla benignitatis suæ erga nos
 sacramenta in medio ponit, ea hoc vno signi nomine compel-
 lat: *Fateor* equidem multo latius patere signi nomen quam sa-
 cramenti vox à nobis usurpetur: Haud minus tamen idcirco o-
 mne sacramentum sacrum signū est eius rei, cuius est sacramen-
 tum. Signum enim generalis nota est omnium tesserarum, sym-
 bolorū sigillorumq; quibus fœdus aliquod sanctitur. Sacramen-
 ti nomen nos ad ea modo signa vel symbola traduximus, qui-
 bus fœdus illud à Domino gratuito nobiscum initum, & in
 corpore ac sanguine domini Iesu Christi in ara crucis sanctum
 ad peccatorū cōsequendā remissionē ob oculos nobis ponitur.

A natura & analogia sacramenti.

Scio nostros aduersarios hic acute philosophari in hoc ex-
 plicando sacramento. Volunt enim corpus sui esse ipsius signū.
 Sed de hoc postea viderimus. Nunc omnino constat sacramen-
 torum naturā ad signorum esse rationem referēdam. Nam vero
 ea est omnium tesserarum, signorum, symbolorū, sigillorumq;
 natura & ratio, ut ex similitudine seu analogia quam habent cū
 ipso fœdere vel contractu, cuius causa adhibentur, vel omnino
 cum re quam significant, nomen ipsius rei significata per se
 mutuentur sine vlla reali aut substantiali miraculosaq; rerū me-
 tamorphosi, & præterea sua etiam ipsis rebus nomina tribuat.

Hac in re si nostra fides non valet, valeat autoritas Augusti-
 ni. Is enim epistola 23. ad Bonifacium ita scribit: Si sacramenta
 quandam similitudinem earum rerum, quarū sunt sacramenta,
 non haberent, vtiq; sacramenta non essent: Ex hac aut̄ similitu-
 dine plerunq; etiam ipsarum rerum nomina accipiūt. Sicut er-
 go secundum quendam modum sacramentum corporis Chri-
 sti corpus Christi est, sacramentum sanguinis Christi sanguis
 Christi est: Ita sacramentum fidei fides est, &c. Idem contra Ada-
 manicum Manichæum cap. 12. dicit Christum non dubitasse vo-
 care corpus suum quem signum daret corporis sui. Valeat au-
 toritas Theodorei qui disertis verbis ait in dialogo, qui ἀπολογεί
 nominatur seruatorem nostrum permuteisse nomina, & corpo-
 ri quidem tribuisse nomen symboli: Symbolo vero corporis:
 Ita inquit vitem sese nominauit & symbolum sanguinē suum

S Y N T A G M A

appellauit. Cypr. eadē propemodū sententia vtitur in sermone de Chrismate Idē à Bernhardo &quidē copiose explicatur, sumpta similitudine ab inuestituris. Sed nondū pugno autoritate.

A communi usu loquendi & ratione fœderum.

Ratio ipsa & usus loquendi cōmunis apud agrestes etiā populos vsitatus id omnino docet. Quis enim nescit signa contractū solēnia pene omnia, se penumero nomina ipsa contractū sortiri? Ita dicimus porrectā glebā esse missionem in agrū, Virgulam in manū Iudicis traditā esse mancipi desertionem, vindictam vel pileum libertatis donationē. Quid vero perulgatius quā nomine iustitiae notare vel fasces lictorios vel ipsum magistratum? Quod cum in omnibus contractibus locum habet: tū vero potissimum in solenni fœderum sanctione, in quibus vel phratria vel cōmunio aliqua atq; societas iniri solet. Ita enim recte de vellere aureo ac proprie dē ei ur, Hic est ordo ille patritius atq; equestris phratriæ Burgundicæ: cū tamen insigne tantū sit eius ordinis. Quid annulus qui solet coniugib; in matrimonio contrahendo dari, annon vulgo plerunq; ipsius matrimonij nomine insignitur? Nec tamen est, qui ex verbi substantiū proprietate metamorphosin aliquā statuat? Quid dicā de simulachris & statuis, quæ lineamenta tantū corporum non animorum affectiones aut virtutes referunt? Quid de monumētis quibus animi quædam effigies obscure exprimitur? Quis tamen vel de statua Liuij dubitabit dicere, eum esse Liuum? vel de libris Ciceronis esse Ciceronem ipsum? Nec est tamen qui metamorphosin somniet. Quod si hæc fiunt ijs, quæ obscura quædā vestigia tantum valent adumbrare: Quid existimandum est de ijs sacramentis, quæ ipsam corporis Christi vim viuificam nobis tantum nō ponunt ob oculos? Si inter homines & quidem viuos symbola contractuum ad maiorem emphasin rerum nominibus insigniuntur: Quid de testantibus & morientibus dicendum est? qui solent vel efficacissima plerunq; sui symbola conquirere? Quid de filio Dei, qui sane noluit ex hoc mundo abire, nisi efficaci tessera testatum faceret, quanti eius mortis virtus à nobis est et æstimanda?

A simili orationis forma.

Sane si Christus ex hac vita deceđes statuam aliquam aut simulacrum corporis lineamēta pulchre referens discipulis cōmēdasset his verbis: Hoc intuemini: Hoc enim est corpus meū: Hoc

Hoc quoties aspiceritis, toties mei memoriam colite. Quis dubitaret quin ea verba ex cōmuni loquendi norma interpretationem accipere deberent? Nunc aut̄ quia corporis non externam speciem, sed virtutem viuiscam ac diuinā efficaciam, qua per fidē nos alit ac vegetat, voluit non lineamentorū vmbbris inanib. sed efficacissimis panis & vini symbolis (quibus nihil est omnino, nec ad vitam humanā sustentandam roborandamq; efficacius, nec ad vniōne illam mirificam Christi cum sua Ecclesia q̄b oculos ponendā accōmodatius) demonstrate & ad viuū quodammodo exprimere: Idcirco non ex symbolorū natura eius mentē æstimabimus: sed in apicibus verborum hærétes, nouas rerum formas ac substantias, nouaq; miracula, ad potentiam Dei rixis contentionibusq; obiciendam cōfingemus? Sed inquietes. Christus ait esse suum corpus: Fateor & fateor esse corpus: sed symbolice, sed sacramentaliter, sed pro subiecta rei materia. Non pugnamus cum Christi verbis, sed cum fictitia & à significatione sacramentorum aliena verborum interpretatione.

Ab analogia rerum signatarum & ratione permutationis nominum.

Enimuero ea est sacramentorū symbolorumq; natura, vt nō modo ipsius rei nomen perspē sortiātur: sed vice versa rebus ipsiis sua nomina non raro tribuant. Ita Christus non modo panem dicit esse suum illud corpus quod pro nobis in cruce tradi dit: sed corpus etiā ipsum panē esse affluerat, qui de ccelo descēdit. Quorū in altero cum metamorphosi nemo statuat: sed ex natura signi omnes interpretandū censeat: Quid causæ est, cur in altero vel transubstantiationē vel cōsubstantiationē somnemus? Paulus etiā ait, Nos omnes sumus vnum panis & vnu corpus, quippe qui de vno pane vescimur. Quis hic recurrit ad im mensitatē potentiae diuinæ, quasi ea nos omnes facile queat in vnum panē conuertere? Quis non potius ex materia rei subiectæ, nimirū ex rei signatæ ad signum analogia, verba interpretatur? Quamobrem igitur vereamur & verbā ipsa Christi ex analogia signi ad rē signatā potius quā vel ex vocabulorū superstitione obseruatione, vel ex omnipotetiæ diuinæ immēstite æstimare? pr̄fertim cum ratio huiuscem nominū permutatio nis in medio sit posita.

Sed malo eam Theodoreti verbis explicari. Is Eraſmīnen

S Y N T A G M A

seu hæreticum inducit interrogantem, quare Christus rerum ac symbolorum nomina inter se transmutarit. Ac respondeat, scopum huius rei manifestū esse, ijs qui sint rebus diuinis iniciati. Voluit enim inquit, eos qui diuina hæc sumunt mysteria, non ad ipsam naturam rerum sub aspectu cadentium obstat pescere, sed ea nominū permutatione adduci ut credant mutationi quæ sit per gratiam. Ille enim qui corpus panem appellauit, & sese vitæ nominauit, hæc aspectabilia symbola corporis ac sanguinis nomine decorauit, non quod naturam immutaret sed quod gratiā vel beneficium naturæ adderet, &c.

Non temere itaque hoc consilio vslus est Iesus Christus, non vt aliquam substantiarum commixtionem præter naturam proponeret: sed vt ad inuisibilem atque adeo incomprehensibilem Dei gratiam oculis fidei intuendam, hac sacramentorum appellatione, quasi commodo aliquo vehiculo animos nostros eueheret: Ne videlicet in terrenis hæcerent symbolis: sed ad efficaciam spiritus interiorum ijs verbis quam significantissimis expressam, fidei oculos attollerent. Frustra itaq; inducitur nature perturbatio. Est enim hoc axioma verissimum.

Regula communis ex superioribus locis conclusa.

Omnino nunquam tribui sacramentis nomen rei significatæ, quin symbolice illud ac sacramentaliter, non realiter neq; substantialiter sit explicandum.

Ab exemplis.

Exemplorum copiam superpeditabit, omnium pene sacramentorū, sacrificiorū, symbolorumq; institutio. Ac initio quidem geneseos, Arbor quæ in symbolū vitæ data erat, vītē arbor nominatur: Quę in symbolū scientiæ boni & mali posita erat, Arbor sciētię dicitur. Mox signū ac sacramentū fœderis, fœdus ipsum Dei nuncupatur. Gen. 17. Paulo post. Gen. 28. Lapis quę Jacob statuit insymbolum Bethel vel domus Dei, ipsa domus Dei appellatur, locus ipse & domus Dei & Deus de Bethel dicitur. Moses non dubitabat appellare aram quam Domino extruxit, Iehouah Nissi, id est, æternus ille Deus vexillum meum vel exaltatio mea. Symbolum illius phase, omnia deniq; sacrificia expiationes nominantur vel purgationes: cum tantum essent symbola & sacramēta illius veræ expiationis & veri illius agni Iesu Christi. Arca fœderis certissimum præsentia & maiestati s atq; adeo auxiliij diuini symbolum, Iehouah exercituū ac Deus viuus

vivus persæpe nominatur. Quæ sane omnia cogimur ex natura symbolorum, hoc est, symbolicis ac tropice interpretari.

Tit. 3.
Acto. 22.
Galat. 4.
Rom. 6.
Coloff. 2.

In novo porro Testamento baptismus dicitur ablutio peccatorum & regeneratio spiritualis: Item in baptismo dicitur includi Christus, & nos ei commori & sæpeliri dicimur, & infinita alia huiusmodi, quæ ex superiori certissima ac perpetua regula pro analogia sacramentorum debent necessario per tropum explicari.

Contrà etiam, cum res ipsæ symbolis tribuuntur, eadem explicatione vtendum est, nisi à symbolorum natura ac genuino scripturæ sensu volumus aberrare. Christus dicitur agnus, quod agnus fuerit Christi sacramentum: dicitur petra, & contrà petra dicitur Christus. Dicitur propitiatorium: cælum ipsum vocatur sancta sanctorum & tabernaculum. Angeli dicuntur Cherubim. Quid multa? Quicunq; primis labris scripturam attigerunt, intelligunt sane regulam hanc nostram esse veram, firmam ac perpetuam. Itaq; fallitur noster Antagonista, qui ex singularibus existimat nos ratiocinari. Hactenus itaq; de definitione, notatione nominis, natura & perpetua sacramentorum Analogia.

Hæc in psalmis non raro occurunt.

A partibus Sacramenti.

Sequuntur partes sacramenti. Eas esse duas tantum, nemo est, qui ambigat: cœlestem nimirum aut inuisibilem gratiam, & signum visibile. Iam certum est in cœna panem signum esse visibile, corpus rem cœlestem. Præter hæc nihil est, quod desideretur amplius. In quo aduersarij haud quaquam sibi constant: Iam enim volunt corpus esse sui ipsius sacramentum: iam fingunt, non ipsum corpus, sed aliud quippiam è corpore manans esse gratiam inuisibilem: Sed quoquo se vertant, vel corpus Christi terrestre faciant, necesse est: vel inuisibilis gratiæ participes impios ac fide prorsus vacantes: Quorum in alterutro hærent. Nam corpus quidem esse signum visibile ac terrestre, & sensus communis & ipsa eorum doctrina repudiat. Gratiam vero inuisibilem ac cœlestem conferri impijs, ratio reclamat, nec ipsi apertè audent pronuntiare. Quamobrem si hasce duas partes integras atq; inconfusas retinere volumus, omnis procul dubio crassa realis præsentia & consubstantiationis imaginatio abiijcienda est.

S Y N T A G M A

A causa efficiente promissione videlicet.

Si porro causam ipsam efficientem sacramenti confidere-
mus, profecto fiet perspicuum Christi verba symbolicōs vel
tropice debere intelligi. Omnino causa efficiens sacramento-
rum est promissio verbi diuini: promissio nisi fide non potest
accipi. Ac sane nihil est quod fides corporali modo amplecti
queat, Relinquitur igitur in hac sacramenti promissione, cor-
poralem omnem intuitum debere amoueri. Id ipsum docet
Augustinus vulgarissima sententia. Quid paras dentes & ven-
trem? crede & manduca sti.

A fine promissionis.

Præterea in omnibus sacramentis quæcunque annexitur
promissio, ea fit non symboli respectu, sed eorum, qui fide pro-
missionem amplectuntur. Ita cum baptismus dicitur lau-
crum regenerationis, id non fit in aquæ gratiam, sed eorum qui
per fidem baptismō initiantur: Cum circumcisio dicitur fœ-
dus, animus non ad illam actionem conuertendus est (nec
enim Deus cum circumcisione fœdus paciscitur) sed ad fideles
ipsos, ad quos sermo instituitur. Item cum calix ipse nouum
fœdus in sanguine appellatur: sane non est existimandum ca-
lici hanc tribui dignitatem: aut illi poculo aliquid conferri be-
neficij, sed fidelibus, qui poculum illud in ratificationem fœde-
ris sanguine concepti hauriunt. Quis iam non idem in pane
existimandum viderit? Nimirum non ad panem fieri sermonem:
neque panem vel conuerti in corpus: vel aliqua miraculosa gra-
tia corpori vniri (Nec enim Christus pani vult benefacere sed
suis discipulis) verum in eorum gratiam, qui pane illo sumpto,
indubitate credunt, corpus Christi pro se datu m, vt eo per
fidem nutriantur, panis notatur nomine corporis, nempe quo
certiori fide promissionem amplectantur.

Quæ sit promissio.

Ex quo facile potest aestimari, in quo huius sacramenti
consistat promissio. Noster Antagonista vult hic promitti rea-
lem unionem corporis Christi cum pane. Quod si ita est, iam
panis maius consequatur beneficium, quam ipsi fideles, necesse
sit. Quamobrem proprius verba sunt intuenda. Christus ait.
Accipite edite, Hoc est corpus meum. Initio proponitur man-
datum: Ei promissio annexitur: Sane mandatum ad Apostolos
solos

Ab analogia
mandati ad pro-
missionem.

solos spectat: promissionem nostri aduersarij etiam ad panem pertinere contendunt: *Quod sane est perquam absurdum.*

A promissionis substantia.

Sed primum animaduertendum est hanc loquendi formulam, nullam omnino promissionis habere speciem: Esse tamen promissionem, apud omnes in confessio habetur. In baptismo proponitur primum quidem mandatum, Baptisate. Mox adiungitur promissio. Quicunque crediderit & baptisatus fuerit saluus erit: Eadem promissio alijs verbis ita exprimitur à Petro: per baptismum nos saluos factos. Præterea Christus inquit, Quicunque non fuerit baptisatus ex spiritu & aqua, non introibit in regnum Dei. Hæc est clara promissio: Eadem ita redditur à Paulo, Baptismum esse lauacrum regenerationis. Dominus clare promittit scelē facturum fœdus cum Abraham, & fore illi in Deum & protectorem. Id ipsum circumcisionis symbolo vult confirmari. Mox ait, circumcisionem esse fœdus suum. An non hic manifestum sit his verbis hanc promissionem contineri, Quicunque crediderit & circuncisus fuerit, censebitur in meo fœdere? Idem videre est in agno paschali. Is dicitur Phase, id est, transitus. Ea ratio loquendi per promissionem explicatur hoc modo. Quicunque sanguine agni postes illiuierit, ab interitu per angeli transitum erit immunis. Ex quo patet, quomodo in huiusmodi affirmatiuis ac substantialibus loquendi formis constet ac resoluenda sit integra promissio. Quis igitur negabit, quin hæc verba, Bibite, Hoc est fœdus novum in meo sanguine, ita accipi debeant, quasi dixerit, Quisquis crediderit meum sanguinem pro se esse profusum in peccatorum remissionem, Is in hoc meo novo fœdere sanguine sancto censebitur? Hæc vero, Edite, hoc est corpus meum, quod pro vobis traditur, debere resoluti in huiusmodi aliquam promissionem. Quicunque crediderit corpus meum pro scelē traditum, & hoc fide credit: Is procul dubio corporis mei per fidem fiet particeps vel Quotiescumq; hoc feceritis in mei memoriam facietis: vel vt ait Paulus, Panis quem frangimus est communio corporis Christi? Quæ sane promissiones omnes eodem redeunt. Atqui ex ijs facile intelligitur, nullam in his Christi verbis stabiliri vñionem panis cum corpore: sed quam efficacissime explicari promissionem coniunctionis fidelium cum Christo quæ non minus arcta esse declaratur quam sit panis ipsius cum corpore.

S Y N T A G M A

A ratione mandati.

Ad hæc quis dubitabit ex ratione mandati promissionem annexam interpretari? Quod si diligenter aduerterimus, facile omnis decidetur controuersia. Iubet Christus accipi & edi. Quid tandem? ipsum ne corpus? Fac ita esse. At quomodo? An corporaliter? Id profecto nemo sanus concedet. **Q**uis enim factetur Christi corpus quod in cruce pro nobis fuit fractum, fuisse, primum quidem à Christo ipso, deinde ab Apostolis tractatum manibus & ore corporeo postea manducatum? Sane Christo, eiusq; corpore nisi fide vesci nemo potest, Si vera est ipsa veritas quæ ait, Ego sum panis vita, qui venit ad me, non eluserit: & qui in me credit, non sitiet in æternum.

Quod si Christi corpus non potest ad vitam cōsequendam ac repellendam famē spiritualem, nisi fide ac spiritualiter manducari: iubet tamen Christus id manducari in cœna: Dicemus ne, aliter manducari, cum ex eo vita & spiritualis nutritio quæ ritur: aliter dum eandem nutritionem ac vitam panis symbolo nobis proponit? Hæc quidem haud video, quomodo possint intelligi. Quamobrem haud dubium est, quin Christus symbolum quidem ipsum corporaliter manibus velit accipi, dentibus teri, & in stomachum demitti (hæc enim omnia notantur verbo edendi) corpus vero ipsum, quod symbolo significatur, fide ac spiritu (ut ante docuerat) nobiscum vñiri.

A fine Sacramenti de quo agitur et ab effectis.

Sed quis tandem est finis ac scopus huius sacramenti? An non commemorare Christi mortem? Omnino. An non viuere in Christo & fieri os ex ossibus eius & caro ex carne eius? Et id quidem est extra controuersiam. Iam hos fines quomodo possumus consequi? Num corporali aliqua manducatione? Ego quidem non existimo. Et Paulus certe ait, se se non amplius viuere, sed Christum in se. Id nequis ad corporalem vitam referret subiectum. **Q**uod autem nunc in carne viuam, id vero nihil obstat, quod minus fide viuam in filio Dei qui me dilexit & se pro me obtulit. Hic videmus fide vitam illam in sacramentis propositam acquiri, dum Christum credimus pro nobis oblatum, & (ut paulo ante docuera:) nobis persuademus, non operibus legis sed fide Christi iustitiam ac vitam esse adeptos, in eaq; per spiritus sancti regenerationem adolescimus.

Idem

DE COENA DOMINI.

Idem deprecatur pro Ephesijs, ut in hominem interiorem spiritus sancti virtute corroborentur & Christus in eorum cordibus per fidem habitet. Testatur etiam Corinthios vocatos in communionem Christi per Euangelium. Et vero ait Christum nos sibi cooptasse in membra corporis sui, in carnem & ossa sua: adeoq; vere caput fidelium esse, ex quo singula membra Ephes. per commissuras compacta, corporis incrementum ac robur mutuentur.

Quod si igitur finem ipsum in cena propositum consequimur fide ac spiritu, non corpore neq; corporaliter: Quid causæ est, quamobrem ab hoc certo ac salutari scopo ad extera-
nam & corporalem coniunctionem euagari debeamus?

Effecta sane ac virtus mandationis Christi corporis, ni-
mirum fidei confirmatio, ac mortis eius memoria, non sunt cor-
poralia: Ne ipsa quidem igitur mandatio corporalis haben-
da est.

A similibus.

Si à similibus rationem petimus, infinita similia suppetunt, omnia sacramentorum exempla. Ac imprimis agnus ille pa-
schalis, cuius institutio in hanc præsentem sacramenti celebra-
tionem conuersa est: Quemadmodum in circumcisionis lo-
cum suffectus est baptismus. Is autem procul dubio non modo
liberationis significatæ nomen accipit: sed Christo ipsi, cuius
sanguis eo figurabatur, nomen suum tribuit. Quod si igitur ex
circumcisionis ratione non dubitamus infantes ad baptis-
mum adhibere: Quis cunctabitur ex agni pascalis ratione, huius sa-
cramenti interpretationem desumere? Atq; hi sunt pene omnes
præcipui loci, è quibus explicationis ratio peti debet ea, quæ
ad subiectæ rei naturam pertinet. Restant ij qui in verborum
proprietate versantur: Actum demum, qui petuntur ex cir-
cumstantijs.

A verborum proprietate & à natura disparatorum.

Sane si verba attente inspicimus, nihil est, quod nos ab hac
sententia ad corporalem aliquam manducandi rationem ab-
ducat & tropicam expositionem è manibus excutiat. Horren-
da enim fuerit blasphemia, sine tropo existimare, corruptibile
elementum Christum ipsum esse.

Deinde certa est regula, Quoties duo disparata alterum di-

S Y N T A G M A

citur de altero, necessario ad tropum esse recurrentium nisi forte ex alijs infinitis indicis omnino constet, Dei certissimam esse voluntatem, ut contra rerum ordinem, duorum disparatorum inseparabilis fiat unio: Quemadmodum in unione divinitatis cum humanitate non una substantia veri in predicatione, sed infinitis ac certissimis testimonij comprobatur: In qua sola realis disparatorum unio potest intelligi.

A verbis adiunctis.

In hoc vero argumento, quem vel fidelorem, vel commodiorem interpretem querimus quam Christum ipsum, qui de calice ait, esse nouum foedus in suo sanguine? Quod sane nemo nisi prorsus amans sine tropo intelligat. Et quidem palam est, idem de pane dici posse, esse scilicet nouum foedus in Christi corpore. Hic autem tropus idem est ac propemodum ipsius verbis expressus, atque ille circuncisionis cum ait dominus, Hoc est foedus meum quod pepigi vobiscum Nam & Paulus foedus illud cum Abraham initum nouum foedus esse asserit, iustitiae nimirum gratuitae: Et in sanguine factum esse docet Apostolus ad Hebreos, qui exira hunc Christi sanguinem nullam non modo fidei iustitiam, sed ne remissionem quidem peccatorum constare pronuntiat Itaque cum res sit vrobiique eadem: verba etiam quam minimum discrepant: Non enim dubitandum, quin explicandi ratio per omnia conueniat.

Deinde quidem Christus iubet nos haec facere in sui commemorationem donec veniat. Sane si praesens eodem illo corpore, quo mortem obiit, adesset, nihil opus foret, quasi absens mortem commemorare donec veniret. Quin potius ad eius aduentum in sacramentis cessare deberet omnis commemoratione. Ex quo facile appetat, quid Christus senserit.

Paulus vero cum verbum corporis non dubitauit in corporis communionem conuertere, Annon hac luce clarius significauit, nullam unionem in pane debere singuli: sed tantum in fidelibus, qui in Christi communionem fidere recipiuntur? Et simul declarauit, Christi verba non posse, nisi per tropum accipi? Nisi quis rixetur corpus esse sui ipsius communionem.

A symbolorum distractione.

Quid vero quod haec rerum individue unitarum symbola distracta sunt? An non satis ostendit nullam realitatem debere introduci? Sed haec dabitur locus paulo amplius tractandi, cum aduersario respondebimus.

A cir-

A circumstantijs.

Reliquum est ut circum tantias expendamus. Ex profecto omnes, nisi plane à nobis faciunt, prorsus cœutio.

Christus iam ante docuerat, sese esse verum panem, qui de cœlo descendit ad vitam hominibus impertiendam: iusseratq; carnem suā vel corpus edi sanguinemq; bibi: Alioqui nullam in nobis ne vita quidem vestigium extare posse. Cum de hac doctrina orta esset disceptatio, ipse manifeste docuerat, non corporis sed spiritus escam sese fore, quæ non corpore, sed fide accipi deberet.

Cum autem iam tempus instaret, quo re ipsa declarandum erat sese à patre in panem ac vitam humani generis datum: proponit primum epulum, in quo fœderis diuini cum patribus pridem concepti, & messiæ veri illius agni (qui corā tendente obmutesceret & omniū nostrū peccatis oneraretur) quondam promissi, certissima symbola statueret ob oculos: Epulum illud agni paschalisi quo fœdus domini sanguine sanctū significans tuisime exprimebatur. Et quidem non est dubium quin tam eximius docttor multis verbis illis explicarit eius symboli significationem, vim atq; efficaciam (Nec enim possunt sacramenta à verbi doctrina separari) & simul docuerit eius rei veritatem in sese iam esse perfectam. Se enim esse illum agnum, cuius sanguine Dei populus ab internecione & morte sempiterna libetur. Quemadmodum enim ipsius Aegyptiacæ liberationis symbolum & commemoratione illis in agno proposita fuerat: Ita vult hanc longe præstantiorem liberationem etiam significantioribus symbolis exprimi ac celebrari. Quod ut faciat, proponit ea quæ sunt omniū ad vitam humanam maxime necessaria: eq; corporis sui ac sanguinis nomine insignit (declarans non posse aliunde vitam & salutem nos haurire). Quemadmodum antea agnum ipsum transitus nomine ex Dei verbo insignierat: Adeo ut cum Apostoli ab illo agni paschalisi symbolo ad hoc panis viniq; sacramentum vocarentur: facile quo quidq; modo diceretur, intelligerent: & quemadmodum paulo ante ab illius visibilis agni consideratione ad fœderis diuinum transiit agni ratificationem revocati fuerat: Ita nunc ab illis panis viniq; præsentibus signis, ad recolendam ipsius corporis & sanguinis dominici vim viuiscam ac nutritiam sese conuocerent.

I.

II.

S Y N T A G M A

- III. Præterea multis ante verbis Christus suam illis mortem ac sepulturam prædixerat. Id vnum profecto satis fuerat, quod eorum animos ab omni carnalis mandationis cogitatione auocaret.
- IV. Ac postea cum panem tradit, nemo est, qui miretur, suum corpus id eum appellare cum viderent omnes, verum eius corpus illuc accumbere. Didicerant scilicet eius corpus nullo loco contineri: qui vix aliud in eo quam naturam humanam ac mortalem & regni terreni spem concipiebant. Quod si ita est, cur non mirabantur de illius morte se audire, quem ad immensa locorum spatia extendi credebant. Sed nihil est minus. Norant enim vulgatissimum esse loquendi usum, vt cum quis de morte iam iam instantे mentionem faceret, soleret plerunq; intimis suis ac familiaribus aliquod symbolum in sui commemorationem proponere, atq; ipsum illud sui ipsius nomine ad maiorem emphasin insignire.
- V. Quod cum esset apud omnes gentes usitatum: tum sane Hebreis ipsis erat, quodammodo peculiare: Solent enim illi ut plurimum etiamnum hodie rerum nomina signis ac symbolis tribuere. Atq; adeo in eo versatur prope omnis eius lingua & ornatus & efficacia: Cuius mihi rei testes erunt, quicunq; sunt in ea vel mediocriter exercitati.
- VI. Paulo post vident Apostoli Christum capi, vinciri, ad iudices trahi, in crucem figi, commori etiam ac terrae denique committi. Quo spectaculo animos pene despondent. Cur non veniebat hoc eis in mentem, tanti ac tam portentosi miraculi? panem fuisse eius corpus? Ita non esse verissimile, illud ipsum corpus, quod per infinita locorum spatia explicatum esset, vel fixum esse cruci, vel clausum monumento.
- VII. Quid? cum illis de integro solita illa sua forma apparet? Terrentur, credunt esse spectrum. Christus autem ut eos ad mentem reuocet, sumit argumentum, non illud quidem sumptum ab immensitate suæ potentiae, quæ corpus etiam in terra consepultum posset illis realiter præsens exhibere: quippe quod nullo clauderetur loco: Sed à vera corporis natura. Palpate, inquit, & videte spiritus carnem & ossa non habet. Cur hic tam facile acquiescunt Apostoli, si sciunt illud ipsum corpus realiter ac substantialiter in panis frustis ita delitusse ut neque oculorum neq; manuum sensu posset comprehendendi?

Quid?

Quid: cum Angeli respondent, Eum non esse in sepulchro? cur non meminerunt vbiq; cum esse & quidem ipso etiam corpore? Nimirum nondum attigerant hanc philosophiae vbi quintatuæ partem rudes adhuc Apostoli: Sed nolo esse prolixior. Satis enim apparat cuius ex præiudicata opinione nō præfracto, nihil de illa coitione substantiarum diuersissimarū contra omnem & naturæ ordinem & sensuum iudicium, Apostolos ne per somnum quidem cogitauisse: sed simpliciter Christi verba ab vnius sacramenti celebratione ad celebrationem alterius accommodauisse. Itaque perspicuum est omnes omnino circumstantias à nobis stare.

Atq; hæc fere sunt argumenta, quibus adducimur, ut certo statuamus verba Christi tropice ac per figuram sacramentis peculiarem esse interpretanda.

Cætera quæ producit Antagonista, potius ad confutandam aduersariorum realitatem quam ad nostram interpretacionem stabilendam pertinent. Itaque videamus quid illi pro se afferant.

Propositio Argumentorum aduersariorum.

Evidem vel prorsus cœctio, vel plane nihil animaduerto, quo vel probabiliter suam confirmant sententiam: præter sola Christi verba, Hoc est corpus meū. Ea clamant esse aperta, perspicua, dilucida, in mortis extremo pene puncto pronunciata: Itaq; non debere tropum admitti. Quod si negamus verba sine tropo posse intelligi, quia alioqui Christus fuerit alio quam vero & humano corpore fingendus: Illi multa de potentia Dei copiose disputant: quasi à nobis ea vocetur in dubium: Aiunt nihil esse omnino, quod Deus non possit, quod quidem velit: vel le autem vt panis hic sit corpus Christi pro confessio sumunt. Exinde concludunt: posse igitur vel ex pane efficere vel pani substantialiter iungere suum corpus.

Mox quasi omnipotentiæ diuine obliiti ad naturarū vniōnem configiunt qua docent Christum sua natura esse omnibus locis: Ex qua ducunt argumentum: Esse igitur substancialiter vnitū pani, cum ita velle omnino cōstet: Quod ego quomodo cohæreat non video. Primum enim volunt ex verbī diuini potentia Christum sacramento esse vnitum realiter: Mox contendunt, id fieri ex vniōne naturarū: Quod si ita est, iam

S Y N T A G M A

vel verborum sacramentalium, quibus tantopere insistunt, nullus erit usus: vel certe alia omnino ac diuersa præsenzia Christi corpus aderit realiter in sacramento, atq; in cæteris omnibus rebus: Et ita erit de vnione naturarum disputatio superuacanea. Sed videamus ordine quibus effugij nostras obiectiones euictet aduersarius.

A N I M A D V E R S I O I N C O N F V T A^{AS} tionem nostrorum argumentorum propositam ab Aduersario.

A D I. A R G V M E N T V M S V M P T V M *à proprietate naturæ humanae qua fuit in Christo.*

Primum proponit nostrum argumentum ex humanæ naturæ proprietate sumptum. Nempe, Quia Christus natum nostræ per omnia similem assumperit, ideo fieri non posse, ut loco ac dimensione non contineatur: Quod tamen fuerit necesse, statura in verbis Christi realitate: Atq; id vult sumptu videri ex physicis principijs. Nimirum plane, quemadmodum illud Christi, Palpate & videte, Spiritus carnæ & ossa nō habet. Tamen concedit etiam scriptura suffultum videri, nimirum locis Pauli ad Hebræos cap. 2 & 4. & ad Philip. 2. Tamen eius aciem, primum quidem & potiss. omnipotentiæ diuinæ clypeo retundit: quam non vult ad proprietatem naturalem restringi cum constet aliter eum velle: præsertim cum omnibus etiā hominibus, nedum Christi corpori possit ubiquitatem tribuere. Localem enim positionem corporis non ad rei substantiæ pertinere: Itaq; illa integra, posse vel adesse vel abesse. Id confirmat à dimensionum penetratione, quam colligit ex Matt. 28. & Ioa. 20. Deinde tamen maximam statuit dissimilitudinem inter corpus Christi & cæterorū hominū. Postremo ait in cœna expressam esse voluntatem: quia sit seria afflueratio filij Dei, non historicâ tantum narratio. Ex quo denuo iniecta omnipotentia concludit Cingianos perperam ac futiliter reiçere præsentiam Christi in cœna, solo nomine proprietatis naturalis.

Velim profecto dari mihi hic aliquem æquū iudicem, qui nullo præiudicio rem omnem æstimet. Facile enim demonstra

ro nostrum argumentum non modo non conuelli hac response, sed potius stabiliri Imo vero perspicuū fecero, hunc Antagonistam nostri argumenti pondus, vel omnino non intellexisse, vel certe malæ fidei altu dissimulasse.

Propositio Argumenti primi.

Nos enim negamus Christum omnino voluisse, vt eius verba ad realitatem vel præsentia realem contorquerentur. Quod ita demonstramus: Quia alioqui corpus nostro per omnia dissimile: Imo vero corpus non dimensum, id est, non corporeum habuisse illum necesse fuerit: Atq; adeo non potuisse huiusmodi corpore vel crucifigi, vel mori, vel denique veri sacerdotis partes obire.

Hic primum sumit pro confessu quod est vnum in controversia, nempe omnino eum voluisse, vt realiter adesset pani in cœna: & ex eo efficit, e go & potuisse: Et quasi nos illud concesserimus versatur in hoc vno confirmando de quo nemo est qui ambigat, videlicet, nihil Deum velle quod non posset.

Alterum membrum, nimirum, An primum quidem ad veri corporis naturam? Tum etiam, nū ad eius corporis, in quo per crucem & mortem salus nobis parta sit, rationem pertinet, loco ac dimensione corporea circumscriptum esse vix leviter attingit: Et tamen quasi re bene gesta, quod vult, concludit.

Verum, si voluntate non probata, ad potentiam Dei licet configere: Quid vetat cur minus & nos hac methodo ratiocinemur? Deus vult panem esse tantum sacramentaliter corpus Christi non realiter: quia realiter vult corpus Christi esse carnem & ossa: Ergo etiam id ipsum potest. Quicquid enim vult idem potest. Illi si negabunt velle, nos hac relicta controversia potentiam eius nullis posse finibus circumscribi clamabimus. An non haec sint risu & ludibrio excipienda? Ettamen ex huiusmodi fontibus oritur omnis illorum tam magnifica de omnipotencia Dei disputatio. Quasi vero nos ideo negemus Christi corpus realiter pani conuentum, quia veli aliquid quod non possit: Ac non potius quia voluerit Christus corpus per omnia nostro simile habere excepto peccato: Quam suam voluntatem manifeste ac disertis verbis & quidem locis infinitis declararit: Ideo non

S Y N T A G M A

non modo non voluisse realem in cœna sui corporis præsentiam stabilire: Sed ne velle quidē omnino potuisse colligamus: Quod alioqui repugnantes in eo voluntates essent statuendæ. Quandoquidem constat, certam & expressam Dei voluntatem non debere incertis & ambiguis verborum ac syllabarum conjecturis obscurari: Sed contra: de incertis & controversis vocum interpretationibus ex ijs quæ sunt explorata debere statui.

Non negamus igitur voluisse Christum, vt panis ille sacramentarius suum esset corpus: Sed vt realiter pani coniunctum esset corpus: vt substantialiter verba acciperentur: vt vel transubstantiatio, vel consubstantiatio induceretur: Id vero pernegamus non modo eum voluisse, sed ne velle quidem potuisse: Quandiu certe nobis eius expressa de corporis sui natura voluntas constabit: Tamdiu autem constare debet, quoad illi aliquo scripturæ testimonio euicerint Christi corpus quantitate atq; dimensione ceteris hominū corporibus fuisse dissimile. Probent igitur voluisse Christum corpus suum pani realiter coniungere (De eo enim vno est omnis nostra disceptatio) Ita demum de Dei potentia locum disputandi illis dabimus: Hoc vt statuat hic noster Antagonista, animaduerte quæso benigne lector, quo vtatur genere argumentandi.

Ad argumentum aduersarij de seria filij Dei asseveratione in cœna.

Christus, inquit, Dei filius serio asseuerat: Ergo realis præsenta est inducenda. Cedo quid tandem asseuerat Dei filius? An non panem illum, quem in manus sumpserat, quem fregerat, quem benedixerat, quem deniq; discipulis edendum dederat, suum esse corpus quod pro nobis erat tradendum? Omnino. Cur igitur hanc tam seriam filij Dei asseverationem eludit hictam diligens verborum æstimator? Cur negat panem esse Christi corpus? Quare suam nobis confitcam obtrudit præsentiam? Cur non potius ingenue fatentur, panem pro nobis esse traditum, pro nobis crucifixum? Quare non patitur poculum ipsum in cœna exhibitum esse ipsissimum filij Dei sanguinem quo à peccatis redempti sumus? An ignorat non historicam esse narrationem, sed seriam filij Dei asseverationem? Sed ait, fieri non posse, vt panis, qui est elementum corruptibile pro nobis in

bis in cruce satis fecerit. Quid ita? An Deus iam non est omnipotens? An quod vulnus etiam non potest? At quo tamdem oraculo doctus est, Christum potius velle, ut corpus eius panis realiter vniatur (quod nusquam omnino traditur) quam ut panis ipse corpus eius esset realiter ac substantialiter, quod dissentit ab eo verbis exprimitur? Aut quare Deus cum omnia possit, minus unum possit quam alterum? Viden' lector à filii Dei seria asseueratione eum dicere? Imo vero confusa nescio quia reali unioni ipsam verborum proprietatem cludere?

Sed demum tamen hanc unionem ex Christi verbis consequuntur (quod est falsissimum) An idcirco statim verba realiter accipi debebant omni figura interpretatione exclusa? nam mirum quia sic seria asseveratio filii Dei? Nequam profecto. Sed fiat exemplo res clarior. Christus idem ille Dei unicus filius, ubi suam cum Ecclesia misericordiam atque inenarrabilem unionem ponit ob oculos, serio asseverat se esse vitam, nec vitam tantum sed veram vitam, in quo sane maxima est emphasis. An idcirco consequitur corporalem quandam aut realem esse unionem Christi cum vita? praeterritum cum Dei omnipotentia Christi corpus non minus ad vitis quam ad panis substantialiam possit extende. Ego sane non arbitror. Tamen si nostri aduersarij ratio locum haberem, cum mirum quia sic non historica narratio sed seria filii Dei asseveratio ob eam causam non posse cuitari realem conjunctionem unius cum altero: Christus non modo vitis, sed ostium, sed agnus, sed petra fiat necesse est. Valeat igitur tam frivole atque insipide probationes, quae cum ipse pondus nullum habeant nec ad statum conterentes quicquam faciant: magnis tamen de Dei potentia ampullis ad oculos lectorum peritrin-gendos intumescunt. Nos vero quoties immensam illam omnipotentiam obtrudentes, toties conrouersiam ad questione subiectam reuocemus & postulemus ostendit primum, illam esse Dei voluntatem ut realitas introducatur.

De Dei omnipotentia.

Sed quae tandem est ista omnipotentia, qua non modo rerum naturam, se Ires etiam ipsas à diuina potentia, perpetuo atque immobili ordine constitutas necesse sit interire? Quod si Deus omnia potest, potest & se ipsum negare potest & beneficiis dati penitente. Verumque tamen Paulus negat.

S Y N T A G M A

Si dixerint ne velle quidem illa Deum; fatebimur: sed idem illis responsum dabimus, nempe non velle omnino, ut Christi corpus vel alia constet quam carnea substantia, vel cum alia rea liter vniatur. Si verbis insistunt, & nos verbis disertissimis Dei pœnitentiā astruemus. Negant hæc esse paria: fateor equidē in multis esse imparia, tamen in eo conuenire liquet, quod utrumque ex verbis disertis in scriptura colligitur: utrumque tamen diuinæ repugnat voluntati: atque adeo neutrum omnipotentiæ Clypeo defendi potest. Quoties igitur quis urget ex verbis scripturæ Deum pœnitere dati beneficij, fatebor propositionem esse verissimam: Sin autem addet de suo, id realiter ac substantialiter debere intelligi: Tum obijcam id fieri omnino non posse: Deum enim non esse similem homini quem possit pœnitere, aut qui se possit abnegare: & irreuocabilia esse Dei dona cum Paulo libere pronunciabo. Eodē plane modo, si dixi panem esse corpus Christi, quia domini verba agnoscō, fateor esse verissima: si addis de tuo vel realiter panem esse corpus vel substantialiter cōiunctum corpori, affirmatiue testabor, fieri id omnino non posse, quippe quod repugnet, non modo sacramentorum analogiæ, definitioni, nominis, partibus, toti denique naturæ: sed ipsi etiam manifestissimæ Dei voluntati, qui Christi corpus nostro per omnia simile dare voluit.

Omnino igitur fatemur cum Augustino de ciuitate Dei libro 5. cap. 10. Et contra Faustū lib. 26. cap. 5. Cum Theodoreto in dialogo qui dicitur Apactus: Imo vero cum Paulo ipso non nulla dici posse, quæ Deus præstare nequeat: non modo quia nō velit: sed quia neq; possit velle, neq; velit posse: utpote quod eius efficaci potentia aduersentur. Cum enim potentia eius individualiō nexu cum veritate sit copulata, quicquid verum est, id sane eius omnipotentia falsum efficere (quamdiu quidem verum est) nequeat. Alioqui falsum sit facere cum quæcumq; velit facere, si quæ velit facere eadem faciat ut non sint. Quæcumq; igitur contradictionem in oratione adferunt ea quia Dei potētia aduersantur ideo ad eius omnipotentia referri nequeūt.

Confirmatio Argumenti primi A natura & definitione corporis sumpta

Cum autem Deus velit, & quidem potenter efficiat, ut omne corpus sit corpus, necessario sequitur, non posse cum efficeri, ut

re, vt quod velit esse corpus, idem non sit corpus: Atq; id vnum tamen postulant aduersarij: & nobis grauiter succenserent quod nolimus à Christi corpore naturam auferre corpoream: At certe vel quid sit corpus nesciunt, vel scire se dissimulat: Nec enim veretur noster Antagonista pronuntiare, corpus aliquod quantum esse, dimensum esse, & loco contineri, esse tantum accidentia, quæ à substantia tolli queant. In quo ludit ambigua voce substantiae. Fatemur enim sine substantia incertu, dimensionem tolli posse: At vero illam posse eripi à substantia corporea: id vero omnino pernegamus. Sunt, inquit, accidentia ut corpus sit paruum aut magnum, album aut nigrum, moueat loco certo, aut in eodem consistat. Quid hoc ad rem? An quia magnum aut paruum esse, hoc vel illo loco circumscribi, accidentes est: Ideo etiam quantum esse, dimensione corporea constare, loco omnino comprehendendi, erunt accidentia? Quis non videat hæc esse falsissima? Discrimina quidem quantitatis inter accidentia ponni confitemur. Nec enim ita stupidi sumus ut iugoremus alia corpora tamen magnitudine, tum loci situ ab alijs differre, nec minus tamen esse corpora. Scimus etiam hæc fuisse in Christi corpore accidentia: primum quidem statura fuisse exigua ac puerili: deinde paulatim adoleuisse: Ac post in eam, quavisum fuit, magnitudinem excreuisse: potuit esse maius, potuit esse minus & tamen esse corpus: At vero ut vel Christi, vel aliud omnino corpus nulla omnino magnitudine constet, nulloq; loco constat, id sane ne intelligentia quidem compræhendi queat.

Fatetur ipse noster Antagonista substantiales proprietates non posse tolli à corpore humano, nisi simul & corpus ipsum tollatur. In ijs ponit carnem, ossa, sanguinem, neruos, &cæt. Sed primum fallitur quod existimat has esse proprietates substantiales humani corporis, quæ partes ipse sunt totu constituentes: Deinde quod quasi de corpore humano &nō generatim de corpore sit quæstio, Ait, quantitatem esse accidentalem corporis humani proprietatem. In eo etiam bis peccat. Quantitas enim proprietas est nō quidem corporis humani sed corporis in unius. Aliter enim sumimus corporis nomen, quando aliquid dicimus esse corpus, aliter cum humanum corpus significat notamus. Corpus enim humanum altera pars est animalis ratione prædicti népe hominis: At vero omnium omnino animalium communè genus est. Deinde non est accidentalis (ut ipse cen-

S Y N T A G M A

set) proprietas, sed plane substancialis ipsius corporis. Corporeū enim esse, nihil est aliud quam quantum esse, id est, dimensione quantitatis constare. Corpus enim in quantitate dimensio est, longitudinē, latitudinem & crassitudinem obtinens: Sine qua proprietate nullum corpus non modo animatum sed ne inanimatum quidem vel cogitari potest: Adeo ut dimēsio corporea, non modo substancialis aliqua proprietas corporis habeatur: sed sit illa præcipua à dialecticis differentia specifica dicta, quæ vna iuncta substancialē, corpus constituit.

Quod enim noster Antagonista corpus cum substancialia ita commiscet, quasi corpus nihil aliud designet quam nudam substancialiam, etiam in eo labitur sane quam pueriliter. Non enim vnam quamlibet substancialiam significat corpus (Alioqui angeli ac dæmones forent corpora) sed substancialiam corpoream, id est, longitudine, latitudine & profunditate constantē: Hæ enim dimensiones ex nuda substancialia corpus efficiunt. Est enim recte à philosophis definitum omnem substancialiam vel esse corpoream vel incorpoream. In incorpoream non cadunt dimensiones, eaq; constituit spiritum: Corporea autem substancialia ea est, quæcunq; dimensionem corpoream recipit, per quam efficitur corpus: Adeo vt nullum plane sit corpus, nisi corporeum, id est, dimensione corporea constans: Si tollis dimensionē, iam restabit quidem substancialia, sed incorporea: Ita ne corpus quidem erit amplius. Hoc si quis neget, is eodem iure neget hominem esse hominem. Tantum enim est potentium hominem non esse hominem, quam corpus nō esse corporeum, id est, nulla dimensione corporea terminatum.

A corporis diuisione & genere quantitatis.

Iam diuiditur omne corpus in animatum atq; inanimatum. Ab animati differentia constituitur animal, non secus quam à differentia corporei corpus constitui diximus. Quod si igitur Christum neges corporeum esse, id est, dimensione corporea constantem, necessum est & simul animal esse neges: Si non est animal, ne homo quidem. Hinc iam facile animaduertat cordatus lector, quibus officijs ac vocum ambiguitatibus aduersarij nobis oculos conetur perstringere, quando dimensionem corpoream humani corporis substancialē esse proprietatem negant.

Verum-

Verum enim uero haud possum satis mirari, quamobrem cum videant alterum genus quantitatis, nempe, numerum, omnibus vel ipsis incorporeis substantijs debere tribui: Quare alterum genus, dimensionem nimirum continuam corpoream videlicet audeant à corpore tollere: Cum non minus Deo sit facile, ex uno eodemq; corpore plura corpora dimensione fabricare. Aut igitur relinquant dimensionem, aut numerum tollant: Atq; ita ex uno Christi corpore infinita sibi effingant: Aut si numerum seu discretam quantitatem relinquunt ne dimensionem quidem corporibus omnibus propriam eripiant.

Quam vero est ridiculum ad conseruandam corporis natu-
ram partes ipsas, nimirum, ossa sanguinem, neruos relinquere:
dimensionem autem corpoream, sine qua ne partes quidem
ipsae fingi possunt, velle tollere? Quum vel pueri animaduer-
tant sine harum partium aliqua, aut etiam pluribus, corpus hu-
manum, & si vel exangue vel mutilum constare tamen posse:
Sine dimensione autem non modo corpus humanum neque
viuum neq; mortuum: sed ne ullum omnino corpus vel cogi-
tari quidem posse. Itaque vel sua ipsius confessione victus tene-
tur: Cum enim concedit sine proprietatibus substantialibus cor A confessione
aduersarii
pus humanum non posse consistere, fateatur necesse est, vel
Christi corpus corporea constare dimensione, vel omnino cor-
pus non esse.

Et iam quidem facile est animaduertere, viri nostrum Dei
omnipotentiam euertant, Nosne, qui statuimus, Deum nullum
vnquam fixisse corpus, nisi corporea dimensione constans, vt
eius creatrix potentia & rata & efficax maneat? An aduersarij
ac imprimis hic noster Antagonista, qui fingit ita Deum posse
omnia vt non modo Christi corpus omni corporea dimensio-
ne priuauerit: sed nostra etiam singulorum corpora facile pos-
sit in incorpoream immensitatē, salua corporis substantia, pro-
tendere? Quod omnino eum ne posse quidem velle, manife-
stum est: Vt pote, quod non modo eius voluntati: sed efficaci-
eriam potentiae, quæ id quod vult potenter efficit, ex diametro
aduersetur. Cum enim sint contradicentia, nequeunt simul esse A contradic-
tiū natura.

Atque adeo ne in Dei quidem omnipotentiam cadunt,

Dicit quisq; nescit Christi corpus suis instrumentalibus

S Y N T A G M A

constare partibus? partes vero toto esse minores, nemo est, qui ambigat: Si autem totū est immensum & partes immenses sint necesse est. Quod enim dimensione caret, id in partes dimetiri non queas: Si sunt immenses partes, ne toto quidem sunt minores. Quod enim est immensum, immenso neq; minus neque maius fingi potest, neq; adeo partes esse, ne partes quidem esse poterunt. Fatetur hic Christi carnem constare ossibus ac nervis: ossa autem totum corpus non esse, nemo est qui non videat: Quod si non sunt totum, ne immensa quidem: Si non sunt immensa, sed sui dimensione certa à toto distinguuntur: necesse fuerit, vt quod est immensum in partes dimensiones possit distribui. Quod quis non videt ab ipsa rerum veritate abhorrete! Ac ne quis hæc quasi sophistarum cauilla respuat sciat Cyrilum his vti rationibus in diuinitate declaranda dialogo de Trini. lib.2. Tom.1. fol.245. .

Ab autoritate.

Inquit enim & quidem optimo iure. Si vere sectionem & partitionem diuina natura (vt illi dicunt) recipere, intelligetur & corpus: Si autem hoc & in loco omnino, & in magnitudine & in quantitate: Etsi quanta facta esset, non effugeret circumscriptiōnē, &c. Quod si recte à nostris aduersariis esset animaduersum: Nē illi haud facile suis figmentis à vero Christi corpore, dimensionem, magnitudinem, partium diuisionem ac circumscriptiōnem locorum tollerēt. Quibus sublati, Cyrillo teste, nihil potest restare naturæ corporeæ: Imo potius abiecta tam portentosa philosophia à Christo discerent, corpus eius constare, manuum pedum ac laterum dimensione, circumscriptiōneq; neq; spiritum esse: sed carnē & ossa solida sub sensu cadentia retinere.

I. Refutatio obiectionis de dispensatione.

Scio eos recurrere ad suā illam dispensationis Chimæram: sed hærent in luto. Nam si vere Deus dispensat, Christi corpus constare membris dimensionis, numeratis & à toto distinctis: Atq; idem dispensat non constare membris vel distinctis vel numeratis sed sine vlla corporeā dimensione, quo cunq; locorum extendi: necesse est vt eius dispensatio dispensationi suæ aduerseatur: Et ita omnipotentia sele destruens labefactetur: Quæ sane cogitatione complecti horret animus.

II. Refutatio aduersariæ obiectionis à dissimilibus.

Quos igitur recitat Antagonista noster versiculos ad hanc stabilien-

stabilierendam omnipotentiam, plane nihil ad rem pertinent: Etenim potest quidem Deus solis cursum retinere, mortuos suscitare, virgineos partus creare: At vero, ut sol non sit sol, mortuus non mortuus, virgo non virgo: haec sane eo uno non potest, quia est potenter omnipotens. Idem de corpore corporea dimensione carente: de partibus immensis: de toto corpore partibus non constante: & alijs huiusmodi, quae manifestam habent contradictionem, atque adeo Dei potentiae aduersantur, sentiendum est.

*Confirmatio eiusdem argumenti I. à natura
& definitione loci.*

Quod ad locum attinet, modo non anxie de vocabulo laboremus, sed simpliciter id, quo quicquam continetur, vel ubi quidq; est, id locum nominemus: non in corporeis tantum substantijs, sed in ipsis incorporeis ac spiritualibus locum intelligi erit necesse. Certū est enim angelos tam bonos quam malos esse alicubi, nec alibi, quam ibi ubi sint. Fateor equidem in eos non cadere dimensionē corpoream: ideoq; in uno homine diabolorum Legio hærere potuit. Id tamen est certo certius, eandē illā legionē dum in porcos abiisset, in eodem illo homine amplius non fuisse: Habent enim spiritus ipsi circumstantiam circumscriptionem: quemadmodum Augustinus de Christi anima sentit, non fuisse eam in corpore, cum esset in paradyso, nec in paradyso cum esset in inferno: Verum quia id non proprie ad rem præsentem pertinet non insistam pluribus: Tantum addam, veterū plerosq; orthodoxos hoc axioma pro indubitate sumpsisse: nihil posse in pluribus simul esse locis, nisi Dei essentiam ipsissimam. Ex quo validissime cōcluserunt, Spiritum sanctum ipsissimam esse Dei essentiam. Ita enim argumentatur Basilius in ^{Ab autoritate} lib. de Spiritu sancto cap. 22. Ita Didymus: Ita Vigilius in disputatione inter Sabellium, Photinū, &c. Ita Cyrilus lib. 13. Thes. cap. 11. Ita deniq; Fulgentius. Nec facit ad rem si statuas disserimen inter propriam potestatem & alienam: Alioqui argumenti totius robur eneruabitur. Obijci enim poterit Spiritum sanctum non quidem sua sed aliena potentia pluribus fuisse locis. Illi vero neque propria neque aliena potentia cuiquam omnino id tribuunt, nisi vni diuinæ essentiæ: Ita ut de Christi corpore id dici nequeat, nisi corpus ipsum in essentiam diuinam transiisse dixeris, & corporis naturam ab eo sustuleris,

S Y N T A G M A

Quicquid enim est corporeum idem dimensionum sit necesse est: Quod dimensionum est sua dimensione te minatur atq; circumscriptur. Ea circumscrip^{tio} in corporibus locu^s dicitur. Quem si tollis, non modo corpoream dimensionem, sed ipsam omnino substantiam sustuleris. Hoc illud e.t quod Augustinus inquit: Tolle spacia locorum corporibus, iam nusquam erunt: Et quia nusquam erunt, ideo non erunt. Nec enim de accidentaria aliqua corporis facultate loquitur, ut vult noster Antagonista: sed de ipsissima essentia, quam omnino negat à locorum distinctione posse diuelli. Tam enim vult proprium esse corpori distinguⁱ locorum spatijs quam omnino extitere.

A ratione temporis & loco.

Imo vero æque proprie conuenit omnibus omnino creaturis esse in loco atq; esse in tempore: Quicquid non circumscribitur loco, ne tempore quidem circumscribi potest. Itaq; si corpus Christi volunt esse extra locum: ponant idem extra tempus atq; adeo ab æterno fuisse assuerent: Nec enim manifestius docet scriptura Christum in tempore natum quam in loco: Nec Augusti seculum accuratius obseruatum est quam locus Beihlehem, quam ipse virginis uterus.

Refutatio de penetratione dimensionum.

Ex quo efficitur frustra nobis obijci dimensionum penetrationem, quasi Christus qui saxum monumenti & ostium penetrari, etiam simul in pluribus esse locis possit: potest enim corpus solidum cedere: potest in naturam aeream difflari: potest in spiritalem auram diffluere: sed simul in pluribus locis existere nec aer nec spiritus ipse vnuquam poterit. Deinde si ita est, & vere Christus saxy & ostij dimensionem penetravit: iam facilius necesse est non vbiq; illum fuisse. Nec enim penetrare ostij substantiam necesse est ei qui non minus sit in cubiculo quam extra cubiculum: neq; saxum monumenti penetrare, opus sit ei, qui monumento non claudatur.

Sed vnde tandem colligunt Christum ianuae ac lapidis dimensionem penetrasse? Nimirum quia Iohannes testetur, cum discipuli in conclavi vnâ essent congregati & ostia clausa Christum ad eos venisse: Quasi vero aut obscurum sit aut inusitatum quempiam ostijs clavis introire, cui intrinsecus ostium non recludatur sed ipse illud extraordinaria quapiam vel vi vel arte operiat. Introire enim ostijs clavis, non est per ostij dimensionem

sionem perrumpere: sed etiamsi ostia fuerunt clausa: tamen aditum virtute aliqua inusitata reperire: Quod ipsa græcæ linguae proprietas multo clarius exprimit: Illi enim participia præteriti temporis à præsentis temporis participijs admodum significanter discernunt: Aliter enim per participium apud illos exprimitur, dum ostia clausa essent: Aliter dum ostia clausa fuissent: Atqui Ioannes hic participio præterito utitur: ~~τόποις οὐδέποτε εἰσενεγόντος~~: Quasi diceret. Cum iam ostia clausa fuissent: tamen Christum ad eos venisse: In quo non minor sane Christi virtus declaratur quam si ostij dimensionem penetrasset: Nisi forte negotes Petrum miraculose ab angelo educatum è carcere, cum ostia fuissent clausa: nempe quia eum angelus per ostij dimensionem non deduxerit.

Quod vero aiunt de monumento, non possum non mirari, cum Euangelistarum nemo id tradiderit. Commemorat quidem Ioannes fuisse monumentum diligenter obsignatum: Sed per obsignatum monumentum corpus Christi penetrasse, hominū orisorum est figmentum. Nam Ioannes aperte testatur, lapidem fuisse amotum, etiam antequam eò angeli venissent. Valeant itaq; huiusmodi demonstrationes, quæ primum quidem falsæ sunt: Deinde ut sint verissimæ, nihil tamen eficiunt. Tantum cuius manifestum faciant, hos ubiquitatis patronos scripturarum testimonio prorsus esse deititos. Qui enim toties clamant nos contra scripturam venire: iij ne vel minimo quidem scripturarum apice poterunt viuquam demonstrare, Christi corpus plusquam uno fuisse loco. Nos coatra, permulta producemus scripturarum testimonia in quibus dum uno loco Christus esset, spiritus sanctus negat alio fuisse loco. Nam ipse met de se ait, Gaudeo illic me minime adfuisse: Item necesse est me abire, Item relinquo mundum & vado ad patrem. Et angelus de eo inquit, Surrexit, non eit hic. Sed de his postea: Hic tantum obserueretur aliquo loco non esse & esse omnibus locis, iterū esse contradicentia: Hæc enim verba, Non eit hic, notant absentiam realem atq; corporalem. Neq; nullus hic relinquitur locus locutioni figuratae. Quæritur enim non de signo aut figura, sed de ipsissimo corpore.

Confirmatio 11. argumenti à fine cur Christus corpus sumpserit.

E



S Y N T A G M A

Altera nostri argumenti pars in eo consistit quod fuerit omnino necesse, Christum habere corpus & dimensione constans & loco circumscriptum : non tantum ut verum esset corpus sed etiam ut in eo corpore nostrae salutis mysterium posset adimplere. Itaq; etsi euicerit aduersarius, glorificata corpora varare omni dimensione circumscriptioneq; (quod tamen nunquam euinct) nihilominus in Christi corpore, dum esset passio ni morti; proximus, id omnino dici non potest, nisi salutis nostrae mysterium irritum atq; inane velimus reddere. Itaq; non frustra Apostolus asseuerat, Christum participem factum carnis ac sanguinis fratrum & illis per omnia simile esse excepto peccato, quo mori & pati posset.

Sed audiamus primū quam dextre hic noster antagonista hoc telum effugiat: Ait ea verba esse iuxta suum certū modum intelligenda nimirū, substantia quidem verum fuisse hominē, suscepisse etiā humanas imbecillitates, eodemq; plane modo in ærumnis affectū fuisse ac cæteri homines, excepto peccato: Interē maximam eius corporis à nostris corporibus fuisse dissimilitudinem. Ideoq; dimensionem excipi debere ab hac communi nota. Taceo quod ipse sibi, necio qua licentia permittit, claram ac perspicuam Spiritus sancti asseverationem sua interpretatione à verborum significatione aliena eludere : qui toties inculcat à verbis non esse recedendum.

A similitudine substatiæ in corporibus, & corporis Christi cum nostris.

Quod vero existimat in duobus corporibus, quorum alterum dimensione constat & numero mensurāq; finitum est, alterum omnem dimensionem excedens, ullam posse substatiæ similitudinem statui: Quis illi dabit, nisi qui simul concedat Dei ipsius substatiæ esse similem substatiæ corporis humani : Aut certe quidē cum Martione corpus Christo phantasticū affingat.

Quod etiam dissimilitudinem illam tantā in corporibus nostris à Christi corpore statuit, in eo sane ab Apost. argumento, toto, quod aiūt cœlo aberrat. Verum ait Christū natura Deum esse. Quasi vero de diuinitate sermo sit, ac non potius de humilitate: Imo vero de ipso corpore: Eius natura quid à cæteris corporibus disreparit, queritur. Manifestū est itaq; eū extra oleas vagari. Nam quod ad Apostolum attinet, is agit hoc vnum, ut offendat, Christum nobis per crucem morte atq; ignominiam in cœ-

in cœlum fecisse aditū : Id vero cum Dei filio videretur patum conueniens, ostendit multo fuisse omniū conuenientissimum: Et quidem omnino necesse ut morte ipsa mortem destrueret & afflictionibus filios sanctificaret. Quod fieri certe nō potuit, nisi nostram carnem, nostrum sanguinem, nostram deniq; naturam sibi propriam faceret, ac per omnia fratribus fieret similis. Hic iam videmus pro re atq; argumento subiecto, peccatum sua sponte excipi. Non enim potuisset sanctificare cætros, nisi ipse ab omni peccato immunis.

Dimensionē non excipi, ab effectis dimensionis probatur.

Vt vero dimensionē corporis excludamus, neq; ratio, neq; rei subiectae materia patitur: Tantū enim abest, vt loco circum scribi & humana dimensione constare minus necessariū fuerit in pontificis nostri ac seruatoris persona quam humanis infirmitatibus esse obnoxium : Vt quæcunq; tandem infirmitates in eo fuerint ex illo quasi quodam fonte manarint: nimirū quod secundū naturā corpoream non esset immensus, sed certo loco certaq; dimensione circumscriptus. Etenim quo pacto potuit in utero virginis per nouem totos menses claudi, in præsepi collocari, in crucem figi, sepulchro per triduū teneri, cœlo deniq; comprehendi, is, cuius corpus nullam locorum circumscriptiōnem, affixionem, detentionē, nullā deniq; comprehensionem omnino recipere? Annon his positis, necesse sit, non modo Apostoli scopum, sed vniuersum nostræ salutis mysterium funditus euerti? Fatemur quidem complurimas eius corpori à diuinitate præclaras esse dotes tributas, quæ nobis non item concedantur: Sed ex primū quidem ad naturam humanā proprie non spectant: Deinde corporis proprietatem haud tollunt: Postremo infirmitatem illam, qua pro nobis in certo loco passus ac sepultus fuit, non eripiunt.

Ab effectis immensitatis.

At vero hæc immensitas corporis, ne corpus quidem ipsum relinquat: tantum abest, vt morti & cæteris humanis calamitatibus obnoxium esse patiatur. Quamobrem ab hac cōmuni Apostoli nota excipi nullo modo potest. Hic tamē Antagonista recitatis aliquot prærogatiis, quæ ad hanc corporis immensam extensionem ne hilum quidem pertinent, ipse sibi triumphum canit, gloriaturq; hoc argumento prærogatiuarum, neruum nostrorum argumentorum incidisse: quæ tamen vix leuiter quidem adhuc attigit,

S Y N T A G M A

Mox calcationem aquatum profert, quasi ea quicquam habeat commune cum immensitate corporis: Sane si corpus eius in immensum sese explicasset, erat cur Apostoli vere spectrū esse, certo sibi persuaderent. Quando vero ipse Christus testatur, se se illic realiter suo corpore præsentem adesse: Satis profecto declarat, aquarum calcationem nihil ad immensitatem corporis pertinere. Tandem ad rem ipsam aliquando venit conaturq; ostendere, Christum id voluisse, quod ante iantopere laborauit ut ostenderet, potuisse.

Confutatio argumenti de Assueratione.

Nec ullum tamen aliud producit argumentū quam seriam illam, de qua diximus, filij Dei assuerationem. Nos quidē filio Dei credimus, & quidem solo nutu testanti voluntatem: Quod vero suam illam assuerationē corporaliter voluerit intelligi. Id vero nostro antagonistae incumbebat probandum: Sed hic est altum silentiū. Imo quasi indubitatū foret axioma, quod quicquid filius Dei non historice narrat, sed serio assuerat, id corporaliter accipi debeat (quod est certe falsissimū) concludit ex eo nemini pio licere verba Christi eludere. Quasi vero eludere sit, verā ac perspicuā verborum interpretationē ex natura rei subiectae vestigare: quia scilicet corporalis modus excludatur.

Postremo quasi re confecta ex sententiā denuo iniicit mentio nem omnipotentiæ & tandem Epilogi vice Cinglianorū futilem de locorū necessitate argumentationē esse pronuntiat. Ita ut facile appareat, nihil aliud eum, quam nostrā sententiā confirmasse: Nitirum, quod suæ causæ patrocinio pene deserto in extuendis varijs de diuina omnipotentia commentis, et si mulcum, frustra tamen, desudarit.

A D II. ARGUMENTVM AB UNIONIS naturarum ratione *desumptum.*

Quod ad secundi argumenti à nobis producti cōfirmatio nem attinet, videretur mihi quidē hic multa philosophari acute de vniōne naturarū: Nodū tamen ipsum rei vix attingit. Producit varia argumenta, quibus demonstret gloriam Deitatis humanitati tributam (quod libenter damus) vt vero proberet etiam immensitatem illi tributam, in eo vix vnum aut alterum vel verisimile argumentum adfert.

Argumenti

Argumenti nostri propositio.

Hic autem est status controversiae, An carere dimensione (quod immensum esse haclenius appellauimus) corpori Christi tribui debeat ex vnione naturarum? Nos negamus equidem hoc argumento: Quia vnio naturarum sine permixtione ita intelligatur, ut nec à deitate, quod ad naturam diuinam pertinet, nec ab humanitate, quod quidem ad eius constitutio nem requiratur, quicquam sublatum sit. Natura diuina non potest esse, nisi spiritus, essentia æterna, immensa, quæ neque locis neque temporibus circumscribatur. Humana autem ut existat, omnino necesse est, primum quidem, ut sit substantia, eaq; non incorporea, sed corporea dimensione constans, quæ non modo animata, sed etiam rationalis intelligatur. Deinde quicquid vel ad animæ vel ad corporis naturam pertinet, id omne contineat. Quod si igitur esse vel dimensum, id est, corporeum, vel anima præditum, vel rationis particeps sustuleris: Sane naturæ humæ næ ne vestigium quidem relinqui poterit. Itaq; vnio naturarū in Christo immensitatem corporis minime efficit.

Hæc ut refellat aduersarius ait, naturarum distinctionem non inducere distinctionem loci: Fateremur si rectè intelligatur: Nempe etiamsi Christus constet duabus naturis distinctis: nullo tamen loco illas posse separari. Sin autem ex eo immensitatem cum dimensione confundere velit, iam axioma illud omnino pernegamus. Nam vel ipsem fatetur has naturas ita distinctas intelligi, quod altera sit creatrix & ab æterno, altera & corporea & creata: Quod si recte intellexisset, iam sublata esset omnis controversia. Quemadmodum enim ab essentia Dei nefas est tolli, increatum, immensum & ab æterno esse. Ita ab hominis natura ne imaginatione quidem auferri potest, corporeum esse & in tempore creatum, id est, dimensione & tempore circumscriptum. Ex quo efficitur nec Deitatē Christi sine immensitate, nec humanitatem sine corporea dimensione posse constare.

Diuidere naturas & vnio naturarum quid?

Noster Antagonista laborat, ut probet has naturas nunquam diuidi. Quasi vero diuidere sic suam cuiq; proprietatem naturalem ascribere: Aut quasi, quia Christi humanitas non sit spiritus, dimensione carens, ideo minus inseparabiliter cum di-

S Y N T A G M A

uinitate coniuncta sit: Aut deniq; quæst nō omnes videant, duarum naturarum vñionem nō significare, nec inclusionem vniuersus sub altera: nec alterius ad alteram extensionem: sed tantum vnius cum altera inseparabilem copulationem. Quod vt intelligatur, similitudine quam appositissima vtamur.

A simili animæ & corporis.

Nihil autem potest esse in rerum natura magis accommodatum ad naturam Dei explicandam, quam ipsa eius imago, ad quam homo conditus est: Mens nimurum atque intelligentia: quæ nulla sane dimensione circumscribitur: Nec enim est substantia corporea: sed quocunque vuult, liberrime euagatur. Id quomodo fiat nemo satis intelligit. Quemadmodum nemo intelligentia complecti potest, qui fiat, vt Dei simplex & vñiformis essentia vbiique diffundatur, nec tamen ipsa creaturarum essentia permisceatur. Scio quidem non posse hac similitudine diuinam illam immensitatem ad amissim exprimi: Tamen haud potest, meo quidem iudicio, aptior ab humanis rebus similitudo sumi: In qua facile est animaduertere, vñionem individuam mentis cum corpore, locis omnino, neque separari etiamsi quocunque mens pertingit, eo corporis moles minime feratur.

Quod autem ex animæ & corporis similitudine aduersarius suam videtur sententiam velle stabilire, nihil agit: Illa enim etiam à nobis facit. Nam quod vbiunque sit anima ibi etiam sit corpus: & contra: Id nemo illi simpliciter dabit. Etenim animæ substantiam quidam in corde, quidam in cerebro, aliqui collocarunt in sanguine. Quoquo modo se res habeat: certum tamen est, non tam animæ substantiam per totum diffundi corpus, quam eius vires atque facultates. Id ex eo liquet: Quod manus amputata, vel alia quapiam corporis parte præcisa, de substantia quidem animæ nihil detractum est. Vis tamen illius atque facultas in membro præciso, aliquo etiam post tempore palpitare cernitur: Quod est etiam in reptilibus multo manifestius. Sane si animæ facultas, ipsa foret animæ substantia, vel partes illæ à truncu amputatae, nullum eius facultatis vestigium præ se ferrent, vel si ferrent, necesse esset, animam censeri imminutam. Cum igitur ipsa animæ substantia (etiamsi corpori nexus quodam individuo coniuncta sit) haud tamen in omnibus

mnibus eius partibus substantialiter continetur. Manifestum est hac similitudine nostri aduersarij rationem irritam frangi. Sed fac tamen esse vti vult, animæ substantialiam ad substantialiam vniuersi corporis extendi: Ne quidem tamen ex eo quicquā efficiet. Id enim si fiat, necesse sit, ob hanc vnam causam fieri, quia anima non sit infinita, sed corporeæ molis cancellis circumscripta. Alioqui si nullo loco anima circumscribatur, sed per infinita locorum spatia sese explicet, manifestum est, neque corporis naturam idcirco minus fore circumspectam neq; vunionem tamen illam inseparabilem abruptam. Itaq; hac ipsa similitudine aduersarius tanquam suo gladio ingulatur.

Hoc autem ita se habere in singulis corporis membris fit perspicuum: Brachia quidem in corpore cum anima, in vnam hypostasi inseparabiliter coniuncta sunt: Tamen quia anima non circumscrimitur brachiorum circumscriptione: Idcirco ex hac vniione, nemo vnuquam euincet, vbi cunq; sit anima, ibi esse brachia. Singula enim membra sunt corpora suis dimensionibus finita: quæ sane ad spiritalem animæ circumscriptionē extendi nullo modo queunt: licet simul cum anima vnam simpli cem hypostasi atq; indiuiduam constituant: Neq; potest anima constare nisi coniuncta si non omnibus, at certe primis membris vitalibus, potest autem esse vbi illa non sint.

Ita et si propter indiuiduam naturarum in Christo vunionem, diuinitas eius non possit intelligi, nisi quæ sit cum humanitate copulata: neq; contra, humanitas ab illa queat auelli (in vnam enim hypostasi coniuncta sunt) Nihil tamen impedit, quo minus deitas ipsa sit, vbi non sit humanitas: Nisi velimus Christi corpus, dum esset consepultum, etiam in cœlo cum diuinitate fuisse: Aut forte statuimus ipsam etiam diuinitatem humo reconditam.

A consensu & explicatione scholasticorum.

Atq; est hoc à scholasticis significanter hoc dicto explicatum. Totus quidem Christus est vbiq;: Sed non totum, quod est in Christo. Et Aquinas fatetur, Totum Christum fuisse in sepulchro, totum in inferno. Nam & si corpus non fuerit in inferno nec anima in sepulchro: nō tamen efficitur, quin totus ibi Christus, id est, integra Christi persona ibi fuerit: Tantum ostenditur (inquit) ipsum illud totum quicquid ad humanam naturam pertinet ibi non fuisse.

S Y N T A G M A

Ab unione corporis Christi cum pane Eucharistico.

Si tamen omnino volunt propterea quod Christi diuinitas cum humanitate coniuncta sit, ideo immensitatem alteri propriam, etiam alteri tribui: Cur non etiam panis substantiae, quam statuunt cum utraque realiter coniunctam, eandem immensitatem concedunt? Dicent aliam esse rationem coniunctionis. Fatemur. Tamen si realis ac substantialis est: sane quicquid unius tribuitur, alteri etiam tribuatur necesse est.

De omnipresentia essentiae diuinæ.

Quod autem de praesentia essentiae diuinæ, acute philosophatur noster antagonista, lubet fateor, me hanc diuinæ omni praesentiae rationem non intelligere, ideoque inuitum ac repugnante in hanc arenam trahi. Sane essentiam Dei vbiique diffundi, quia omnes patres docent, & ipsa etiam scriptura videtur affirmare, non difficitur: Verum esse eam vbiq; realiter ac substantialiter non modo diffusam, sed cum ipsis rerum substancialijs coniunctam: Ego quidem non video quomodo possit dari, nisi cum simone Mago, Cerdone ac Manichæis omnes creaturas ex Dei essentia constare credimus. Itaq; magno sane intervallo praesentiam diuinæ essentiae in Christo, ab ea, qua cæteris creaturis adeat, credimus distare. Nam quod hic noster Antagonista totum illud discrimen statuit in hypostasi ac persona filij, et si potest pie explicari, tamen mihi quidem (falso eius doctrinæ virorum iudicio) non videtur dictum satis apposite. Scimus enim personæ vocem distinguere tantum patrem à filio & spiritu Sancto. Ita videretur ex eo consequi, Dei qui dem essentiam, qua continentur tres personæ in omnibus esse hominibus: In Christo autem unam tantum constitui personam, nemini filij: atq; adeo ipsa Deitas in Christo non tam plene continetur quam in cæteris.

Quamobrem velim omnino nos ab huiusmodi mysterijs abstinere, quæ non sint manifesto Dei verbo explicata. Tamen si necesse sit meam sententiā explicare, ego putarim, cum Deus dicitur sua essentia vbique esse atque omnia replere, verbum essentiae haud omnino proprio accipi: sed tantum pro maiestate quadam vera atq; essentiali, qua Deus omnia repleat. Video enim

enim à Paulo notari aliquid præcipuum cum ait, omnem plenitudinem Deitatis habitare in Christo corporaliter: Quod nullus omnino creature sine insigni blasphemia, possit tribui: Ita ut existimem, plenitudinem illam Deitatis non ubique esse corporaliter, ut ego quidem (salvo meliori iudicio) existimo realiter ac substantialiter.

Deinde si proprie accipias essentiam, pro eo quod est ipse Deus: eamque dicas omnibus inesse creaturis: omnes creature Deum esse, efficietur, quod est falsissimum.

Postremo nemo nescit essentiam proprie sumptam tres complecti hypostases patris nempe filii & spiritus sancti: Eas hypostases necessarium erit omnibus rebus creatis realiter atque adeo hypostaticos, id est, personaliter esse coniunctas. Quod vel cogitare animus horret. Quia in re videre mihi videor cum antagonista nostro re ipsa pulchre conuenire, & si verba nonnulla forrasse discrepant. Itaque facile mihi persuadeo, eum à Cerdonis ac Libertinorum furoribus prouersus abhorrire, ut non dubitem eius explicationem ad fidei analogiam accommodare.

Ad praesentem vero causam quod attinet, ne hæc quidem explicatio illum iuuare potest. Imo tota est à nobis. Ait humanitati coniunctionem esse filii personam atque hypostasin: Essentiam autem diuinam ubique diffundi. Hinc apparet, quod filius Dei omnia replete, non habere id proprium à persona, nimisrum quia filius est, sed ab essentia diuina seu à deitate, quia Deus. Cum igitur non proprie essentiam diuinam coniunxerit humanæ naturæ in unam hypostasin: sed ipsum tantum verbum ac personam filij: Sane non potest ex eo concludi immensitatem, quæ non tam personæ quam essentiæ propria est, cum humanitate esse communicatam: nisi forte statuimus, quod quicquid est essentiæ diuinæ proprium, idem sit humanitati Christi attributum. Ex quo consequetur eam in tres distingui personas patris nempe filii & spiritus sancti, & simul ab eterno fusse statuetur. Quæ sane à fidei ratione abhorrent. Cum igitur non proprie quidem persona filij, sed ipsa deitatis natura atque essentia tribus personis communis ubique diffundatur, nulloque sit neque loco neque tempore circumscripta: Sane nihil est quam obrem uno verbi seu personæ filij cum humanitate, hanc in immensum extensionem humanitati tribuat: Nisi dicamus, humanam naturam ipsam esse deitatem ac diuinarum persona-

S Y N T A G M A

rum essentiam. Quod est falsissimum. Sed de his satis. Nemo est enim qui acie mentis hoc tantum mysterium queat inuestigando penetrare.

Confutatio eorum quæ afferuntur ab aduersario.

Probat deinde humanam Christi naturam esse ubiq; præsentem propteræ quod maiestate & gloria diuina donata fuerit. Sed hoc nihil ad rem. Gloria enim non complectitur quicquid est essentiæ diuinæ proprium: Alioqui non modo loco, sed ne tempore quidem circumscribetur humanitas. Adducit Ioannem qui ait Christum Dei spiritu sine mensura donatum: Sed Ioannem illic agere de spiritus Sancti donis, quæ ex eius plenitudine in nos effunduntur, non de corporis in infinitum extensione, manifestius est quam ut probatione egeat.

Subiicit omnia Christo esse subiecta: fateor. Sed nego ex eo efficaci, corpore vbique præsentem esse: Nisi forte velis corpori eius omnia subiecta & nō potius personæ mediatoris, qua Deus in carne manifestatus est & formam serui induit. Sed quia hoc argumentum sæpius inculcat: sciat primum quidem non quia Christi personæ omnia sunt subiecta, ideo etiam omnibus eius partibus omnia subiacere. Corpus autē hominis esse partem manifestum est: Non recte itaq; dixeris, corpori eius omnia esse subiecta: ne sequitur quidem, igitur corpus eius vbique esse: Nisi forte hæc ratiocinatio illi probatur: Christi pedibus omnia sunt subiecta: Ergo pedes eius sunt vbique. Ita nullus restabit neq; capiti neque cæteris membris locus. Deinde etiam si concederimus ipsi corpori esse omnia subiecta, nō poterit tamen ex eo realis corporis præsentia omnibus locis inferri: Alioqui Augustum vbique præsentem fuisse necesse fuerit, propterea quod maxima orbis pars eius imperio subiecta esset. Scio quidem Christo aliam omnino esse rationem imperij atq; Augusto: Sed hoc volo, imperium non desiderare præsentiam corporalem, ne in homuncione quidem mortali nedum in Christo Dei filio, qui vno nutu facile totius vniuersitatis gubernacula modereatur.

Doctrinam aduersarij secum pugnare.

Animaduertendum porro est, eum iam negare, quod Christi

Si corpus omnia replete localiter, aut corporali quodam modo per omnia diffundatur. Hoc enim ita posito habemus quod volumus: Nam si non potest esse ubique corporaliter, id est, tanquam corpus: Ergo ne in cena quidem corporaliter, id est, corporis modo esse extorquebitur. Sed quando unquam fando auditum est, corpus aliquo loco proprie ac realiter esse, nec tam corporaliter, id est, modo corporeo? An haec non manifeste pugnant? Spiritus certe quidem non potest ullo esse loco nisi spiritualiter, id est, pro natura & ratione spiritus: Deus nisi diuine, id est, tanquam Deus nusquam esse potest: Homo nisi humane, id est, ut homo: Ne corpus quidem igitur ullo loco potest intelligi praesens nisi corporaliter. Corporaliter enim adesse si proprie loquaris tantundem valet ac adesse ut corpus, vel presentia corporis, id est, circumscriptio, ac pro ratione dimensionis corporeæ: Non circumscriptiæ autem adesse neque corporaliter, significat aliter aliquid adesse, quam corpus, aut quæ natura corporis postulasset. Quis non videt haec mera esse verborum portenta? quæ tamen diuinæ omnipotentiae clypeo etiam teguntur, quasi nobis integrum sit eius maiestate ad nostra commenta abuti.

Notandum tamen est hunc ipsum aduersarium fol. 26. ita scribere Quod Augustinus dicit corpus Christi in aliquo cœli loco iuxta veri corporis modum esse, contra Martinem est qui corporis Christi veritatem negabat: non contra nos, qui hanc etiam iuxta veri corporis modum in Eucharistia adesse adserimus, &c Quæ sane inter se pugnant. Nam et si negat veri corporis modum localē esse: tamen haec inter se conciliari nequeunt, esse secundum corporis modum, &, non esse corporaliter.

A ratione communicationis Idiomatum.

Sed quomodo tandem omnia replete hypostatica, inquit, vnone. Optime profecto. Verū quid sibi vult, corpus aliquod omnia replere, non quidē secundū sui ipsius naturā, id est, corporaliter: sed secundū vnone hypostaticæ rationē? Nisi id ipsum reuera quidē ac proprie, si per se æstimetur, non replere omnia: Si autem ratio habeatur rationis hypostaticæ, qua ipsum illud corpus in unam personam cum Deitate coniunctū est: haud illi repletionem tum ascribi improprie respectu nimisrum eius,

S Y N T A G M A

cum quo coniunctum est. Eam loquendi rationem veteres expresserunt per communionem idiomatum. Quod nimirum proprietas seu Idioma vnius naturæ, improprie alteri tribuatur: non quidem quod reuera illi conueniat, sed quia in una persona ex duabus naturis copulata, quicquid alteri naturæ reuera & naturaliter conuenit, id etiam alteri per communicacionem quandā improprie tributur. Ita Deus dicitur suo sanguine Ecclesiam redemisse: non quidem quod sanguis diuinæ naturæ reuera adscribi possit: sed quod impropria quadam loquendi forma, quod humanæ naturæ est proprium, id cum diuina etiam communicatur ad exprimendam inseparabilem illam virtusque inter se coiunctionem. Eodem modo Christum ubique esse fatemur. Imo vero & corpus eius ubique esse non negamus: Ita tamen ut ex eo intelligatur, corpus ipsum reuera non esse ubique (non magis quam diuina natura reuera sanguinem habeat, aut quam Deus ex Maria reuera natus sit) sed tantum improprio quodam modo dici esse ubique, quia videlicet essentia diuina, cum qua corpus hoc inseparabiliter coniunctū sit, ubique esse censeatur. Quod si igitur omnia replet per communicationem Idiomatum, relinquitur ut ipsum quidem corpus non replete omnia: sed tantum ea diuinitas, quæ corpori est coniuncta. Multum igitur refert quomodo haec loquendi ratio explicetur. Nec satis est (ut vult Antagonista) probari, Christum omnia replere: Verum ostendendum est Christi corpus replere omnia. Alioqui contradic̄tio consequetur, replere nimis omnia & tamen non replere.

Ad Ios̄ Pauli.

Itaq; quod ex Paulo objicit Christum omnia repleuisse, nihil nobis aduersatur: corpore enim eum omnia replere nunquam demonstrabit: Atqui Christum omnia replere, & eundem ipso corpore replere omnia, non minus discrepant, quam hominem esse mortuum & eiusdem animam interisse: Alterum enim quotidie vsu venire omnes vident: Alterum vero omnino non posse fieri, & p̄ij & sani omnes fatentur Sed tamen ille Pauli locus non inepte potest intelligi de quibusuis locis, quasi declarat, nullum esse omnino locum, quem non attigerit Christus, ut qui in terra vixerit, in infernum descenderit, in cœlos abierit: nempe, ut intelligeretur cœlorum terrarum atque inferorum illum esse vnum dominum & Monarcham. Quanquam postea nostram in hunc locum sententiam aperiemus.

Ad

Ad obiectionem de adoratione.

Multum vrget præterea adorationem, miraturq; Cinglianos, cum eam admittant, non item admittere omniū impletionem. Quasi vero hæc aliquid habeant simile. Aut quasi adoratio corporis naturam destruat: Quæ vel brutis ipsis creaturis impie quidem, tributa tamen quondam fuit. Sed inquit non minoris esse maiestatis, adorandum esse, quam omnia replere. Primum non omnes illud dabunt: Sed tamen fac ita esse. An ideo sequitur, Christi corpori utrumq; conuenire? Quid si dicam, ne corporis quidem naturæ aut essentiæ conuenire adorationem (nimirum quod sit creatura) nisi respectu totius personæ? Sed nolo me hoc clypeo tueri, tantum negabo, nos ideo immensitatē à corpore tollere quod existimemus tantam maiestatem corpori non conuenire, sed quod naturæ corporeæ immensitatem omnino repugnare omnes videant. Alioqui si maiestatis est facienda comparatio, nō minoris erit maiestatis, adorandum esse quam ab æterno esse: Eoq; statuetur argumento, Christi corpus ab æterno fuisse conditum. Erit etiam eiusdem maiestatis adorandum esse, & increatum esse: Ergo & creatum Christi corpus fuisse negetur. Tandem postquam solidis rationibus videt suam illam corporis omnipræsentiam esse destinatam: Iterum omnipotentiæ fulmine oculos conatur perstringere & iudicium omne sensuum ac rationis sepelire.

Ab autoritate.

Quod vero sparsim Augustini quædam ac cæterorum patrum testimonia injicit in comprobandis ijs, de quibus nulla est dissensio vt lectori non satis cauto persuadeat, etiam illos in hac controversia facere à se, ludit operam. Augustinus enim cæteriq; omnes orthodoxi tribuunt quidem Christi corpori multas præclaras dotes: hanc autem immensitatem nunquam tribuunt. Imo vero eam aperte repudiant. Ita enim ait Augustinus tractatu in Ioan., o. Cum diceret Christus, Me non semper habebitis vobiscū: loquebatur de præsenti corporis. Nam secundum maiestatem suam, secundum prouidentiam, secundum ineffabilem & invisibilem gratiam impletur quod ab edictum est: Ecce ego vobiscum sum usq; ad consummationem seculi: Secundum carnem vero, quam assumpsit, secundum id quod de virginе natus est: secundum id quod à Iudeis comprehen-

S Y N T A G M A

hensus est, quod ligno confixus: quod de cruce depositus: quod linteis inuolutus: quod in sepulchro conditus: quod in resurrectione manifestatus: non semper me habebitis vobiscum. Quare: Quoniam conuersatus est secundum corporis presentiam 40. diebus cum discipulis suis, & deducentibus eis videndo non secundo ascendit: Non est hic: Ibi enim sedet ad dextram patris: & tamen hic est: Quia non recessit presentia maiestatis.

Idem ante testatus erat Cyrillus, qui lib. 6. in Ioan. cap. 14. ita scriptum reliquit. Hic animaduertendum est, quod esti corporis sui presentiam hinc subduxerit, maiestate tamen diuinitatis semper adest: sicut ipse a discipulis abiturus pollicetur dicens: Ecce vobiscum sum usque ad consummationem seculi.

Idem etiam a Theodoreto & quidem copiose traditum est in dialogo qui Impermixtus dicitur. Nam & ipse & ceteri p[re]te[ri]q[ue] omnes hoc circumscriptio[n]is & dimensionis argumento inconfusam naturarum unionem in Christo statuere. Quorum sane infinita possem testimonia producere, nisi prolixitatem fastidiosam vererer. Itaq[ue] pergamus ad alia.

A D III. A R G V M E N T U M S V M P T V M tum ab ascensione Christi ad celos tum à se- fione ad dexteram Dei patris, quibus probatur non adesse realiter in cena.

Sequitur tertium argumentum, quod ab eo duplex ponitur: Primum ab ascensione Christi in celum: Alterum à sessione ad dextram patris sumptum est. In hoc refutando mirifice exultat & saepius sibi triumphum canit: In illo vehementer sudat, ut cum videat, praeter hos celos aspectabiles, nullum à Deo aliud celum conditum, ipse sibi nouum atque increatum a spiritale fabricet. In quo demiror unde tam de repente homines isti ita spirituales ac celestes facti sint, ut iam vel cœli ipsi corporales ipsis sordeant: Cum ante in presentia Christi corporali introducenda tantam operâ posuerunt. Et quasi spiritualis ei res corporis manducatio, quæ fide sit pusilli sit momenti, omnino voluerunt tria Christi verba, quæ aperta & dilucida esse clamabant realiter & corporaliter intelligi: Hic autem quando spiritus sanctus aperte docet, Christum postquam corporeum illud suum corpus

corpus testatus esset carnem & ossa habere, discipulisq; palpan dum tradidisset, & cibo sumpto, verū corpus esse demōstrasset: paulo post id ipsum corpus de loco inferiore in superiorem ex terra in nubem, atq; inde in cœlum sustulisse (Quæ non est historicā tantū narratio, sed seria & spiritus sancti & angelorum & Apostolorum assueratio: primum scriptis propheticis prædicta, voce filij Dei confirmata, angelorum testimonio comprobata: Et ne quis restaret scrupulus, sensus ipsi atq; oculi eius rei facti sunt testes, nubes deniq; elementaris ratum fecit). Tamen quasi poculo Letheo sumpto sui prorsus oblieti, nihili tantā asseverationem, nihili oculorum iudicium, nihili voluntatem Christi longe manifestissimam faciunt. Sed omnia hæc testimonia ad spiritualem quandam ac figuratū loquendi modum, quem ipsi sibi confinxere, violenter trahunt: tantum ut mordicus retineant semel statutam præsentiam corporalem. Tanta est vis opinionis præiudicatae.

Sed rationes eorū videamus: Primum fatetur Antagonista noster Christum ascēdisse in cœlum: Sed negat hoc aspectabile cœlū id esse existimandum. Quid ita? Quia nimirū absurdum videtur homini iā penitus spirituali, Christi corpus contineri aut circumscribi loco. Quid vero? Eumne, qui omnes omnino absurditates clamauit esse deuorandas, & in abyssum omnipotentiæ diuinæ reieciendas, tantum ut vnam scilicet voculam corporaliter aut realiter posset interpretari: iam vna aliqua absurditate, quam ipse sibi confinxit, ideo offendit, ut neq; omnipotentiæ diuinæ, neq; expressorum verborum amplius velit meminisse.

Ad Petri testimonium ab aduersario productum.

Affert tamen aliquid ad suæ causæ patrocinium: Itaq; audimus. Citat Petri testimonium, quo certe vix nullum potest efficaciter contra hæc eius commenta excogitari argumentum: Sed callide verba ipsa germanica lingua interpretatur & simul turpiter ad ambiguam verborum significationem impingit.

Mōnet Petrus turbas, ut agant pœnitentiā, quo peccata illis sua non imputentur cum venerint tempora refrigerij seu consolationis à facie Domini, & cum Deus denuo miserit Iesum Christum (qui iam ante illis fuerat quasi in manus traditus, utitur enim verbo à traditione manuum sumpto) quem interea, inquit, oportet, ut cœlum capiat, usque ad tempora instauracionis omnium quæ Deus per prophetas locutus est, &c.

S Y N T A G M A

A Petriscopo. Quia autem ambiguitas est in ea oratione. Quem oportet cœlum capere, &c. Hic intelligit Christum ipsum debere capere cœlum idq; interpretatur, quasi dicas in possessionem cœli venire: Nihilo secius quā ille quondā pyrrhus huiuscemodi ambiguitate delusus fuisse dicitur: Aio te Acacida Romanos vincere posse. Verum ne videatur absurditas esse in oratione (constat enim nec Græce nec Latine dici quempia in ea significatio ne suscipere cœlum) Ideo ad linguā Germanicam quasi ad sacram anchoram confugit: Et ait idem significare, quod Germani dicunt, Den himmel innemmen. In quo non possum sati admirari tam acrem verborum aestimatorem tam turpiter labi. Nam qui Græcam linguam vel primis labris attigerunt, intelligunt verbum θεον quo vtitur Petrus, significare idem quod capere, tenere, & propriissime dici de loco qui corpus aliud quod contineat, neq; posse ad hanc germanicam significacionem trahi. Quinimo vero ex eo vno verbulo facile est depræhendere futilatem omnium eius commentorum de Christi corporis ubiquitate. Cum enim Christus cœlo teneatur, fieri non potest, vt nullo circumscribatur loco. Ipsa etiam series orationis nullum admittit alium sensum: Petrus enim declarat Christum iterum esse mittendum. Interea, ait, cœlum illum tenere seu θεον usque ad tempora instauracionis. Quo sane nihil est clarius nihil illustrius. Tamen in tanta luce cœcutiunt, qui in vnius propositionis apicibus retinendis cœlum terræ miscere non dubitant.

Ad locum Pauli, ex eoq; loco nostra sententia confirmatio.

Adducit deinde locum Pauli ad Ephesios, quem paulo ante attingimus: Sed is ipse contra eum vehementer facit: Paulus enim illuc aperte notat Christum descendisse ad infimas partes terræ, quod est diligenter obseruandum, ne quis nullo eum loco fuisse existimaret. Deinde notandum est descensionis verbum, quod à loco in locum declinationem significat: Post ait, eundem qui descenderat, etiam ascendisse supra omnes cœlos: Annon hinc manifeste evincitur cœlos non esse in terra, nec terram in cœlis? Statuit enim clara antithesis vltimorum cœlorum & citimatum partium terræ: Item ascensionis & descensionis. Sane si cœlum est ubiq;, Christus nunquam descendit è cœlo

cælo in infimas terræ partes : Sin autem descendit in terram & ruris ascendit in cælum, necessario efficitur, nec cælum terræ nec terram cælo posse permisceri.

Sed vrgent ea verba, Vt omnia repleret. Quasi vero sensus Pauli sit obscurus. Dicit enim in donis Christi, quæ cuiq; pro borum Pauli. rata mensura tribuit, illud psalmographi esse impletum: Ascendens in altum, captiuam duxit captiuitatem & dedit dona hominibus. Sed primum explicat, Quis sit ille qui ascendit? nimis qui ante descendebat, ut videlicet hanc captiuitatem ducet captiuam, hoc est, diaboli potentiam confringeret: Et eundem esse illum pronuntiat, qui supra omnes cælos ascendit, ut omnia illis ipsis spiritus sancti donis impleret: Quemadmodum à Luca manifeste recitat, & commemoratur à Petro vere tunc impletum fuisse illud Iohannes vaticinium, quo prædicterat, Fundam spiritum meum super omnem carnem, &c. Ac ne villa re/taret dubitatio, ipse Paulus statim subiungit, quæ fuerint effecta huius repletionis: Et dedit, inquit, alios quidem in prophetas, alios in apostolos, alios in pastores, &c. ad perfectionem sanctorū ædificationemq; corporis Christi. Mox repletionem ipsam apertissime interpretatur docens eam tum perfectum ici, cum accreuerimus in virum grandænum, in adultam ætatem plenitudinis vel repletionis Christi. Vbi eodem prorsus verbo repletionis vtitur. Quod ipsum latius explicat similitudine capitis, è cuius suppeditatione, omnia membra simul compasta in perfectum corpus repleantur & adolescent: Adeo ut Pauli verborum sensus sit longe manifestissimus.

Videamus tamen quomodo hanc omnium impletionem aduersarii sive causæ accommoder. Ait ex hoc loco euinci, Christum suo corpore omnia implere loca ex naturarum uia non. Primum, Quis eum docuit, Paulum loqui de corpore ac non de tota Christi persona? Non potest, inquit, de divinitate intelligi, quæ nunquam ascenderit. Fateor: Atqui ne de corpore qui dem igitur potest intelligi, quod nunquam est cælo descenderit: nisi forte cum Anabaptistis ecclestemi illi originē affingimus. Itaque debet necessario intelligi de tota mediatoris persona: quam omnino non negamus, omnia loca implere: Etsi nunquam dabitur, corpore suo omnia replere. Verum si iam Christus replebat omnia cum esset in infimis partibus terre: Quid est quod

S Y N T A G M A

Paulus ait, eum ascendisse supra omnes cœlos, vt tum demum omnia repleret? Id est, vt consequeretur quod iam erat adeptus?

Negabunt, sat scio, ascendisse, sed figuratam esse locutionem vel certe spiritalem dicent (hoc enim nomine suos tropos tegunt.) Sed fac ita esse : Frustra tamen ait Paulus, ascendisse vt impletet omnia : Cum sine hac spirituali ascensione iam ante eius corpore omnia essent plena. Sed nolo verba nimis anxie vrgere. Sententia vero illis sua quomodo potest constare? Quero enim an Christus cum esset in terra, corpore suo infimas terræ partes repleuerit? Quomodo cœlum esse locum negant, certe terram ipsam locum esse non possunt ire inficias. Quod si igitur terræ partes impleuit, non potuit, nisi vt loca, implere. Ita iam illos cœlestium locorum sublatio nihil iuuabit, quando coguntur fateri, Christum locis terræ fuisse circumscriptum.

Id ipsum tamen animaduertat cordatus lector quale sit, verum Christi corpus suis partibus constans & sub aspectum tactumq; cadens, cum esset in terra, vnoq; certo loco cernetur, repleuisse tamen quicquid vndiq; oculis obijcitur? Dum esset in tumulo, omnia subsellia, cubicula, loca denique omnia substantialiter repleuisse? nec tamen fuisse vel sensibus comprehensum, vel circumscriptum locis? Quis non videt hæc esse somnia hominum otiosorum?

Confutatio cœli spiritualis vel utopici.

Sed accedamus ad præclaram illam Architecturam cœlorum spiritualium. Primum, ne possemus tantum artificium odorari, obijcit, Cinglianوس sibi fictitium confinxisse cœlum, in quo Christum cum suo corpore collocent: Quasi vero fictitium sit illud, in quod viderunt Apostoli Christum ascendentem: Quod vedit Stephanus apertum: Quod in Christi Baptismo etiam diffissum fuit: Imo quasi fictitium sit illud quod nemo nisi cæcus, non potest intueri.

Sed proponit sibi verbum Dei. Itaque audiamus. Dividit cœlum in tres partes in firmamentum, aquas superiores atque inferiores: Has vult esse quicquid est infra firmamentum: Illas nescio quam substantialiam corpoream quam supra firmamentum seu cœlum statuit: negat tamen in ea Deum cum angelis habitare. Quod quidem libenter illi damus. Existimamus enim

firmamentum apud Mosen non cœlum significare ut ipse avertatur: sed expansionem hanc aeream in qua versamur. Vtitur enim Moses verbo ψαλμον ab extensione ducto. Inferiores aquas ducimus esse maria atque flumina: superiores nubes ipsas. Et quia Moses ipsis oculorum sensibus sese accommodauit: Ideo ait, expansionem hanc continentem, quicquid oculis cernitur, etiam solem, lunam ac stellas complecti: Verum quid hinc efficitur? Nullus, inquit, aliis relinquitur locus: Quia Moses subiungit: Perfecti sunt cœli & terra & omnis ornatus vel exercitus eorum: Ergo nullæ sunt beatorum sedes supra hos cœlos aspectabiles. Egregiam sane complexionem: Quasi vero Moses sua illa recitatione velit vniuersam tantæ & tam stupendæ fabricæ perfectionem contineri: Qui nihil aliud molitur, quam ut declareret, vel sensuum iudicio nos horrendæ ingratitudinis conuinci, nisi tantum rerum omnium architectum, agnoscamus adoremusque.

Sed amabo Moses recitat ne angelos esse creatos? Evidem non reperio. Atqui si cœli & eorum ornatus hac eius recitatione perfecti sunt, ne angeli quidem ipsis ad cœli ornatum exercitumque pertinebunt. Viden' lector quam belle concludat? At cur non potius è diuerso ita ratiocinatur? Moses tantum recitat hominum creationem sedesque illis atque eorum usui destinatas: Ergo necesse est alia quæpiam creatio intelligatur angelorum & spirituum, quibus etiam sua sunt loca præstituta quæ cœlorum nomine plus sexcenties in scripturis appellantur: Sed nolumus tamen ab hac Mosis perfectione discedere.

Firmamentum, inquit, Antagonista noster, est illustre stellis: Quælo te qua parte? Etenim stellarum cœlum figura esse orbiculari & oculi testantur & conuinicit experientia. Atque adeo manifestum est ornatum esse stellis parte concava. Quid conuexa? Hanc esse putat noster Antagonista inutilem: Quamobrem? Quia Moses commemorasset. Quasi non sit perspicuum, nihil Mosen voluisse attingere quam quæ & ad hominis creationem pertinerent & sensuum iudicio testata essent. An idcirco statuendum est angelos omnes ac dæmones etiam ipsos permixtim cum hominibus in terra habitare? aut forte in immensum extendi? Sane nullum vñquam post homines natos seculum dubitauit, quin supra cœlos essent certæ

S Y N T A G M A

Acōmuni omnium gentium iudicio.

beatorum sedes, in quibus ipse Deus non modo certis atque indubitatis indicijs : sed plene ac perfecto fulgore suam maiestatem repräsentaret.

In cœlis & supra cœlos idem significare.

Quod autem hic sibi placet in cauillatoria illa distinctione, nempe cum Deus dicatur esse supra omnes cœlos : non posse igitur in ipsis cœlis esse: Ad Grammaticos ipsum relegandum puto. Illi enim docent ascendere in cœlum, tantundem valere ac supra cœlos : Deinde quod nos cœlum à cœlando appellamus quod quasi concamerationis cœlatæ figuram referat, id Hebrei ac Moses ipse οὐρανός nominant. Et simul verbi notationem explicant : Quasi diceret. Ibi aquæ. Quandoquidem constat igitur cœlum & ipsam illam aquarum seu nubium con gregationem significare & quicquid illa est sublimius : non video quid hunc moueat, cur in voce tam clara tam turpiter hal lucinetur? quasi in cœlis esse & supra cœlos ascendisse simul ne queant consistere. Sed spiritus sancti in scripturis doctrinam aducuntamus.

Ab autoritate Scripturæ.

Paulus in via Christi voce atq; fulgore prosternitur : Vnde quæso tantus fulgor? Lucas certe inquit, è cœlo instar fulminis erupisse. Christus à Ioanne baptisatur : Cœli aperiuntur, vel, vt ait Marcus, finduntur. Spiritus descendit columbæ eff. gic. Undenam? Ioannes profecto baptista turbis testatur, vidisse se spiritum è cœlo ea figura descendedentem. Credo plebem hanc loan nis vocem intellexisse de cœlo illo quod nusquam est : ac non potius de eo quod pueri ipsi vicent esse cœlum. Elias in turbine rapitur igneo curru in cœlum. Quo quæso? Sane Eliseus videt eum sursum rapi ad ea loca, quæ cœlos dicimus. Quid Christus? Annon ipse suo corpore sublatus est in cœlum? Cres do in cœlum aliquod quod nusquam est, & tamen est vbiique. Minime vero. Docet enim Lucas tantisper è terra eum in sub lime ascendisse, donec illum nubes aspectu Apostolorum eripuit. Quid hic est obscurum? Deinde Apostoli attoniti in cœlum oculis sublati hiant. Mox apparent angeli, queruntque quid ita in cœlum oculos tollant, testanturque illum ipsum Iesum, qui sursum ab illis in cœlum sublatus fuerit, ita ventrum quemadmodum abiisse eum viderant. Quis non videt de eodem illo cœlo loqui angelos, quod Apostoli inspectabant? Negat tamen noster Antagonista in cœlum aspectabile Christum

stum fuisse sublatum. Quid ita? veretur nimirum absurditas, si fateatur Christum cælo teneri cōpræhēdiue. At quam tandem? Vnam illam scilicet, non fore illum suo corpore realiter præsentem in cœna. Magnum profecto nefas, & ipsa etiam cœlorum cum terra permixtione expiādum: Quasi ē cœlo corporis Christi vis viuifica prodesse nobis nequeat.

Tandem postquam existimat se hisce cōmentis toram beatorum cohortem ē cœlo deturbasse, alias ijs querit sedes, quæ cum omnino nusquam locorum sint, sint tamen vbiique. Duplex statuit cœlum. Alterum corporeum, Alterum spirituale. In hoc quod vbiique protenditur, Deum cum angelis collocat. Ita & in hac terra vult esse cœlum, & tamē in cœlo nullum esse. locum. Quod si ita est, iam non modo Christus, dum in terris degeret, sed omnes omnino homines extra omnem locorū circumscriptiōnem in cœlo habitent, necesse est. Tandem definiit cœlum esse iustitiam pacem & gaudium: Eaque ratione Christus post mortem in cœlum receptus fuit, id est, in iustitiæ pacis & gaudi regnum. Quid vero ante mortem cum esset adhuc in terris? Annon erat huius regni particeps? Aiunt quidē sed non eadem gloria. Verum id sibi quomodo constat? præser-tim cum per vniōnem naturarum omnia omnino loca, ac etiā ipsos cœlos repleret ipse nullo loco circumscriptus? Quis non videret hæc esse hominum (pene dixerim) delirantium insomnia secum ipsa manifeste pugnantia? Atque vt vnam vnius verbu-li (Est) realem interpretationem in sacramenti institutione tūc-an-tur: non verentur infinitas alias voces realem actionē signifi-cantes (nimirum, ascendēdi, descendēdi, mundū relinquendi, abeundi, cœlorum, terrarum, inferorum & sexcentas alias) nouis atque inauditis figuris vestire. Imo vero sursum deorsum omnia miscere. Noster enim Antagonista non vult, quod sur-sum est ab eo quod est deorsum re ipsa & loco differre.

Confutatio sententiae aduersarij de ascensione Christi.

Quid autem? quod non veretur quasi ex tripode pronun-tiare, Christum sua (vt ipse quidē vult) eleuatione in nubes (vt vero aiunt Apostoli ascensione in cœlum ipsum) spectaculum tantum instituisse visible ac locale: partim vt ostenderet finem

S Y N T A G M A

fese facturum humanis apparitionibus: partim ut declararet regnum suum non esse terrenum? Quasi vero Christus tanquam circulator aliquis Apostolorum oculos visibili spectaculo eluserit. Nam si vere ascendit Christus, vere ex inferiore loco abiit in superiorem, atque adeo locis definitur: Si autem non ascendet, oculos Apostolorum perstrinxerit necesse est. Quare enim cum fateamur eum ad nubes vsq; eleuatum, nolumus etiam supra celos aspectabiles sublatum? Quasi vero Christo minus dignum fuerit tolli supra celos quam vsq; in nubes eleuari: Aut quasi circumscriptio localis hanc in nubes eleuationem minus consequatur quam ipsam in celos ascensionem. Sed quis non viderit his commentis aut potius portentis, vniuersam fidem laefactari?

Quiritatur bonus vir, si tropum admiserimus in sacramento, omnem fidei doctrinam conuelli. Nimirum quia sacramentum sacramentaliter tantum, & non realiter rei significatae nomen accipiet. Vbi vero præcipua & maxime insignia fidei capita in spectacula conuertit, non venit illi in mentem fidei conseruandæ. Quæso te bone lector si ascensio in cœlum nihil aliud significat quam spectaculum quo demonstretur Christum non amplius appariturum: Ecquid ortus corporis ex utero virginis etiam spectaculum erit appellandus, quo declaretur ipsum nobis appariturum? Sunt enim utrobique paria: Et hoc etiam locorum circumscriptio non multo magis postulat: Quæ sola illum causa mouet, cur haec nobis spectacula obtrudat. Si sublatio in cœlum, vel certe in nubes, tantum est spectaculum quo doceamur regnum eius non esse terrenum: Quid de sublatione in crucem erit existimandum? Nimirum fuisse non veram quidem ac realē sublationem affixionemue. Nec enim vel in sublime tolli, vel certo loco affigi potest, quod nulla locorum dimensione circumscribitur) sed locale tantum ac visibile spectaculum: quo doceremur Christi regnum fore plenum ignominia? Annon haec spectacula fidem nostram ab ipsis fundamentis euertunt? Id relinquo lectori sine præiudicio aestimandum: Sed ad rem.

Explicatio nostræ de cœlo sententia.

De cœlo quidem multa pronuntiare, non est nostri instituti: & scimus fidelibus ea esse deposita præmia quæ neq; oculus, neq; auris, neq; mens queat capere. Et hic agimus, non de cœlis,

lis, sed de symbolis panis & vini in sacra cœna, Verum id simpli
citer profitemur credere nos, Christū vere in cœlum ascendisse
quo eum ascendentem viderunt Apostoli, Ibiq; sedere ad Dei
patris dextram confitemur. Quo eum intelligimus summū i[m]p[er]ium,
summamq; gloriam ac maiestatem accepisse. Scimus
enim Deo neq; dexteram esse neq; sinistram ut frustra in hoc ca-
pite de Dei dextra noster exultet Antagonista. Nam et si fate-
mur sessione ad dextram Dei notari summum imperiū: Chri-
stum tamen corpore suo alibi quā in cœlo esse pernegas-
mus. Neq; volumus omnino hæc duo fidei capita inter se confundi:
quasi idem diuersis verbis notetur (quod ab illo factum vide-
mus) sed aliud significari ascensione ipsa in cœlum quæ fuit a-
spectabilis: aliud ipsa sessione, quæ maiestatis gloriam notat a-
seueramus. Alioqui etenim cum hoc Antagonista symbolum
Apostolorum in vndecim tantum articulos reuocaremus.

Sedere ad dex-
teram patris
quid?

A D I I I . A R G V M E N T V M S V M P T V M

*ex articulo symboli Athanafij quod unus tantum
sit immensus, unus infinitus. Ita corpus Chri-
sti immensum non esse.*

AD quartum argumentum suo more ad potentiam Dei nos
reuocat: Sed de hac satis abūde egimus. Quod negat Chri-
sti humanitatem fore infinitam, etiamsi infinitis locis existat:
Id quam sit firmum omnes vident. Nam et si infinitum tam se-
cundum initium consideratur: quam secundum finē cum habe-
tur ratio temporis: Tamen cum de loco agitur, id vel infinitum
vel immensum proprijs: dicitur, quod nullis locorū spatijs po-
test terminari. Nec video cur cum sola Dei omnipotētia vni-
neq; naturarum nitatur aduersarius, ad ponendam in Christi
corpore locorū immensitatē: non etiam eadē ratione temporū
infinitatē cogatur stabilire. Hæc enim & ad potētiae diuinæ &
ad vniōnis trutinā reuocata vndiq; paria existūt: Itaq; fatemur
nos quidē verbum factum carnē assumptione vniōneq; insepa-
rabilis: sed omnino negamus vel naturam verbi factā esse corpo-
ream, id est, corporea dimensione constantē: vel carnis incorpo-
ream eadē illa dimensione corporea, nedū locorū temporūq;
circumscriptione vacantem: Quod ait Christum, nisi dimensio
nem corpoream tollas, omnemq; circumscriptionem auferas,

Quæ sit ratio
infiniti & im-
mensi?

S Y N T A G M A

non fore alio modo diuinæ naturæ vnitum quam sint cæteri viri sancti, longe fallitur. Sunt enim hæc & re & significatione diuersissima, cum diuina natura vere ac personaliter vnitum esse, & corpoream dimensionem amittere, aut immensum fieri. Neque alterum consequitur ex altero: Nisi forte neges Christum fixum cruci quia Deitas figi nequacat.

A D V . A R G U M E N T U M A V E R B I S

Christi, Iterum relinquo mundum, Item, Me nō semper habebitis vobis cum, &c. Ergo Christum non adesse corporaliter.

IN sequenti argumento eludendo, multum se torquet sed ludit operam Res enim ipsa clarior est quā ut huiusmodi offuscij posuit obscurari. Christus cum obscure dixisset, sese aliquo temporis spatio non amplius visum iri ab Apostolis: Id ipsum paulo post clarissime explicat inquiens, Iterum relinquo mundum & ad patrem abeo. Hic discipuli respondent. Ecce nunc manifeste loqueris nec vlla vteris parœmia aut parabola. Nostrer vero Antagonista his Christi verbis clarissimis non modo parœmiam affingit sed crassas offendit tenebras. Non vult scilicet Christum reliquisse mundum. Quid ita? Quia miserrimi, inquit, simus, si nos plane reliquisset. Quasi si quis somniet nos penitus ab eo derelictos. An non Augustinus manifeste ait, secundum spiritum, potentiam, gloriam, virtutem, illum semper esse nobiscum: secundum carnem vero reliquisse mundum? nihil est igitur cur hic nos miseris fingat, si Christus corporali præsentia in cœna non adfuerit: cum vel suo ipsius testimonio hæc præsentia corporalis nos à miseria vindicare nequeat. Alio qui impij ipsi (quos ipse vult huius præsentiae vñura frati nihilo seciū quam pios) miseri esse desinant, fuerit necesse. Hic tamen dissimulans, totum argumentum esse Augustini non nostrum, fingit Augustinum pro se stare, & verba illa Christi quibus ait ad Apostolos, Hæc locutus sum vobis, cum essem adhuc apud vos, ita torquet quasi designet Christus sese apud illos iam non esse cum hæc loquitur. Sed adverte cauillationē. Christus postquam semel Apostolos reliquerat, & tandem iterum ad eos venit, testatur se prædictisse ea, quæ contigerant omnia, etiā dum adhuc

adhuc ante apud illos esset: Ergo inquit hic bonus dialecticus, illo ipso momento apud illos iam non erat. Quasi non videant vel cœci ipsi priori præsentia non tolli posteriorem.

Sed quando possunt ita accipi verba Christi quasi de quotidiana illa sua atque usitata consuetudine potius quam de presentia loquatur, non repugno. Sed quid habet simile haec locutio, Relinquo mundum vado ad patrem? An vero quia non amplius familiariter illa consuetudine Apostolorum uteretur: Idcirco erat illi mundus relinquendus? Hic iterum magnam troporum cateruanam nobis obtrudit. In mundo esse, mundum relinquare, à patre venire, ad patrem ire, habere pauperes nobiscum, ipsum Christum non habere, discedere, & alia huiusmodi omnia figuris ac tropis vestit. Quamobrem tandem? Nimirū, quia inquit, verba cœnæ longe clariora sunt & manifestiora. Itaque non debent ab his locutionibus etiam millies repetitis obscurari. Primum ipse sibi repugnantiam configit ex opinione presenti & reali præiudicata: Deinde non animaduertit hic agi de ea re, quæ sensu, quæ oculis Apostolorum, quæ omnium affectione fuit comprobata: Illic vero de symbolo ac sacramento. Non videt illic duo disparata alterum dici de altero. Hic autem vulgari ac naturali loquendi consuetudine rem explicari. Nec obleruat multa illinc oriri absurdæ & pugnantia cum sensibus cum ratione, cum iudicio, cum vniuerso denique naturæ ordine: Hic nihil esse tale.

Hæc si expendisset paulo attentius, facile potuisset animaduertere uno se præiudicio adductum cur his tam manifestis loquendi formis tenebras esse offundendas putaret: propter eam, quam ipse sibi confinxit, tenebris oiam perspicuitatem.

A D VI. ARGUMENTVM EX HIS LOCIS sumptum, Veniet quemadmodum vidistis eum abeatem: Mortem domini annunciatum donec veniam, Videbunt filium hominis venientem in nubibus, &c.

IN sexto arguento diluendo, crambem suam denuo inculcat confundens sessionem à dexterâ, qua gloriam, imperium ac infinitam potentiam notat cum ascensione aspectabili in cor-

S Y N T A G M A

lum: Ac iterum cœlum terræ miscet. Aduentum in nubes reuelationem significare ut doceat multum incumbit, sed frustra. Nemo enim negat. Tantum dicimus angelorum doctri testimoniio illam ipsam reuelationem eiusmodi fore descensionem in nubes, cuiusmodi ascensio ex nubibus in cœlum facta est. Id illic erat euertendum, quod nunquam faciet.

Deinde inscinter & insulse dicit argumentum ab aspectu Dei qui est spiritus ad aspectum corporis, quæ est substâcia corporeæ & sub sensum cadens: Itemq; ab aspectu oculorum quibus Apostoli Christi corpus in hoc mundo viderunt, ad eū quo in cœlo faciem patris visuri sumus, vbi angelis erimus similes. Fallitur præterea, quod putat Christum aliter in hoc mundo apparuisse quā reuera fuerit. Quod si semel admittatur, iam doctrina Marcionis de phantastico corpore erit ex inferis reuocâda.

Formam deinde corpoream commiscet cum Maiestate & ita ratiocinatur: Christus in cœlo alia est maiestate. Ergo & alia forma: quod nemo non videt perperam concludi.

Quod ait de hœdis & agnis, ego quidem neminem scio ex nostris qui hoc argumento ita v̄sus fuerit. Est enim mera parabola ac similitudo: Itaque nolim ex ea quicquam colligere.

Quod Stephani visionem attinet, non veritus est Theodoretus ex ea corporis Christi circumscriptiōnem elicere. Sed quia variæ sunt doctissimorum virorum hac de re sententiæ, & nos infinitis alijs argumentis valide muniti sumus ad euertendam hanc vbiuitatem: Ac ne ipsa quidem Antagonistæ explicatio causam suam iuuare potest: Ideo nolo hic meum interponere iudicium, ne temere aliquid de re non satis certa pronuntiem. Tantum commonefaciam lectorem non frustra notari à Luca, Stephanum oculos in cœlum sustulisse. Quod quidem nisi de aspectabili cœlo non potest intelligi. Deinde subiungere, vidisse eum cœlos apertos: An autem hic in eodem orationis contextu duplex & quidem diversa cœli facies inducatur, prudenti Lectori æstimandum relinquo. Quod ad Pauli visionem attinet, audio eum pronuntiare, cognovisse se se Christum secundum carnem, Id autem debeatne referri ad eam visionem quæ facta est illi post ascensionem etiam lector judicet.

Quod Antagonista varios Christi habitus inducit, nihil agit: Nec enim de habitu sed de corporea ac circumscripta substantia-

stantia quæritur. Debebat ostendere corpus Christi aliquando apparuisse circumscriptum, aliquando non circumscriptum: Id quia non facit, actum agit.

Dictum Ambrosij nihil eum iuuat: Ambrosius enim non ait corpus ipsum esse vbiq;: sed tantū de persona loquitur.

AD VII. ARGUMENTVM EX

*loco Pauli ad Coloffen. tertio capite. Quæ sursum
sunt quærite ubi Christus est ad dex-
teram Dei, &c.*

IN septimo argumento paulinæ argumentationis rebur ener-
uat: Et si enim rebus terrenis carnales concupiscentias Paulus
notat, cœlestibus regenerationē: Tamen certum est hæc cœle-
stia in nos minime cadere, nisi manent à Christo qui in subli-
mi est: Inde enim cœlestium nomen sortita sunt. Atque hoc est,
quod Paulus iubet nos non modo sapere cœlestia: sed etiam ea
quæ sursum sunt: nimis ubi est Christus, in quo vno nostra
est vita recondita. Hinc est quod alio loco ait nostram conuer-
sationem esse in cœlis: Vnde & seruatorem expectamus qui
corpora nostra suo corpori glorioſo reddat similia. Hæc ita-
que nostri Antagonistæ explicatio etiam nostram sententi-
am confirmat. Phil. 3.

AD VIII. ARGUMENTVM EX VER-

*bis Christi docentis manducationem sui corporis debe-
re intelligi spiritualiter. Quod caro non prodest
quicquam, sed spiritus est qui
vivificat.*

IN octavo disoluendo frustra desudat. Fatemur in cap. Ioan. 6. fa-
cramētū minime institui: certo tamē statuimus, scopū ipsum
ac finē qui multo post tēpore in sacramēto fuit propositus, hic
edoceri. Quod ipsemet cōfiteri cogitur ita scribēs. Ut sacramen-
ti v̄sus sit salutaris necesse est, spiritualē mādicationem, de qua
apud Ioan. agitur, accedere. Cum igitur in eo fructus omnis at-
que utilitas sacramenti consistat, procul dubio hic vñus est sa-
cramēti finis, Iam vero sacramentorum finis cum promissione

S Y N T A G M A

necessario cohaeret: Finis enim baptismi est ut regenerationis lauacro purgemur & ut fide accepta salvi simus. In eodem etiam promissio versatur. Idem in agno: Idem in circumcisione dicendum est: Nunquam enim finis à promissione diuelli potest, nisi promissionem reddas penitus inutilem. Itaque quæ sit vera sacramenti cœnæ promissio in hoc sexto Ioannis capite vberime explicatur, quando vsus ipse & utilitas disertis verbis proponitur.

Quid diuersum habeat hæc tractatio ab institutione Cœnæ.

Id vnum igitur hæc tractatio ab institutione cœnæ diuersum habet, quod illic symbolum rei, hic res ipsa proponitur. Ita dicimus in cap. 3. Ioannis sermone ad Nicodemum rem baptismi proponi: Marci cap. ultimo symbolum ipsum & sacramentum rei. Ita in Genes. cap. 17. symbolum fœderis: In prophetis vbi de circumcisione cordis agitur res ipsa docetur.

Quod igitur hic arguit quia cena nondum erat instituta: Ideo non posse demonstrari, cœnæ illa verba, Accipite & manducate, translatitie esse accipienda: quemadmodum in cap. 6. Ioannis accipi ea certum est, nihil efficit. Etenim cum agitur de mandatione corporis symbolo significati eodem vtrobique modo est accipienda. Cum de symbolorum nempe panis & vi ni mandatione fit sermo: sine dubio corporalis mandatio intelligitur. Ita in symbolo agni & liberatio corporalis et item mandatio agni corporalis proponitur. In re autem significa ta & liberatio spiritualis & mandatio veri agni nempe Christi quæ per fidem fit intelligitur. Fatemur itaq; Apostolorum nemini de institutione cœnæ quicquam in mentem venire potuisse, antequam sacramentum esset institutum. De ipsa tamen re quæ symbolis illis erat proponenda, erant iam ante à Christo luculenter edocti.

Quod igitur ex eo efficit, verba cœnæ ac mandationis non debere accipi translatitie: Id ei quidem concedimus hactenus, quoad de ipsis symbolis sermo fiat. Sin autem symbolis rerum nomen tribuitur: Tum vero assueramus debere induci translatitiam significationem,

De

*De interpretatione verborum Christi, Caro non
prodest quicquam, &c.*

Postulat ut demonstremus in his verbis, Caro non prodest quicquam agi de carne Christi. Verum id & res ipsa loquitur, & tota orationis series euincit. Christus enim ait carnem suam dari mundo ad manducandum. Capernaitæ ac cæteri auditores non dubitabant illum loqui de sua carne: Et quidem à Christi scopo hactenus non aberrant: Falluntur autem in eo quod in illa Christi carne nihil præter carnem illam & corpoream substantiam intuentur: Spiritus vero efficaciam, quæ illi corpori & carni indiuidue coniuncta manat in omnes eos, qui certa fide carnem illam pro se datam sibi persuadent, omnino non animaduertunt. Tum etiam illam ipsam carnem existimant non fide ac spiritu: sed corpore & ore realiter manducandam. Hos errores confutat Christus: & primum quidem vult eos non stupide solam carnem intueri: Illam enim per se nihil prodesse ait: omnem autem viuificationem, quam carni tribuat, à spiritu, qui carni suæ coniunctus sit, manare. Deinde concludit ea, quæ de manducatione carnis locutus fuerat, verba non posse ad realem aliquam & corporalem manducationem trahi, sed spiritum & vitam esse. Quæ sane doctrina, non modo diluenda est, sed capernitarum errores efficacissime refellens, & ad totam superioris orationis seriem quam accommodatissima.

Quod vero hic macellum suum introducit, & putat illos existimasse frustulatim comedendam fuisse Christi carnem, nec ab euangelista commemoratur, nec à Christo eiusmodi error confutatur. Nec enim spiritus opponitur manducationi quæ fit per frusta: sed generatim omni manducationi, quæ fit ore corporis externo quoquo tandem modo id possit evenire, siue in macello, siue in facello, siue per frusta & bolos, siue prorsus illæsum integrumq; deuoretur.

Quod autem causatur Christum non dixisse, Caro mea non prodest, nihil obstat. Nec enim simpliciter de sua carne loquitur: sed de quacunq; tandem, quæ à viuificatione spiritus separetur. Id cum de Christi carne capernaitæ censerent, ut qui in ea nihil nisi carnem animaduerterent: non dubium est quin ex communi illa nota ad questionis hypothesin suam responsionem Christus deducat, docens, ne suam quidem carnem ita

S Y N T A G M A

consideratam prodesse: Alioqui sane extra rem propositam euagaturus: sed fiat exemplo res clarior.

Nostri aduersarij volunt Christi carnem realiter vel ab impijs etiam ore corporis sumi non coniuncta spiritus viuificatio ne. Quis hic non optimo iure his Christi verbis eos redarguat? Caro nō prodest quicquam. Spiritus est qui viuificat. Eo enim nomine carnis sub cōmuni genere, notatur etiam illa ipsa caro Christi, quam non verentur à spiritus viuificatione auellere. Ea tantum abest vt prosit, vt etiam multum officere grauioremq; afferre damnationē vel ipsimet fateantur. Nos quidem cum dicimus carnem nihil prodesse, non priuamus Christi carnē viuifica illa sua virtute quam accepit à spiritu: Sed negamus ab hoc spiritu auulsam posse omnino prodesse. Atq; est hæc non à nobis nuper inuenta, sed quondam ab Augustino tradita explicatio, qui sumpta similitudine ab illo Pauli loco (Scientia inflat, charitas ædificat) docet Christum hic intelligere de carne, quæ à spiritu diuellatur, quemadmodum illic de scientia quæ à charitate seiungitur: Eius verba recitat ipse antagonistæ suo nimisrum telo seſe conficiens. Nos igitur tantum abest vt hac sententia carnis Christi admirabilem diuinamq; virtutem obscureremus, vt omnino profiteamur, non posse eam nisi cum viuifica illa spiritus virtute coniunctam, ne fangi quidem, nedum realiter manducari.

Quod igitur aduersarius cateruam hæreticorum nobis obiicit, quasi vel Manem vel Marcionem in lucem reuocemus, ac deinde acerbe inseſctatur, quasi nos nitamur huiusmodi fundamento (Caro Christi nihil prodest, ergo non est in cœna) plenum est impudenti calumnia. Nos ne cogitauimus quidem vñ quam carnem Christi nihil prodesse, qui semper constantissime asseuerauimus omnibus omnino prodesse, qui eam manducent: nimisrum quod à spiritu viuifico diuelli nullo modo posset: Ipse autem ille est, cuius ex doctrina hæc tam præclara hæris oriatur necesse est: Docet enim carnem Christi sæpius atq; adeo plerumq; non prodesse ijs qui tamen realiter illa vescantur: Etenim disiungit ac separat eam à spiritus viuificantis virtute. Deinde vero nos haud sane quidem vñquam tam insulso vñsumus argumento. Caro non prodest, Ergo nō est in cœna. Scimus etiam cœnam ipsam aliquando non prodesse, carnem autem Christi semper prodesse quam plurimum, quicunq; illam

Iam reuera manducarunt: Sed hoc dicimus (cum nulla sit alia ratio utilis manducandæ carnis Christi, quam ea quæ fide fieri intelligitur per spiritum viuificantem: Sit autem controuersum, quomodo verba cœnæ accipi debeant) Satis ex eo intelligi, non debere illa verba nisi ad rationē huius spiritualis manducationis accommodari, neq; posse fingi carnem Christi inutilem & à spiritu viuifico separatā illic porrigi: præsertim cum iam Christus morti proximus quasi testamētū illis cōderet, in quo nolle quicquam proponi nō ex omni parte salutare. Frustra itaq; multas absurditates conuerrit, quas non ex nostra doctrina, sed ex suo somnio colligit: potius debebat in suæ explicationis absurditate attentius animanduertenda laborare.

Castigatio explicationis ab aduersario proprieæ.

Ponit fundamentum & tanquam ex oraculo pronuntiat. Quotiescunq; in scripturis caro opponitur spiritui, id nō posse intelligi de carne aut corpore Christi, sed semper de veteri Adamo. Hic arrigat aures pius lector, & tam solidū fundamentum, non modo primo capite sed primo pene versiculo epistolarum paulinarum funditus disturbari animaduertat Paulus enim ait Euangelium suum esse de filio Dei factō ex semine Dauidis secundum carnem definito autem filio Dei secundum spiritū sanctificationis, &c. Viden' hic carnē spiritui per antithesin oppositam, non tamen intelligi de veteri Adamo, aut peccati corruptione sed de ipsissimo Christi corpore. Petrus etiā inquit Christum carne quidem mortuum viuificatum vero spiritu, &c. In quo non modo carnem ipsam & corpus Christi opponit spiritui, verum etiam clare ostendit, ex quo fonte viuificationis vis & gratia tum ad illam ipsam carnem, tum ab illa usq; ad nos manet: adeo ut ex eoloci præsentis sententiā facile elicias: Si attendas nudam carnem & à spiritu auulsam, nō modo cæteros, sed ne se quidem ipsam posse viuificare. Alioqui enim non fuerit necessæ personam mediatoris, Dei essentia ac virtute constare, si sola per sese caro mortis imperium posset destruere.

Itaq; opere pretium fecerit hic noster Antagonista, si primum sui fundamenti nō modo infirmi, sed etiā falsissimi vitiū corrigat: antequam nostræ interpretationis pridem Augustini calcido comprobatae, tam seuerum censorē sese præbeat. Discat præterea extra verbum Dei esse, quod ipse sibi comminiscitur, Manducari aliquod corpus realiter posse, quod in stomachum

S Y N T A G M A

tamen non demittatur. Aut certe verbo Dei doceat aliquam vnam exceptionem à generali illa Christi regula statuendam esse, qua ait: Quicquid intrat per os non coinquinat hominem ulterius enim abit in stomachum & exinde in intestina. Adducat etiam causam cur Christi corpus in manibus ac ore potius cum pane realiter iunctum sit quam in stomacho atq; intestinis: Postremo explicit quam diu hæc realis panis cum corpore vno perduret, quando tamen & qua vi aut arte dissoluatur. Si dicet hæc esse vel humana vel etiam profana argumenta: Nos vicissim & humanum & profanum eius de realitate commentum dicemus. Neq; manducandi verbum ore tantum sumere, & non etiam stomacho & intestinis accipere notat.

Quod autem cauillatur, si manducare nihil sit aliud quam credere, & corpus nihil nisi symbolum, nullum externum ritum in cœna institutum iri, ipse cum sua umbra digladiatur. Nos enim verbum manducandi in propria significazione sumimus & ad panem referri dicimus: Cuius manducatione per fidem ipsum Christi verum corpus nobiscum viri demus, quæ vnitio vel interior manducatio externo panis symbolo nōbis confirmetur. Quemadmodum si quis dicat, abluite vos aut baptisamini hac aqua: Hæc enim est regeneratio spiritualis: Hic sane verbum baptisandi vel ablendi non significat credere, neque regeneratio spiritualis symbolum notat. Illud enim ad ipsam aquam refertur, in qua ritus externus consistit: Hoc autem rem ipsam interiorem, quæ illo ritu significantissime exprimitur, denotat.

A D I X. A R G V M E N T V M: Q V I A I N
Sacamentis veteris Testamenti nomen rei signatae per
metonymiam tribuatur signo: Ideo per eandem
metonymiam cœna verba esse in-
terpretanda.

Nonum argumentum etiam regula, non quidem falsa, sed ambigua & male ad rem apposita conatur eludere. Ait enim de sacramentis esse iudicandum ex propria cuiusq; institutione, non ex loco similium. In qua regula statuenda non animaduertit turpiter se peccare, non distincto genere à singulis

lis speciebus: Fataemur enim singula sacramenta ex vnius cuiusque institutione æstimanda, in eo quod vnicuique est peculiare. In eo autem quod sub genere sacramentorum comprehenduntur, non singula per se, sed omnia generatim ex communi sacramentorum natura pensitanda esse dicimus. Quemadmodum cum de homine & equo differimus, quamdiu in communione notione versamur, nempe quatenus utrumque sub genere animalium continetur, non dubitamus ab vnius ratione argumentari ad alterum: Sin autem quæritur quæ sint cuiusque peculiaria: tum vero genus utriusque commune relinquimus, & in specie singulari excutienda laboramus. Idem sane de sacramentis dicendum est, quorum est communis quædam inter se notio ad singula genera pertinens: Alioqui & baptismus pueris interdictatur & cœna mulieribus: Ex singulari enim cuiusque institutione non potest doceri illis ea esse propria: sed ad communem sacramentorum similium naturam ratio habetur. Ita sane quia omnibus omnino sacramentis commune est, ut quoties ad exprimentiam significationis emphasis, quod est rei significatae proprium, id symbolo per verbum (Est) attribuitur: Id non realiter, sed pro sacramenti natura, id est, significatiue atque symbolicè accipi debeat, sine ulla vel transubstantiatione vel consubstantiatione, vel denique signorum cum rebus confusanea per mixtione: Ideo dicimus in hac cœnæ institutione idem debere intelligi. Non est igitur hoc nostrum argumentum petitum à simili sed à generis natura atque analogia perpetua de promptū.

Quod igitur ex verbis Cinglij pugnat, quasi nos à nobis confictam sententiam in verba cœnæ per vim inuechamus, non ita est. Haec enim hanc sententiam à natura, ab analogia, à partibus, à fine, ab effectis denique omnium sacramentorum, eique manifeste demonstramus Christi verba nihil repugnare. Vnum tantum obstat, quo minus haec interpretatio locum apud plerosque inueniat: nimirum falsam & præiudicatum vulgi opinionem, quæ ex fonte orta transubstantiationis in varios ac turbulentos, tum companionis, tum impanationis, tum suppurationis riuulos sese diffudit, qui tamen & à verbis & à natura sacramenti plane abhorrent.

Cætera quæ ad hunc locum afferunt, facile his positis, sua sponte euaneantur. Quod enim vult in singulis controvërsijs verborum proprietatem esse attendendam, & maxime si articuli fidei

S Y N T A G M A

in propria sede fundantur & explicantur. Non grauate ei contedimus : Quoad intelligat hoc suo axiomate doctrinam illam suam de ascensione in cœlum , & de corporis Christi natura à fundamento euerti: Quod ad hanc vero præsentem controvèrsiam attinet,nihil contra nos facere. Nodus enim in eo versatur, non quid proprie significet, panem esse corpus Christi: Id enim omnes intelligunt, neq; quisquam est qui verbi proprietatem retineat:sed quid proprie significet, panem sacramentaliter esse corpus Christi. An his verbis realis præsentia corporis statuatur? An potius ratio loquendi omnibus sacramentis cōmuniis usurpetur? Nimirum ut hac voce sacramentaliter omnis realitas excludatur: quemadmodum cum dicimus , Agnum esse phasē sacramentaliter: & baptismum spiritualem regenerationem.

A D X. A R G V M E N T U M S V M P T V M

*ex verbis Pauli, quod veteres æque baptizati fuerint ac nos, & eandem escam ac potum spiritualem
(qui erat Christus sumperint.*

IN sequenti argomento quasi sui oblitus, metā à se præfixam non veretur & quidem multis modis transilire : dum varjas verborum figuræ cōminiscitur, quibus manifestam Pauli doctrinam eludit. Quod enim Paulo est spirituale hic cōuertit in miraculosum: ex petra facit Christū & nouā Tautologiā inducit, quasi his verbis, Petra erat Christus, nihil aliud significetur. quam Christū fuisse Christū: Sed ordine singula expendamus:

Ait magnū esse discrimen inter veteris & noui testamenti sacramenta. Id omnes fatentur quadam tenus, sed non per omnia, sane, quod ad rem ipsam vitrobiq; significatam attinet, &

*In Ioan. tractas tu 26. & 45.
In Psalm. 77.
Lib. 9. cont.
Faustū cap. 13.* Augustinus ex paulo assuerat, & nos constanter credimus, nihil fuisse differentiæ. Vnus enim Christus, vnum illud semen promissum, iustitia erat quam fide patres consequebantur, sacramentis quasi sigillis obsignabant.

Confutatio discriminis ab aduersario positi inter veteris & noui Testamenti sacramenta.

Hic tamen fingit noui fœderis sacramenta, hoc habere peculiare quod promissarum rerum præsentiam flagitent: Atq; adeo præsentiam trinitatis in baptismō præsentia illi fictitiæ corporis Christi in cœna æquat. Quasi vero promissio ac finis baptismi verletur in præsentia trinitatis: ac non potius in ablutione

gione peccatorum per fidem in sanguine Iesu Christi. Quemadmodum cœnæ promissio non in præsentia corporis, sed in eiusdem participatione aut cœmunione ad vitam cōsequendam per fidem in carnem Christi, consistit.

Deinde quis de aqua baptis̄mi dixerit, hoc est, pater & filius & spiritus sanctus? Quid si tamē eadē est in baptismo trinitatis ratio, quæ est corporis Christi in cœna, ea loquendi forma erit non modo admittenda: sed etiam apta, propria & dilucida existimanda. Præterea si in baptismo eo modo adest trinitas, quo Christus adest in cœna (Adest autē Christus in cœna secūdum totam suam personā & quicquid in illa persona continetur realiter ut ipse certe vult) sane & ipsa trinitas secundū trinam illam hypostasis in baptismo adsit necesse est. Si tria hypostasis & quicquid ea continetur, & Christi etiam personam, atq; adeo corpus ipsum realiter illic adesse efficietur: Ita de aqua baptis̄mi non minus dicendum erit, Hoc est corpus meum, quam de pane in cœna proposito. Vide in quos labyrinthos te coniicias cum his tuis præsentiae realis commentis?

Verum, esto: Demus in nostris sacramentis requiri præsentiam. Quid vero in antiqui fœderis sacramentis? An nouū etiam rerum præsentia flagitabatur? Quæso te, Trinitas num erat minus præsens in circumcisione quam in baptismo? Negabit fortasse, sed nihil agit. Docet enim necesse est, præcipuū hic aliquē modū præsentia in baptismo statū debere. Nisi forte ea verba (In nomine patris, filij & spiritus sancti) realiter significant illas personas illic præsto adesse & quide secus quam alijs locis. Quemadmodū vult hæc verba (Hoc est corpus meum) tantum significare quam, corpus meum est hic realiter præsens. Quod si ita est, nouam nobis cudit Græmaticam. Sed fac tamen ita esse. Quia in nomine trinitatis baptismus institutus sit, ideo trinitatē peculiari quadam ratione illic præsentē adesse. Quid tamē dicernus de circumcisione? Aut in cuius nomine facta existimabimus? Solius ne patris? Atqui Paulus ait Christum fuisse Rom.15, ad ministrū circumcisōnis ut promissiones factas patribus ratas efficeret. An vero patris tantū & filii? At ipse Deus promulgit spiritu suo se se circumcisurū corda populi sui. Videsne igitur etiam illic adesse trinitatem? & rerum præsentiam flagitari?

Quid vero in agni paschalis sacrificio? Christus nominatur agnus ipie. Non potest igitur excludi. Spiritus autē sanctus ille

S Y N T A G M A

vⁿus eius sacramenti vim atque efficaciā in cordibus fidelium obsignat. Faceant igitur noua hominum commenta, qui pro arbitrio quicquid somniarunt, volunt haberi pro oraculis.

An vero quisquā ita amens est, qui neget Christum ipsum, dū in nube & columna ignis populū anteiret, essentialiter illis præsentem adfuisse? An autem minus præsens in cœna aderit, etiamsi corpore ipso atq; corporea substantia non sit præsens? Aut quia nos reuera corpori eius communicare in cœna fateamur, ideo etiam ipsum illud corpus realiter præsens esse & corporis ore sumi debeat? Quasi vero eius corpus corporis esca cœni serī debeat, ac non potius animi? Aut quasi Dei omnipotentia Christi corpore animas fidelū pascere nequeat, nisi realiter presenti, qui & animā & corpus solaris corporis virtute & si quam longissime disuncti vegetet atq; exhilararet? Etsi igitur præsentiam corporis Christi concesserimus, nimirum eam quæ ad fideli rationem refertur: nihil tamen de reali aut corporali præsencia euicerit: cum hic non corporis (quod esca corporea nutritur) sed animi (qui fide viuit) ratio habeatur. Eadem autem fidē patres vixisse, tota scriptura testatur.

De dissimilitudine maris & nubis ac Manna cum nostris sacramentis.

Negat deinde Manna & item baptismū nubis ac rubri mariis esse sacramenta. At Paulus certe alterum baptismo, alterum spirituali cibo exæquat, & cōueniunt etiam cum illa sacramentorum definitione ab aduersario posita. Nam si quærit promissionem, ea est aperta: Deum fore ducem populi sui & omnibus eius necessitatibus subuenturum: Quæ vel sexcenties inculcat, si quando ipsa, ac symbola, quibus hæc promissio in semine Abrahāmi Christo inquā fundata, sanctitur & quasi ob oculos ponitur. Fallitur itaq; quod existimat illum baptismū nihil habuisse cum nostro præter solum nomen cōmune. Nam Paulus ipse sese explicans manifeste declarat rem etiam ipsam significatam fuisse communem. Etsi facile concesserim illic obscurius, hic autem clarissime & significantissime rem ipsam exprimi. Quod quærit, quæ fuerit in mari vel peccatorum remissio, vel vitæ renouatio. Certum est, ijs qui in eo maris transitu, Dei erga se amorem, in ductore Christo per fidem amplexi sunt (qui symbolo sane quam admirabili illis ponebatur ob oculos) eandem omnino & remissionem & regenerationem fuisse, quæ

quæ sit omnibus hodie fidelibus. Quod ait Christo non esse commortuos, si de fide loquitur, manifeste errat. Illa enim mortificatio, primum quidem circumcisione testata erat: deinde maris rubri fluctibus tantum non significatius quam aqua baptismi exprimebatur. Sin autem infideles notat, fatemur: verum idem prorsus in nostris sacramentis locū habere dicimus, quandoquidē impij nec in baptismo nec in cœna regenerātur.

Quod Basiliūm huius sententiæ autorem laudat arq; adeo grauiter nobis succenset, nihil nos mouet. Scimus enim & Basiliū & omnes propemodum patres, ac in primis Græcos in aliqua re vel amplificanda vel minuenda plerunque hyperbolis rhetoriciſ vsos fuſſe: Eſi fatemur Basiliū verba eſſe veriſſima, quando ſigna nuda ſpectantur, quemadmodum à maxima totius populi parte factitatum ſcimus: Cum enim Iudæi interiorem promiſſionem non intuerentur, nihil mirum eſt, ſi exterritum illis ſymbolum fuit inutile. Ita Paulus de lege loquitur ac Mosis doctrina 2. Cor. 3. Eam inutile ac mortis nunciam appetiſſans: Cum tamen Christus in ea procul dubio propositus fuifſet. Ita Christus ipſe apud Iudæos iactabundos de manna loquitur, illorum captui ſe ſe accommodans, quaſi ad ventrem tantum paſcendum datum fuifſet: cum tamen fideles, qui in eo promiſſionem diuinam paternæ erga ſe benevolentia (in Christo vero illo qui de cœlo deſcenſurus erat pane factam) intuebantur: optimo iure panem angelorum. Manna illud nuncuparēt. Infidelium autem stupor ſymbola diuinæ beneficentia nō potuit, niſi illis ipſis, qui in extero ſymbolo ſine fide ſtupidi hærent, irrita facere. Fruſtra itaq; nouum hic diſcriben commiſſitur Antagonista.

Ioannis locus, quem allegat, nihil à ſe facit. Ioannes enim nō dicit. Quod videmus quod palpamus, quod realiter ore corporis māducamus; ſed quod vidimus, quod palpauimus, nimis dum in terris adhuc degeret Christus.

Quod ait nullum nos ſtatueri diſcriben inter vmbra & veritatem, manifesta eſt calumnia, nec indiget refutatione. Dicimus enim unum Christum omnium ſacramentorum tam veteris quam noui testamenti veritatem eſſe: Neq; ipsa ſacramenta cum ipſa rei veritate permiscemus: Quemadmodum ipſe omnino facit qui ea reali ac ſubſtantiali vniōne inter ſe copulat. Sed ad locum Pauli.

S Y N T A G M A

Explicatio verborum Pauli.

Primum negat in his verbis (Eandem escam) fieri comparationem ad nostram escam: Id habet à Papistis, in quo manifeste pugnat cum Augustino: Imo vero cum Pauli scopo: cui hoc vnum est propositum, ut doceat, non debere nos externis diuinæ benignitatis tesseris confidere, quasi Deus magis nobis parcere debeat, si eum perfidia nostra atque flagitijs tentauerimus, quam quondam Iudæis pepercerit. Estq; pene simile exhortandi genus atque illud ad Rom 11, vbi de olea disputat & nos cum Iudæis comparat: nisi quod illic illos etiam extollit, hic vtroque æquat. Ait enim non minus fuisse illos baptisatos, nec minus escam potumq; spirituale accepisse quam nos. In quo manifestum est nobiscum fieri comparatione: Alio qui quid opus erat dixisse, in mari & nube illos fuisse baptisatos: cum sane nulla illuc baptisatio reuera possit intelligi? Sed quia videbat Paulus Corinthios & baptisimi & cœnæ symbolis tumidos, veram pietatem negligere: ideo transitum per nubem & mare insignit nomine baptisimi: Impropte certe quidem: sed tamen ad suum argumentum quam appositiissime: Quo declareret Iudæos illis fuisse pares in eo quod eis tantopere addat animos: nec ideo tamè horribilem vltiōnem effugisse: Et ita sacramentorum inanem usum extenuet, quo eos ad veram cœnæ dominicæ ac penititionem considerationem reuocet.

Quam autem esset frigidum, Iudæos inter se comparare, cum non quæatur quid alteri Iudæorū distent alteris: sed quid nos præcipiuū habeamus, cur existimemus nobis eandem vindictam minus imminere, si symbolis beneficentiae diuinæ nulla neq; fide, neque pietate quasi per ludibrium abutamur. Paulus id omne illis excutit è manibus, docetque si quid sit inter illos ac Iudæos discriminis, id ex Iudæorum vitio contigisse, quod spiritum qui offerebatur contemnerent, & Christum qui representabatur, sua infidelitate tentarent: Alio qui & illos baptisatos fuisse, & illos escam potumq; spirituale accepisse, qui tantum abest, ut à nostro differret, ut illa ipsa petra, ex qua potus diffiduebat, Christus fuerit: nimis quod madmodum panis in cœna corpus Christi etiam est. Et sane illa Pauli verba, Petra erat Christus nec minus sunt dilucida, nec minus realitatem introducentia, quam hæc de quibus emmisit nostra dissensio, ut facile ex eo iudicari queat, quid de utroq; si intentiendum.

Quod

Quod igitur spiritualem escam & potum vult vocari, quasi spirituale significet miraculosum, etiam si Ambrosij autoritate niti se clamet: tamen & ratio ipsa & usus loquendi & item auctoritas Augustini prorsus reclamant. Paulus etiam ipse se explicat quamobrem potum illum spiritualem nuncuparit: nimirum quia petra erat Christus: Quemadmodum si quis dicat panem sacramenti esse cibum spirituale, quia sit corpus Domini.

Quod autem ait Paulum simili phrasi nominare Isaac filium spiritualem Abrah^g Ismaelem autem carnalem: ridiculum se praebet, & mucronem tradit quo ipsum iugulemus: Paulus enim eo loco sui est interpres, inquiens, eum qui ex promissione natus sit, esse natum ex spiritu: & simul testatur nos omnes ex promissione natos esse & Saræ liberæ, & item cœlestis Ierusalem esse filios. Ex quo apparet, spirituale de eo dici, quod habet annexam promissionem, qua in filios adoptemur. Alioqui dicendum fuerit, fideles omnes per miraculum è Sara ortos esse, eo quod spirituales eius filii appellantur. Atq; hinc euincitur etiam Manna escam spiritualem nuncupari, quod haberet annexam adoptionis promissionem atque adeo cœnæ sacramento per omnia simile esset.

Galatas 4.

A D XI. ARGUMENTVM A COMMVS ni ratione sacramentorum noui testamenti inter ſe & perpetua eorundem analogia.

IN undecimo arguento confutando (quo docemus eandem esse baptismi ac cœnæ rationem: Ideoq; propositiones utrobiq; substantiales ad eandem analogiam debere referri) sui semper est similis. Quæ sunt in controversia sumit pro confessis: atque ex ijs quæ sunt etiam incertiora, statuit atq; ita omnino ratiocinatur, quasi verborum apices & syllabæ, ac non potius ipsa promissionis virtus fide accepta sacramenta efficiat.

A D XII. ARGUMENTVM A SIMILI- bus loquendi formis sumptum, quales sunt: Circumcisio est fædus, Agnus est pes: Petra erat Christus: baptismus est regeneratio spiritualis.

IN duodecimo diluendo manifeste prodit, nunquam se intellexisse, in quo consistat nostri argumenti robur: Ac primū calūniam impingit, quasi ex nostra interpretat, efficiatur, omnes omnino

S Y N T A G M A

*Quod nō recte
ni n argumenti
intellexerit ad
tertium.*

fidei articulos figurare esse enarrando: Quod nobis nunquam venit in mentem. Ait nos ex singularibus exemplis regula statuere: Sed misere hallucinatur. Nos enim singularib. exemplis, quæ à nobis producuntur, nō nostram stabilitus sententiam: sed arcem illam companionis ex singularibus exemplis constructam euerimus. Etenim ipsi sic ratiocinantur. In verbis cœnæ dicitur panis esse Christi corpus: Ergo realiter id accipi debet, & non tropice. Quæ sane complexio nullum pondus habet, nisi primum generali axiomate constituto. Quod vbi cunque per verbum (est) alterum alteri tribuitur, etiam si sint dispara-ta, semper est intelligendum, realiter non tropice illud accipi. Hinc enim assumitur: Atqui in cœnæ sacramento corpus Christi per verbum (est) tribuitur pani: Ergo realiter non tropice accipi debet. In illo agitur axiomate totum companionis robur versatur: Illo euerso restat, ut piscibus sint magis muti. Ita autem euerimus. In circumcisione, in agno paschali, in petra & alijs quamplurimis, attributa tribuuntur subiectis per verbum (est) nec tamen realiter debent intelligi. Ergo falsa est illa regula.

Viden' lector minime nos ex singularibus colligere, sed argumentum quod ex singularibus erat compositum euertere? satis enim est unum singulare tolli, ut generalem notam falsissimam esse demonstres. Tantum autem abest, ut quoties alterum alteri tribuitur per verbum (est), semper id realiter intelligi debeat, ut nunquam in sacramentis res signata tribuatur signo per verbum (est) quin eiusmodi propositio per figuram ac tropum debeat explicari. Non igitur quia aliquando huiusmodi substantiales prædicationes realiter intelliguntur: nimis quando genus vel species vel aliquid accidentis de quaquam re dicitur: Ideo verum est, id etiam in sacramentalibus propositionibus & in prædicationibus disparatorum debere recipi: Id enim esset ex singularibus argumentari.

*Ab exemplo aduersarij absurditatem esse evitan-
dam figurata explicatione.*

Sed non possum satis admirari huius nostri Antagonistæ, viri alioqui docti supinam incitantiam: Qui cum ita grauiter nos incesserit, quod absurditatis ratione ducti verba cœnæ (vt clamat) manifesta velimus per tropum declarare: ipse tamen ad eundem lapidem hic impingit: Nempe cum Christus inquit, Ego

Ego sum viris vera: non venit illi in mentem, vel magnificæ illi; omnipotencie quæ vel absurdissima quæque rata potest efficere: vel vniuersitatis naturarum, qua Christus non minus ad viue quam ad panis substantiam extenditur: vel denique proprietatis verborum tantum, quia sensus alioqui absurdus esset: Ideo iubet sermonem per figurā mitigari. Sed demus hoc eius autoritati.

Illud vero quod negat in scriptura hæc verba reperiri, Circūcīcio est fœdus meum, non potest nisi cauillandi studio tribui. A similit. Omnino enim quemadmodum in cœna Christus iubet accipi ac manducari panē & subiicit, Hoc est corpus meum: Ita in circumcidione Dominus ait, Hoc est fœdus meum, circumcidite omnem masculum. Quis autem non videt hæc esse utrobiq; paria? Tamē quia sentit hoc effugio se non iuvari, alio recurrit.

Ab ipsa aduersarij explicatione.

Vox inquit circumcisionis alias latius pro tota circumcisionis actione sumitur & tum est ipsissimum fœdus: Alias angustius pro sola præputij abscissione: tum autem est signum fœderis: Idem q; de baptismo dici posse tradit. Sed quis ei dabit actionem circumcisionis esse fœdus, nisi simul hac voce actionis comprehendat rem significatam, nimirum promissionem Dei fide acceptam ab eo qui patitur se circumcidere? Quod si ita est, quid obstat quo minus idem de panis sacramentalis manducatione statuendum sentiat? Nimirum si pro tota actione cœnæ sumptus & simul rem ipsam significatam (promissionem scilicet, quod Christus se tanquam panem pro mundi vita obtulit in ara crucis) complexus fueris, habere te procul dubio ipsissimam corporis Christi communionē: Sin autq; panis voce elementum illud corruptibile intelligas, quo tantum mysterium significatur, neque quicquam altius quam ipsam illius fractiōnem intuearis, omnino non posse id nisi corruptibile elementum ac nudum signum appellari.

Quod similitudines quondam à Cinglio productas, qualis est illa, Septem boues septem anni sunt, exagitata: nē ille sui ingenij imbecillitatem prodit. Zwinglius enim ijs rāturn usus est, vt probaret, frustra ab aduersarijs indubitanter concludi, quia verbum (est) sit verbum substantiale, semper constituere propositiones reales. Constat enim id omnino non habere locum,

S Y N T A G M A

nisi rei subiectæ materia postulante. Sed qui Cingulum hoc nomine insectatur:is & Augustinum repræhendat qui his ipsis si militudinibus & exemplis usus est in questionibus ad Leu.57.

A D X I I I . A R G V M E N T V M S V M =
ptum ex natura sacramentorum in quibus per Metony-
miam nomen rei signata ad symbolum trans-
fertur quam significantissime.

Ab exemplis. IN 13. argumeñto iterum calumniatur quasi nos doceamus in omnibus promissionibus sacramentalibus figuram subesse: Nos enim tum demum dicimus figuram intelligi, quando rei nomen symbolo tribuitur. Itaq; baptismi exemplum ab eo alla tum nihil ad rem. Quod in exemplis de arca fœderis & de columba spiritus sancti quasi triumpho partio gloriatur, ne ille ante victoriam encomium canit: Agitur enim de verbis illis Columba est spiritus sanctus: Non autem, vt hic existimat, res ipsæ inter se conferuntur. Primum igitur nisi aliunde constaret spiritus sancti essentiam vbiq; diffundi, nunquam posset his verbis realis eius præsentia euinci: tantum demonstraretur columbam fuisse symbolū ac typum spiritus sancti. Quod enim adest spiritus sanctus, non fit ratione columba sed ratione diuinae essentiæ, cuius illa columba nudum est symbolū. Deinde nisi certo certius scriptura asseueraret spiritum eo descendisse: nō esset profecto pīj hominis ex huiusmodi propositione statuere, proprio quodam & peculiari modo spiritum sanctum illic præsentem adfuisse. Atq; idem de arca fœderis sentiendum est.

In sacramento vero Christi corpus non esse spiritum, neq; essentiam diuinā quæ usquequaq; diffundatur, ante probatum est. Deinde hoc ipsum Christi corpus vel huc descendisse vel præcipuo quodam modo sese exhibuisse, scriptura certe non conuincitur. Nihil est igitur reliquum quam ut verba illa significant, panem esse verum corporis symbolum. Quemadmodū cum quis dicit columbam esse spiritū, etiam si alijs fortasse verbis ante declararit realem eius præsentiam: tamen quod ad hanc propositionem attinet, nihil potest ex ea effici aliud quam columbam spiritus esse symbolum.

Quod tandem ait, neq; locali præsentia, neq; dimensione, neque vero circumscriptione corpus Christi præsens illic adeste,
sed

sed tantum sacramentaliter, libenter accipimus: si modo recte intelligit, quid sibi velit corpus aliquod sacramentaliter esse præ sens quod ipsum non sit præsens circumscripitiue pro natura corporis: Hoc est enim vnum in quo dissensionis totius cardo vertitur.

**A D X I V I I . A R G V M E N T V M S V M -
ptum ex varijs absurditatibus realem verborum
explicationem consequentibus.**

IN 14. argumēto dissoluendo ipse sibi aduersatur. Cum enim ante dixerit eam propositionem, Ego sum vitis vera, sola ratione absurditatis, figurare esse interpretandam: Hic contra docet satis esse, si quævis absurditates omnipotentiae tegantur cly peo: quasi Deus non æque ad vineæ substantiam quam ad essentiam panis omnipotentiam suam porrigit. Nam vtrobique verba plana sunt. Deinde si sola est verborum ratio habenda, ne cessè fuerit, panem ipsum esse Domini corpus, quo salutem cōsecuti simus. Fatemur quidem in fidei capitibus permulta esse quæ humano iudicio absurdula videantur: Sed eorum tum demum negamus rationem esse habendam, quoties ex rei subiectæ materia de voluntate Dei constat, nec vnius voculæ signification imens obstupefacta adhærescit.

Ab illis verbis, Quod pro vobis traditur.

Quod illa Christi verba, Quod pro vobis traditur, pro sua causa adducit, næ ille haud satis intelligit, in quo consistat controuersia. Nemo enim negat, quin corpus ipsissimum Christi pro nobis in salutem ac vitam traditum fuerit. Non agimus igitur de imaginario aliquo corpore: Sed illud ipsum corpus, quod pro nobis in cruce pep̄edit, dicimus nobiscum per fidem coniungi: cuius rei symbolum ac tesseram Dominus in pane ac vino proposuit: Quemadmodū nemo imaginatur in circūcisione fœdus aliquod figuratum, sed verum illud Dei fœdus circumcisioñis symbolo fidelibus fuisse propositum omnes fatemur. Itaq; siue hec verba, Hoc est corpus meū, ita interpreteris, quasi dictum sit, Hoc vobis exhibet, significat, ponit ob oculos & quasi præsens statuit meum corpus: siue ita explices, Hoc est verum symbolum ac tessera mei corporis, eodem plane res redit. Nec enim alterutro vel signum realiter immutari, vel rei significatiæ nimirum corporis veritas tolli singitur. Frustra

S Y N T A G M A

itaque nobis inuidiam conflare student aduersarij, quasi inter nos in verborum interpretatione magna sit dissensio , quia alij figurā ponunt in verbo (est) alij in voce, (corpus) Vtrum enim dixeris, Hoc significat corpus meum, vel, Hoc est corporis mei signum, nihil est discriminis. Quod igitur ex illis verbis corporis veritatem conatur astruere, quasi nos eam destruamus, cum vmbra ipse sua belligeratur.

Nostram doctrinam confirmari.

Nihil autem poterat efficacius ad eius companionem diluendam adferri quam ipsa Christi verba. Etenim si simpliciter de pane dixisset, esse suum corpus: et si non modo Apostoli, sed omnes etiam p̄i facile animaduertissent, rei nomen tribui symbolo: potuisset tamen fortasse aliquid esse dubitationis. At vero cum aperte declareret, illud ipsum corpus esse, quod pro nobis sit tradendum, iam omnis, si quis restare poterat scrupulus, sublatus est. Nemo est enim tantus troporum osor, qui non videat panem ipsum nō fuisse pro nobis traditum: neq; quod pro nobis traditum est pane contineri. Itaq; facile est intelligere, debet per tropum propositionē explicari. Sane si quis oculis orbatus Christum haec verba de calice pronuntiantē audiuerisset, potulum illud esse suum sanguinem: potuisset forsitan dubitare, an vere & realiter illo poculo Christi sanguis contineretur: At si audisset non esse modo sanguinem, sed illum ipsum sanguineū, qui pro nobis postea fundendus erat in remissionem peccatorum: profecto nisi etiam mente orbatus esset, non posset addubitat̄e quin rei nomen symbolo per tropum tribueretur: quando constaret nondum effusum esse sanguinem in peccatorum remissionem: Id enim in ara crucis demum erat perficiendum. Si etiam adiiceretur præceptum, Facite hoc in mei commemorationem, & item promissio, Quoties hoc feceritis, mortem Domini annuntiabitis: præfractus sane cauillator fuerit necesse est, qui ob vnius voculæ (est) realem interpretationem mordicus retinendam, non vellet per tropum ista explicari.

A nomine testamenti.

Quod etiam ad testamenti seu fœderis nomen, quod calici a Christo tribuitur, nos reuocat noster Antagonista, nisi tam serio rem ageret, putarem eum præuaricari. Quid enim est aliud testamentū quam fœdus, gr̄eç diaύλογον, quasi dicas dispositio, Hebraice

Hebraice קְרֵב, id est, pactum. Quo nomine circucisio ab ipso fœderis authore appellatur. Sane nemo videt calicem aut vinum non esse ipsum fœdus. Fœderis autem esse symbola etiam per uicacissimi aduersarij nobis concedant necesse est. Quod si igitur haec verba, Hoc poculum est fœdus meum, tantundem valent atq; si dixeris, fœderis esse symbolum: omnino quemadmodum illa, Circumcisio est fœdus meum, notant circumcisio-nem esse fœderis symbolum: Quid est cur nos tam anxie torqueamus, ut alienis de realitate commentis manifestam Christi sententiam obscureremus? Hoc cognito quæ hic producit cætera facile in fumum abibunt. Quod autem videri vult, si Christus symbolice ac tropice testamētum condens, locutus fuerit, quasi temulentum futurum fuisse, non caret blasphemia. Videlicet enim testantes plerūq; solere symbola, quæ vel in sui memoriā, vel in aliquius à se collati beneficij recordationem relinquant rerum signatarum nominibus & quidem significantissime insignire. Alioqui cur non eodem genere blasphemiae tropum illum incessit, quo Christus moribundus matri charissimæ, Ioannem in sui locum sufficit, inquiens, Hic est filius tuus,

Nec attinet ad rem quod existimat, nisi introducatur realitas, magnam fore in verbis obscuritatem: cum omnis si quæ est obscuritas, vel realitate, vel certe in peruvacia præiudicatae opinionis consistat. Nec enim Apostoli quicquam hic obscurum viderunt. Quod erat necesse tamen, si verba ad syllabarum amissim potius quam ad sacramentorum trutinam expendissent.. Infinita enim illis venissent in mentem, quæ ne personarium quidem cogitarunt.

A D X V . A R G V M E N T V M S V M P T V M

ab ipsis verbis quæ ne ab aduersarijs quidem omni no possunt sine trope intelligi.

IN decimo quinto arguento tractando videtur ignorare, ^{A definitione} quid sit figura vel tropus. Omnino enim figuram nos vocamus, omnem loquendi modum à propria ac naturali verborum proprietate, significacione vel tantillum declinantem. Ex quo & Antagonistam ipsum in verba Christi figuram inducere necessum est: nisi forte panem Christum esse vult, qui pro nobis in ara crucis sese obtulit. Quis enim ita loquitur, Panis est

S Y N T A G M A

corpus meum, pro eo quod est, corpus meum est cum pane vel sub pane profecto quicquid agas, panis est panis & corpus corporis. Panem autem esse corpus vel calicem esse sanguinem, ita sunt disparata, ut nisi per figuram intelligi non possint. Si communionem in uehuis, iam figuram adhibes in sacramentis prorsus inusitatam. Sin autem symbolice propositionem interpretaris, elicis sensum & clarissimum & ad sacramenti institutionem accommodatissimum, & in ceteris etiam sacramentorum generibus visitatum.

Verbo (Hoc) nihil posse nisi panem significari.

Sed audi argutias: Non est, inquit, in verbis Christi figura, sed tantum in his, Panis est corpus. Cedo quid sibi vult illud (Hoc). An aliquam nobis nouam substantiam succenturiabis? Necesse autem est vel ad panis te substantiam couertas vel eandem penitus euertas. Sed, inquit, Christum non propriissime loqui de pane. Panem enim adesse manifeste cernebat Apostoli. O mirificos cauilllos. Quasi vero Christus velit Apostolos edo cere quid ipse teneat manibus, quam substantiam vel frangat, vel in manus illis tradat, aut quid deniq; illis praesens sit? Ac no potius quanam ratione memoriam suæ mortis significantissimo sacramento deberent celebrare. Sed quia hic animum atq; omnes sensus ad praesentiam semel obfirmavit, nihil nisi praesentiam somniat: Et quia Christus non docet praesentem adesse panem (id enim facile erat videre) Ideo ad aliam praesentiā corporis nimirum conuolans negat illum de pane sermonem facere. Sed quæso quid iubet Christus diuidi? Quid est quod ipse manibus accipit, frangit, eisq; distribuit? Euangelistæ profecto nihil esse aliud quam panem asseuerant: ac illum esse suum corpus dicere Christum tradunt: Hic tamen negat. Quid ita? quia nimirum tropus esset admittendus. Diceres hominem in tropporum perniciem coniurasse. Sed age. Si de pane non loquitur Christus, panem certe in cena inutilem esse necesse est. Nam si adest ubiq; Christus suo corpore: & in cena hoc dicit esse suum corpus, neq; tamen panem denotat: nihil impedit profecto cur omnino sine pane æque illic eum adesse negemus: Et ita frustra ab his disputatur, Christi corpus pani esse realiter coniunctum atq; substantialiter. Paulus etiam perperam docet, panem esse corporis Christi communionem: Imo vero ipse Christus qui

qui calicem diserte nominat. Sed non nominat, inquit, panem. Quid tum? An non satis aperte omnes panem esse videbant, nisi nomen etiam exprimeretur? Tandem non dubitat hic bonus syllabarum aestimator ipsa Christi verba manifeste adulterari: ut vel quouis ratione evincat Christum non agere de pane, sed de corpore pani coniuncto. Ait ipsos Euangelistas id clare esse testatos, nimis quod Dominus dixerit, Hic sanguis est noui testamenti. Quid tandem erit adeo sacrosanctum quod eiusmodi commentorum non violet audacia? Quatuor enim Euangelistæ (Si modo Paulus etiam eo nomine censeatur) hæc recitant. Nemo plane est, qui huiusmodi verbis utatur, quasi sanguis ipse Christi in subiecto ponatur. Omnes enim vel poculum aperte nominant, vel accepto vel distributo poculo recitant cum dixisse, Hoc est sanguis meus, ille inquam noui testamenti sanguis. Ita enim sonant verba & Matthæi & Marci, nimis repetito articulo: Quæ sane nisi poculo attributa, nullo modo possunt intelligi.

Nec vero oscitanter transeundū est, quod ea verba Marcus ita recenseret, quasi iam posteaquam ex poculo propinato Apostoli bibissent, Christus ea pronuntiarit. Quod quidem videtur factum de industria, ut ne quis realem aliquam vel consubstantiationem vel transubstantiationem somniaret.

Quod aduersarius inducat figuræ.

Postea quasi sui oblitus hic verborū censor, ait, Lucam quidem nominasse poculum, sed tamen ostendisse sanguinem: In quo non modo à verbis Euangelistæ quam longissime recedit (Lucas enim aperte ait, Hoc poculum esse noui testamentum in suo sanguine, nisi quod more Hebræis usitato verbum substantium omittit, quod tamen à Paulo in eadem phrasι suppletur) Verum etiam Synecdoches synecdochen, id est, duplē figuram introducit. Prima enim figura, poculum nominari pro eo, quod continetur: Altera quod sanguinem vini loco supponit: nec enim potuit aliud quam vinum demonstrari. Hinc addit tertiam, quod sanguinem pro eo quod est, nouum testamentum in sanguine nominat. Quarta etiam consequitur, et si dependet ex superioribus, ipsum nimis poculum pro nobis esse effusum. Viden' lector in quam troporum cateriam se coniiciat, qui vnicum tropum cane peius & angue odiſſe profitetur.

A verbis Euangelistarum.

A serie narrationis à Marco obseruata.

S Y N T A G M A

*Ab ordine & naturali significacione verborum, quod
realis coniunctio ex verbis nullo modo
consequatur.*

Itaque et si demus Christum non demonstrare proprię poculum, neq; vinum contentum poculo : tamē à verborum proprietate ac perspicuitate discedere nostrum Antagonistam, est manifestum. Atque adeo inuidum illud proprietatis telum frangatur necesse est. Nam si ex verborum proprietate realis coniunctio attributi cum subiecto poni debet : loquitur autem Christus proprie de corpore non de pane: nihil profecto efficit aliud quam corpus corpori realiter esse coniunctum. Alioqui ostendant necesse est, vndo hanc coniunctionem corporis cum pane hauserint. Etenim nos tamen Antagonista omnino præsupponit, antequam Christus hæc verba pronuntiet, iam corpus pani esse coniunctum : & quasi hoc nobis probarit, docet Christum ea voce (Hoc) notare illud ipsum corpus, ita cum pane realiter copulatum, deq; eo corpore asseuerare, esse suum corpus.

A similibus positis ab Adversario.

Quod quidem apposita similitudine explicat, vt si quis murum digito demonstrans dicat, hoc est calx. Is sane nihil aliud hac oratione agit, quam vt illam ipsam essentiā, quæ muro ante continebatur, verbo explicet. Adiungit & aliam similitudinem ferri carentis, quæ et si ab hac hypothesi *στοιχεῖα τοῦ οὐρανοῦ* (quod aiunt) distet: tamen quo ad quidem aliquam similitudinem cum eius dogmate retinet, etiam declarat proprietatem verborum ab eo carenti. Primum certe, ferrum carentis non est ignis, sed ignitū, id est, igneo calore præditum : Nec enim ignis in ferro corpus est aut substantia sed merum accidens. Sed licet fateamur esse corpus, tamen nemo vñquā de ferro dixerit, Hoc est ignis: nisi primum illa ignis substantia vel corpus (iam enim concessimus esse corpus) cum ferri substantia sit coniunctum vñitumq;: Alioqui cum dixeris (Hoc) non poteris ferrum igni sum intelligere, sed solum ferrum, quod falsissime asserueris esse ignem.

Eodem plane modo non potes de pane dicere: Hoc est corpus Christi, nisi primum statuas iam esse ante realiter vñitum cum

cum corpore: alioqui enim (Hoc) nihil aliud significaret quam nudū panem. Quod si ita est, necesse est, ut intelligas, Christum accepisse panem iam vnitum suo corpori, eumque fractum deditile discipulis, & tum demum vere dixisse, Hoc est corpus meum. Atq; ita intelligitur panis ille cum Christi corpore coniunctus fuisse, non quidem in sacramenti institutione, sed quo primum momento cœpit esse panis. Ex quo perspicuum fit omnino frustra iactare nostros aduersarios, sacramenti verbis suam realem coniunctionem statui. Quæ sane verba, nisi iam ante realis illa constitutio, ex alio quouis fonte manans fuisset constituta, vera omnino esse non poterunt: ut etiam ex dolij similitudine liquet, ab Antagonista hoc loco producta. Quando enim de dolio vere dicitur, Hoc est vinum: Necesse est iam ante vinum in illud dolium fuisse aliunde infusum: Quod ni ita esset, oratio falsa futura sit, quæ non spectat ad introducendam aliquam vini cum dolio coniunctionem: sed tantum ad eam, quæ iam ante fuerit, declarandam. Quod si iam vinum dolio fuisse contentum non demonstratur, antequam hæc propositio enuntiaretur necesse est, vel falsam esse propositionem, vel alio quopiað tropo debere explicari: Ita nisi probetur, corpus Christi fuisse cum pane realiter vnitum antequam hac oratione Christus vteretur, necesse fuerit vel orationem esse falsam (quod fieri nequit) vel per alium quempiam esse tropum explicandam.

Ex Vbiuitate non posse statui readem coniunctionem corporis cum pane.

Vt iam illud fuisse probent, necesse est, ad sacram illam suam vbiuitatis anchoram confugiant, statuantq; eius vi ratione fieri, vt vere corpus Christi omnibus omnino substantijs realiter coniungatur. In quo bis & quidem grauiter peccant: Primum enim sacramenti institutionem abolent, siquidem statuunt, Christum hic nihil instituisse: sed tantummodo vim coniunctionis quæ ex ratione vniōnis suarum naturarum erat suo corpori cum pane declarasse: Atq; ita promissionis omnem efficaciam ac virtutem tollunt, quando ex mera sacramenti promissione nudam promissionem efficiunt, qua rerum à Deo conditarum vel naturalis vel certe ordinarius declaretur. Deinde quam manifestissime declarant, nullam se peculia-

S Y N T A G M A

rem huius sacramenti habere rationem : cum non modo de pane sacramentali velint dici posse , Hoc est corpus Christi: sed de omnibus omnino panibus atq; eduljjs atq; adeo de omnibus creaturis & brutis & rationalibus & omni deniq; anima parentibus. Nam si non fuit Christi oratio vera, nisi ratione immensæ illius expansionis eius corporis:cuius vi factum erat, vt panis eius corpori coniunctus merito posset eius corpus appellari : Sane cum haec expansio ad omnes omnino creature locum habet, efficitur & de cæteris idem revera dici posse. Et si hoc est instituere sacramentum, declarare tantum realem illam coniunctionem, quæ est rebus creatis cum Christi corpore:lam cuius erit integrum , ex singulis creaturis singula efficere sacramenta : Quia de illis idem dici poterit , quod Christus de pane dixit : præsertim cum veritas à Deo immortaliter profecta, à quoquaque tandem pronuntietur , pondus tamen suum beat obtinere.

Viden' integerrime lector, in quos & quam inextricabiles Labyrinths se conijciant, qui vt vnum effugiant tropum, non verentur in Christi verbis pro suo arbitratu aliud subiectum statuere, quod in rerum natura esse nunquam demonstrabunt. Et tamen si demonstrent nihil aliud agent, quam vt totam sacramentorum rationem subuertant. Neque possunt omnino statuere, Quando,vnde aut qua vi haec tandem coniunctio fieri coepit est.

*Ab ipsa aduersarij ratione probatur Christi verba
per tropum esse explicanda.*

Sed audiamus causam cur subiectum ab Euangelistis diserte expressum hic Antagonista vel reiiciat, vel certe reali illa sua coniunctione ita consepiet, vt non amplius subiecti loco haberi poscit. Certum est inquit, Vinum illud aut poculum non fuisse in remissionem peccatorum effusum. Ergo necesse est Christum non ostendisse vinum sed sanguinem vino realiter coniunctum. Primum videat lector hanc interpretationem cum verborum proprietate minime cohærere: Nec enim aliqui subiectum immutari necesse erat. Deinde animaduertat quam sit hoc insipidum , Quia vinum pro nobis effusum non sit, ideo non loqui Christum simpliciter de vino, sed vino coniuncto sanguini, Quid enim an vinum ita sanguini coniunctum, aut

aut sanguis vino permixtus in peccatorum remissionē effusus fuisse dicetur? haud quaquā profecto, nisi totum salutis nostrae mysterium in iudificationem quam piam ioculatoriam volumus conuertere. Manifestum est igitur, ne loqui quidem Christianum, de his substancialijs realiter inter se copulatis: Quandoquidem non magis illæ pro nobis effusæ fuerunt, quam vinum solidum. Ita nihil est reliquum, nisi ut vitrumq; negemus demonstrari & aliud quoddam subiectum fulciamus realitate: aut certe tropicam expositionem quæ nos ex his difficultatibus sola potest eripere, admittamus.

Quod autem ab exemplo agni paschalis tam intricatum suum commentum tueri stude: id contra eum quam plurimum valet: In eo enim sacramento non demonstrabatur sanguis, vel vino vel Christi sanguini permixtus: Sed reuera sanguinis substantia, quæ non continebat quidem realiter at certe sacramentaliter atque adeo efficacissime representabat veri illius agni Iesu Christi sanguinem, qui erat effundendus, ad postes cordium illinendos, quo essemus ab interitu Idololatrarum tuti atq; immunes.

Ab exemplo agni paschalis.

Pronomen (*Hoc*) semper notare rem monstratam.

Quod deinde cauillatur quasi minus figurata sit locutio, si de columba monstrata dixerim, Hoc est spiritus sanctus, atque si columbam nominaro dixerimq; Haec columba est spiritus sanctus: Certum enim est pronomine demonstratio, nihil notari aliud quam quod sub sensuum iudicium cadit, atq; adeo vel nutu vel oculis vel digito commonstratur. Et sane oculi sensus, cum ipsa demonstratione conueniat necesse est. Siue igitur id quod cerno siue quod nomine proprio appello, spiritum esse dixerim, par est utrobiq; ratio, nisi forte spiritum ipsum, qui non videatur, digito demonstrari posse fatearis. Aut igitur corpus cum pane coniunctum sub sensum cadit, aut si non cadit sub sensum, ne sub demonstrationem quidem: Atq; adeo siue panem nomines, siue eundem demonstres, eodem penitus res recedit. Id ita se habere testantur Euangelistæ, quorū alteri aiunt, *A uerbis Euangeliistarum.* Christum poculo ostendo dixisse, Hoc vel hic est sanguis meus Alteri aperte poculi nomen expresuisse asseuerant.

A confessione aduersarij.

S Y N T A G M A

Necessæ est itaq; ex his cauillationum latebris, in lucem trahatur noster Antagonista & aperte interrogetur, quid Christus acceperit, quid dederit, &c. Ita enim cogetur demum confiteri (quod non potest hoc loco dissimulare) hanc promissionem, Panis est corpus esse inusitatam & sacramentalem prædicacionem: Etsi statim redit ad ingenium dum vult sacramentalem prædicacionem explicari his circumlocutionibus, In, sub, cum, Verum amabo quid est sacramentalis prædicatio, nisi cum aliiquid prædicatur, id est, subiecto attribuitur, non quidem realiter sed ratione sacramenti, id est, sacramenti significat ante ostendimus: Alioqui si illa tria, In, cum, sub, sacramentalium propositionum explicationes censemur, necesse erit, agnum esse realiter in vel sub vel cum transitu, calicem esse sub novo testamento, baptismum esse, vel sub vel cum regeneratione. Et quia procul dubio sacramenta habent rationem ad signa & symbola profana, quam Dei fœdus factrosanctum habet ad fœdera, contratus, societasq; profanas: Ideo necesse erit ordinem eque strenuus sub insigni velleris aurei delitescere, vel saltu cum eo coniungi & in annulo matrimonium contineri, quæ vel pueris cachninos moueant.

A verborum proprietate.

Quintu igitur potius nodum in scirpo desinens quærere & in aperta luce cæcutire ad rem redi & vere sacramentali explicatione nimirum pro natura symboli ac signi suauissimam illam ac significantissimam sacramenti institutionem interpretari? Aut si ad verborum proprietatem animum obfirmasti vel panem esse ipsum Christum statuito (Ita enim verba sonant) vel certe transubstantiationem retinetis: Ad quam stabilieram & omnipotentia æque est efficax & unio personalis naturarum in Christo æque accommodata & verborum etiam propria fortasse conuenientior.

A duplice vnione quæ coniunctionem realem consequitur.

Etsi nihil aliud hoc certe cōmodum cōsequeris, quod nō erit tibi necesse, duplice vnionis commento à nostra (vt quidem de vocas) calumnia te liberare. Nos enim ita sumus stupidi, vt cum fatearis panem realiter esse coniunctum cum Christo & Deo & homine, nihil possumus odorari, cur hæc coniunctio non

coniunctio non debeat appellari hypostatica : præsertim cum tuæ illæ similitudines ad hypostaticam vniōnem belle conueniant. Ferrum enim cum igne vnam constituit hypostasin : caro & sanguis cum homine, calix & lapis cum muro. Dolium etiam cum vino si non proprie, at certe haſtenus, quo ad potest ad tuam causam accommodari. Quod enim causaris in vniōne hypostatica non recte dici vnum adesse cum altero quia non recte dicatur, homo adest cum Deo : quemadmodum statuis in hac tua reali coniunctione dici debere: Id non videmus quomodo te inuer. Nec enim homo ipse, id est, persona humana cum Deo coniuncta est sed natura humana cum natura diuina est in vnam hypostasin copulata. Atqui recte posse dici naturam diuina simul adesse cum natura humana in vna Christi persona, nemo est, qui ambigat: Atq; cum eam loquendi formam, in hac tua coniunctione non respucas (ex tua enim doctrina recte diceretur, Christum totum simul adesse cum substantia panis & ita cōiunctum efficere illud quod tu vis notari à Christo per pronomen (Hoc) non intelligimus, quomodo tuū illud (Cum) à nostra te calumnia posit liberare.

A contradicentia quæ consequitur vniōnem realem non admissa vniōne hypostatica.

Sed quando tamen non vis hypostaticam esse vniōnem, declara quælo vtrum ne in poculo duæ contineantur hypostases, an vna sola. Si enim vna tantum cōtinetur vniōnem esse hypostaticam fatearis necesse est: Si duæ, iam tua illæ similitudines de ferro candenti, de carne & sanguine in homine, de calce & lapide in muro prorsus corruūt : atq; adeo vero totum tuum fundamentum labascit. Nam si sunt duæ diuersæ hypostases: non potuit profecto Christus panis vinique hypostasi demonstrata per pronomen (Hoc) alteram illam hypostasin sui corporis à pane diuersam denotare . Nisi forte vis eius corporis & sanguinis substantiam per vniuersam panis ac vini substantiam penetrare, nimirum quemadmodum ignis in ferri substantiam & gelu solet extrema bruma in substantiam panis ac carnis atq; aquæ penetrare. Quod si ita est iam redis ad vniōnem hypostaticam: Itaq; non video quomodo te ex hoc labyrintho possis extricare nisi forte illo tuo peruulgato effugio: Non esse

S Y N T A G M A

Dei mysteria humani ingenij acie inuestiganda, omnemq; curiositatem coripectandam in ijs quæ Deus verbo suo declarauit; Nec tamē ita elabite patiemur nisi primum aperto Dei verbo hāc tuam realitatem suffultam esse manifeste euiceris. Nam quod simpliciter verbis te credere clamas, actu agis. Idem enim magno supercilio intonabit Transubstantiator, & fortasse iure meliori. Quanquam inter vos sit hāc lis. Nos sane verbis omnino credimus, & si verborum sentētiam ex rei subiecta materia, non ex syllabarum contentioso aucupio petendam ducimus. Et vero si verba spectentur, tua illa companiononis fulra, Sub, In, Cum, ex templo corruent, & ne transubstantiatio quidem locum vbi consistat inueniet. Erit enim panis nobis in Christi servatoris locum sufficiendus. Non immerito igitur hāc nos vestigia terrent quo minus à perspicua Christi mente, ad vestra verborum portenta nos abduci patiamur.

A D X V I . A R G U M E N T U M S V M -
*prum ab ipsa Christi institutione, qui diuersa symbola
 ita distinxit, ut non possit rerum essentialis coniunctio statuiniſi vel confusis permixtum
 symbolis, vel ipsis rebus separatim diuulſis.*

Propositio ar-
gumenti.

N 16. argumento tantum non fatetur, nihil habere se quod respondeat, nisi quod fidei clypeo se tegit. Sed quæ tandem est hāc fides, extra Dei verbum varia rerum verborumq; portenta comminiscens? Christus aperte in cœna duo symbola ac sacramenta separatim instituit, alterum corporis, alterum sanguinis. Ex eo nos quam efficacissime concludimus mentem eius non fuisse, ut ea illic adesse realiter: Alioqui enim vel alterius institutionem futuram fuisse superuacaneam, ut quæ altero realiter cōtineretur: vel rerum ipsarum significatarum, nimirum, corporis & sanguinis Christi distractionem fuisse consecuturā. Hi tamen volunt, realiter corpus quidem esse in pane, sanguinem autem in vino. Si obijcimus rerum distractionem cōsequi, tum clamant totum Christum & corpore & sanguine non modo realiter in singulis sacramentis adesse præsentem: sed etiam in omnibus omnino locis ac denique creaturis. Hic rursus dum

dum in alium impingunt lapidem, quia nimis frustra sub duobus diuersis symbolis nobis daretur, quod sub alterutro plene perfecteque contineatur: frustra etiam Christus rerum nomina in symbolis distribuisset (qui sane scrupulus ipsos Transubstantiatores coegerit sacramentorum institutionem altera sui parte mutilare) Hi quia nesciunt quo sese cum sua fictitia corporis omnipræsentia vertant, iterum ex illo visitato latibulo veterem cantilenam occidunt. Non esse occulta Dei mysteria per rimanda: cum ipsis sibi occultum mysterium fabricarint: Nec enim alioqui occultum est Christi institutum, si realitate sublata, solā fidem adhibeas, quæ sola Dei vel abditissima arcana complectitur. Tamen ne manus dare videantur, respondent etiam, nullam distractionem corporis & sanguinis Christi consequi, ex hac panis & vini distinctione locali: quandoquidem corpus & sanguis adsint illocaliter, mysterijs nimis tegentes mysteria. Quod ut demus, nunquam tamen confusionem sacramentorum diuersorum & re & nomine effugient. Aiunt quidem non frustra Christum distribuisse: Fatemur. Sed quia non frustra ita instituit (Instituisse autem frustra necesse fuerit si in diuulsæ omnipræsentiae semel locus detur) ideo realitatis commentum humanum explodimus. Adiicit deinde noster Antagonista, esse sacramentalē actionem: Et id quidem fatemur: Atque adeo quia sacramentalis sit actio: Idcirco negamus omnino Christum voluisse, vt illa realitas introduceretur à sacramenti natura prorsus aliena. Postea cum uno verbo pronuntiauit, non otiose neque temere seorsim esse distributa, nodum autem nostri argumenti intactum reliquit, & tamen quasi re ex sententia confecta, etiam nos huius criminis, quo ipse teneatur, audet incusare: nimis superuacaneæ confusionis sacramentorum. Ait enim: Si fide tantum surgatur corpus Christi, non etiam re ipsa, frustra fore institutam sacramentorum distinctionem. In quo vix me teneo, quin existimem, hæc eum mala fide conscripsisse. Nec enim ignorat ad hanc obiectionem nos minime obmutescere. Tamen si obmutesceremus, nihil haberet quod posset improperare, si eam respōdēdī rationē, quam ipse remuit sequeremur. Nimis satis esse, quod ita Christus institerit: Cur id fecerit, Deo curaz esse debere. Ita enim ipse tueretur. Nos vero longe aliter.

Aduersarij effugium.

Alterum effugium contra eos ualeat.

Antagonistæ altus.

S Y N T A G M A

Fides res coniunctissimas distinguit non separat.

Nam corporis Christi vis, vnio, gratia, nutritio ac viuificatione à sanguinis ablutione purgatione, sanctificationeq; fide qui dem facile, realiter autem distingui nullo modo potest. Quemadmodum enim Christus in crucem corpus suum affigi voluit & in carne sua inimicitiam abolere : sanguinis vero effusione à peccatis nos abluere: Ita hæc distincte fides amplectitur: nimirum, vere quidem vitam nobis eius corpore, sanguine redemptionem partam: vereq; corpore eius famam spiritualem, sanguine sitim extingui: Quæ tamen re ipsa separari nullo modo possunt. Cum itaque fide distinguantur, quæ sunt inseparabiliter coniuncta re ipsa: efficitur profecto, realitatis imaginatione sublata, omnem cum distractionem tum confusione tolli. Ni si forte quia in baptismo sanguinis ablutionem nihil secius fides amplectitur quam in calicis mysterio: Ideo vel ille sanguis ab hoc re separabitur: vel utriusque sacramentum confundetur. Sane eadem iustitia gratuita fuit quondam fide obsignata in circumcisione quæ nunc proponitur in baptismo, nec tamen illa vel re diuersa est ab hac nec signis confusa.

Ab aduersarij confessione.

Quid quod ipse aduersarius fatei cogitur, in 6. Ioannis capite proponi corpus quidem Christi in escam, sanguinem in potum: Ea tamen quia fides & simul amplectitur & scite nouit distinguere: nemo dixerit re ipsa vel realitate separari. Quod cum videret noster Antagonista, demiror equidem, cur tum illi non venerit in mentem eius quam hic nobis impingit calumnia: nimirum si concederimus, sola fide distinctim carnem manducari & potari sanguinem, superfluâ fore Tautologiâ, quia tamen de sanguine Christi recte dici possit eum esse corpus & cœtra. Nōdum erat scilicet in eas redactus angustias, vt quod ipse sibi videret merito iri obiectum, id falsa calumnia putaret anteuerendum. Sed non videt se tanquam soricem suo præhendi indicio: Omnino enim constat, quæcumque fidei distinctim amplexanda proponuntur (quod ipse fatetur cap. Ioannis 6. fieri in corpore & sanguine Christi) ea neq; à rerum connexione indiuidua distrahi, neq; in diuersis sacramentis superuacanee propone.

ni. Realis autem distinctionis longe aliam esse rationem. Quippe quae realitate, coniunctionis vel praesentiae distinguantur, omnino nequeunt inter se coniunctionem realem retinere: vel si rerinent, absurdum est in diuersis sacramentis & reipla distinctione separatim illa exhiberi.

Frustra atque putat se uno verbo posse concomitantiam effugere: Sanguis enim cum corpore ita realiter est coniunctus, ut unus reali praesentia posita non possit sine magno scelere, alterius realitas amoueri: Nisi forte Christi corpus exangue fangi posse existimamus. Deinde quam est absurdum concomitantiam sanguinis à corpore exterminare: spiritus autem atque adeo totius diuinitatis concomitantiam non dubitare admittere. Nec enim cum Christus de pane inquit, Hoc est corpus meum, uillam vel spiritus vel diuinitatis mentionem iniicit, nō magis profecto quam sanguinis. Atqui tamen hic tantus concomitantiae osor, nihil cunctatur, in hanc realem corporis societatem, totam etiam diuinitatis naturam, arque adeo ipsas diuinæ essentiæ proprietates (immensitatem, inquam, & ubiquitatem) aduocare: sanguinis autem concomitantiam, sine quo corpus ne vitam quidem animali obtineat, aspernari. Quid ita? Viderit nimirum sine Deitatis praesentia ubiquitatem suam stare non posse: At vero sanguinis concomitantia sentit se in angustias coniisci. Itaque pro sua autoritate id sibi concedit licentia: Quam etiam armat miraculo.

Concomitantiam non posse reiici ab adiutori realitate.

A maiore ad minus.

Prætextus miraculorum extra verbum Dei inanis.

Clamat enim rem esse stupendam & miraculi plenam; quod Christi corpus sanguini annexum indiuide: potest tamen sine sanguine realiter & adesse & pani coniunctum exhiberi, ut nulla consequatur distractio. Nec id modo: verum etiam si à sex centis uno eodemque tempore idem corpus realiter sumatur, & quidem ore corporeo, nullam tamen corporis divisionem effici. Sed facit versuram, & quod aiunt, ex Charybdi se in Scyllam proiicit: Ut enim unicam absurditatem realis, quam ipse sibi extra verbum Dei imaginatus est, praesentiae tueatur: cogitur & sexcentas alias prætextu miraculi fabricare. Sed nihil est, quam obrem falso hoc miraculorum splendor, oculos nobis perstringi posse speraret. Scimus enim hanc miraculorum fabricam non ex institutione Christi (quæ recte intellecta nihil tale secum tra-

S Y N T A G M A

hit) sed ex consubstantiationis officina proficiisci. Quæ profecto non potest (omnino quemadmodum nec transubstantatio) consistere, nisi tot miraculis quasi basibus suffulta retineatur.

A D X V I I . A R G V M E N T V M S V M=
ptum à manducatione indignorum qui viuifici spiritus
participes esse nequeunt. At qui cum carnis Christi man-
ducatio à viuificatione non separetur, sequitur ne
manducationem quidem illis posse tria
bui. Hinc excluditur rea-
litas.

IN 17. argumento diluendo magnopere desudat, nec quicquam tamen proficit. Nos enim statuimus hanc Christi sententiam esse planam, perspicuam, perpetuam atque indubitatom, quod quisquis ederit carnem eius & biberit eius sanguinem, vitam in se habeat, & in Christo inseparabiliter coniunctus maneat. At qui cum panem sacramentalem edant impij, calicemq; bibant: neque tamen vel vitam consequantur, vel in Christo maneat, ex eo effici, ne carnem quidem Christi eos edere, neque bibere sanguinem: sed nuda tantum & carnis & sanguinis sacramenta.

Eodem plane argumento vtitur Augustinus: definitq; impios tantum Sacramentotenus carnem Christi edere: Alibi ait, Sacra menta in solis electis efficere quod figurant. Et in hęc ipsa verba, Qui manduauerit carnem meam, &c. ita scribit, Nempe virtutem sacramenti, non tantum visibile sacramentum, & quidem intus non foris, qui corde comedit, nō qui premit dente, &cæt. Et hinc concludit, huius rei sacramentum quibusdam proponi in vitam, quibusdam in mortem: Rem vero ipsam, cuius est sacramētūm, omnibus ad vitam, nulli ad exitium quicunq; eius fuerit particeps. Et paulo post. Ac per hoc, qui non manet in Christo, & in quo non manet Christus, procul dubio nec manducat spiritualiter carnem eius, nec bibit sanguinem: licet carnaliter & visibiliter premat dentibus signum corporis & sanguinis. Idem doct̄ Homil. in Ioan. 59. & 62. libro de ciuitate Dei vigesimo primo, capite decimo quinto, contra Faustum

Sum lib. decimo tertio cap. decimo sexto & alijs locis infinitis.

Aduersarij effugium.

Hic quia se irretum sentit, opponit alia verba Pauli, quibus se simpliciter niti prohetetur, nimirum, vbi dicit, *Qui panem indigne sumperferit, iudicium sibi manducare.* Ex quo non video equidem quid possit inferri, nisi panē sumi ab indignis quod sane libenter damus: *Quod autem corpus domini, realiter sumant: Id neque Paulo in mentem venit, neque nos vix quam concesserimus: Est enim merum humani cerebri figmentum, manifestis Christi verbis reclamans:* Atqui Antagonista ex Pauli verbis id necessario infert, nimirum quia Paulus dicat, *Qui panem illum ederit indigne reum fieri corporis & anguinis Domini.* Asseuerat autem tam atroci criminis obnoxium esse non posse, qui solum panem sacramentalem indigne sumperferit. Atqui Paulus certe huius tantummodo panis mentionem facit. Eius mandationem tam esse vult factos antiam, ut qui ad eam accesserit indigne, is corpori ac sanguini Christi fiat obnoxius. Cur igitur ab hac criminis atrocitate, homo mortali liberet eum, quem spiritus Sancti oraculum ad eam manifeste obstrinxerit? Sed longe fallitur noster Antagonista, qui manifestum Dei contemptum, corpus filij sui ad vitam & salutem exhibentis, quasi parvū errati loco ducit. Deinde quod existimat crimen versari in ipsa sumptione ex eoque efficit, Si non sumant impij corpus, ne peccare quidem in corpus: in eo vero pueriliter incepit: peccatum enim in indignitate versatur: ea ex infidelitate oritur, quae contemptum parit: nimirum, quod Christi corpus pro se oblatum in cruce, aspernetur: *Quod sane nemus neget nefarium esse scelus.*

Atque hoc illud est, quod Paulus notat, inquiens, eos non Pauli verbis
discernere id est, discerneret aut eximium ducere corpus Domini. consideratio, *Examineat id est, discerneret aut eximium ducere corpus Domini.* Quoties vult significare estimationem ac premium alicuius rei, quam præ cæteris eximiā ducimus. Quemadmodum 1. Cor. 4. ferociter se se efferentem ita compellat nō sp̄ or. diabolica, id est, quis te discernit? quasi dicat, quis est ille tandem, qui te præ cæteris eximim̄ reddit? ut manifestū sit hoc loco, nō discernere cor̄ is domini, nihil aliud significare quā illud vivificum ac salutare Domini corpus, in sacratissimo symbolo oblatū quasi rē aliquā vilē aspernari. Quod si ita est

S Y N T A G M A

ut certe ex Pauli verbis liquet, iam fractum est telum aduersarij qui hoc modo ratiocinatur: Paulus inquit eos non discernere corpus: Ergo sumunt corpus realiter præsens: Siquidem absens corpus facile posset à pane discerni. Quo quid magis absurdū

Aduersarij argumentum esse absurdum. dici potest? An existimat eos tantum indigne sumere, qui reas lem corporis Christi præsentiam nequeant à pane discernere?

Sane si ita se res habet, omnes consubstantiatores hoc crimine teneantur necesse est. Illi enim neq; volunt neque omnino posse se aiunt ea discernere quæ vniōne prorsus reali inter se coniuncta esse sibi persuadent. Sed satis constat hoc vocabulum discernendi id significare quod ante diximus, nec referri ad corporis & panis discriminem, sed notare aestimationem ac reuerentiam. Quod si negat corpus Domini quenquam posse contemnere atque irreuertere reijcere nisi qui ipsum illud realiter præsens, realiter sumpserit, audiat Apostolum ad Hebræos longe

Ab autoritate Apostoli ad Hebreos. aliter decernentem Is enim testatur, qui semel accepta cognitione veritatis in Apostasiā voluntariam per Euangelij contemptum delabantur, proculcare, filium Dei & sanguinem fœderis profanum aestimare. Imo vero alibi docet filium Dei ab illis de uno crucifigi & ludibrio exponi. Sane nemo non videt longe grauius esse proculcare, crucifigere, & ludibrio exponere quam non dijudicare. Quid vero an idcirco concludet hic bonus dialecticus, Christum illic realiter adesse præsentem qui se crucifigi ac pedibus proteri patiatur? An etiam Christum illos apostatas sumpsisse realiter in doctrina Euangelij? nimurum, quia vel non sit tam graue scelus filium Dei per fidem tantum oblatum, reijci, atque eundem realiter præsentem proteri? Aut quia nemo vel proculcare, vel crucifigere queat, quod non sit realiter præsens? Quis non videt hæc esse absurdissima? Atqui si eius ratiocinandi formam sequi volumus, omnino ita erit concludendum. Ipse enim ita ratiocinatur. Impij vel non discernunt corpus Domini: vel sunt rei corporis Domini: Ergo ipsum illud corpus realiter & ore corporeo manducarunt. Quasi vero non sit reus fœderis Domini, qui sabbatum, nudum fœderis sanguinem violarat. Quasi non sit reus sanguinis Christi, qui eius ablutionem vel baptismo expressam vel Euangelij doctrina oblatam, profanam duxerit. Nisi forte, qui diploma regium aut sceptrum vel confregerit, vel in cloacam abiecerit: Is læsæ maiestatis regiæ reus habebitur: Qui autem diploma & symbolū

Dominici

Quid sit reum esse corporis vel alterius rei.

Dominici corporis, in impuri cordis cloacam immiserit: Is à legi
fæ maiestatis diuinæ & corporis violati crimine absolvitur?

Quod adducit Augustinum atq; Chrysostomum , nihil agit. Illi enim, fatemur, s̄epe dicunt, impios carnem Christi man-
ducare (& nos id ipsum minime diffitemur) sed vbi ad expli-
cationem ventum est, addunt Sacramentotenus id debere intel-
ligi : Qua voce ipsa realitas excluditur. Ipse Apostolus fatetur
filium Dei sanguinemq; eius ab Apostatis proculq; nemo ta-
men ita est væcors, qui existimet id realiter ab illis fieri. Et sane
filius Dei ait, pios ac fideles qui statuentur ad dexteram , lanisse
sibi pedes, seq; inuisisse dum ægrotaret, dum esuriret, pauisse,
ac iecirco consequetur in eius id persona factum realiter? Mini-
me vero. Ipse enim sese explicat, inquiens. Quicquid in mini-
mum horum cōtulisti beneficij, id ego mihi expensum refero.

Idem sane de sacramentis statuendum est: Idem de doctrina
Euangelij atque adeo de illis ipsis, qui eam proponunt. Hos qui
spernit, ipsum eorum autorem ac dominum spernit. Ita qui cor-
poris sacramentum ac symbolum indigne sumit: Is profecto
corpus ipsum afficit insigni contumelia : Ideoq; eleganter dici-
tur corpus ipsum sumptissime indigne. Nam alioqui etiam salu-
tem impios adeptos esse dicendum erit. Laudat enim hic no-
ster Antagonista verba Augustini , quibus doceat, non modo
corpus impios sumere sed salutem ipsam. Quod si realiter acci-
pitur, omnes impij salvi fiant necesse est: Sin minus, ne corpus
quidem eos reuera sumptissime intelligi potest.

Sed ex contrariorum ratione id eluescat : Contrariorum
enim eandem esse doctrinam liquet. Sumptioni autem corpo-
ris contrarium est, sumptum corpus reijcere. Quod si igitur ore
corporeo realiter sumitur, & eodem ore corporeo reiciatur
necessæ est. Atqui nemo est vsq; adeo amens qui existimet Chri-
sti corpus ore posse reijci : Ne ore quidem igitur sumi mani-
festum est. Quemadmodum enim quod per fidem sumitur, id
nisi per infidelitatem reijci nō potest, & quod spiritu animoq;
accipitur, nisi spiritu non potest abiijci: Ita quod ore sumitur,
non potest nisi ore ipso reijci: nisi forte fingamus & stomacho
& intestinis etiam sumi, quod negant aduersarij. **Quamobrem**
Christi corpus ore sumi non posse, luce est clarius.

A contraria.

Nostrī argumenti confirmatio.

M

S Y N T A G M A

In eo porro argūmento diluendo quo ostendimus carnem Christi cum spiritu viuifico indiuīduo nexu ita esse copulatam, ut alterum disiungi ab altero nequeat, etiam pueriliter halucinatur. Nos enim cum spiritum viuificum nominamus, omnino non intelligimus alium quempiam spiritum quam eum qui omnia etiam inanimata sustentat aq; vegetet. Scimus enim unum esse, & eundē spiritum qui adoptionē in cordibus fidelium obsignat atque cum qui super aquas in mundi creatione ferebatur. Tamen quia varia sunt ac diuersa eius dona, nos hoc nomine spiritus viuifici, non illam sustentationem, sed ipsum viuificationis salutisq; donum à cæteris eius virtutibus distinguimus. Ita cum spiritum viuificum dicimus, non tam spiritum ipsum quam spiritus viuificationis donum intelligimus. Quemadmodum videmus in scripturis distingui spiritum consilij à spiritu prophetiæ, & hunc à spiritu regenerationis atq; adoptionis, non quidem essentia, sed virtute aque efficiacia. Nam cum sit certissimum viuificum spiritum, id est, ipsam viuificationis gratiam à Christi carne nō posse auelli, quemadmodum in 6. cap. Ioan. abunde testatum Christus ipse reliquit: constet autem impios huius spiritus, id est, huius doni nō fieri participes: necessario efficitur, ne carnis quidem Christi realiter participes fieri.

Quod hic argutatur habere quidem impios spiritum viuificationis eris non ad viuificationē, insipidum est sophisma: Idem enim valet ac si dicas. Impios quia spiritum prophetiæ acceperunt, etiam habere spiritum regenerationis (quia idem sit spiritus) sed non ad regenerationem: Aut quia eadem spiritus essentia omnia animalia vegetet, quæ adoptionem in fidelium cordibus obsignat: Ideo brutas etiā pecudes habere spiritum adoptionis, sed non ad obsignandā adoptionem. Hæc sane inutilia (ne quid grauius dicam) esse sophismata, nemo non viderit. Quæcumq; igitur adfert de spiritu Saulis atq; impiorum: Quæ item producit, de iudicandi potestate Christo non minus data quam sit data vis viuificandi, sunt plane à ~~proprio~~ ostendendum enim erat impios spiritus viuificationis, id est, gratiæ viuificæ ex carne Christi fieri participes: Quod quia non facit, frustra operam ludit

A fine mandu-
cationis.

Deinde erat porro declarandum, iudicandi potestatem, quam Christus acceperit coniunctam esse cum carnis manducaione

atq;

atq; in ea præcipue exerceri: quemadmodū Christus docet viuificationē & spirituale nutritionē cum illa manducatione cohærere: Sed nunquā id ostendet. Certū est enim Christum nō ideo dare carnem suam manducandam vt mundum iudicer (alicui nemo in iudicium venturus sit, nisi huius manducationis particeps) ed vt carnis suæ virtutē viuificant ad membra totius corporis, nimirum ad fideles affatim deriuet, eosq; in coniunctionē inseparabilem secum non minus arcte vniat, quam panis ac cibis vniatur cū corpore. Id si non facit, nulla potest, ne intelligi quidē manducatio: Quippe cum realem eius corporis manducationem, nutritio atq; viuificantio necessario atq; perpetuo consequatur. Cumi igitur hæc effecta in impijs locum minime inueniant: ne manducatio quidem illis tribui potest.

A consequentiā
bus manduca-
tionem.

Quia autem non manducant: ideo iudiciū sibi accersunt & omni vita ac viuificatione vacui in certū mortis discrimen præcipites ruunt. Atq; hoc est illud quod ipsa veritas asseuerat. Qui non manducauerint carnem filij hominis nec biberint eius sanguinem, iij vītam habere nequeunt. Quod igitur impij viuificatione carent, Id eo accedit, quia vitæ autorem non manducant, neq; cum eo vniuntur. Atq; hæc ipsa est ratio, cur qui in manducatione vitæ autorem se se offert: Idem si manducatio rejicitur, iudex mortis constituitur, nimirū quia vita illis oblata, fuerit per infidelitatem reiecta. Errat itaq; Antagonista, qui existimat, in ipsa carnis manducatione Christum proponi vt iudicem: Nam alioqui ipsam veritatem mentitam esse necesse fuerit, quæ sine viuificatione & salute corporis sui manducationē statui posse negat. Et sane si dixeris impios manducare carnem viuificantem Christi, & eosdem tamen negaris viuificationis fieri participes: tantundem id certe fuerit quam si dixeris vere illos manducare carnem Christi, & tamen eandem vere manducare negaueris. Quod secum manifeste pugnat. Frustra itaq; noster aduersarius ante victoriam sibi encomium canit.

A causa mortis
auctiū iudicij.

Discrimen indignorum ab aduersariis introductum eorum realitatem euerit.

Laqueos conscientiarū quos grauiter infectatur, ex indignorum discrimine ipse sibi necit: Nec enim nos in voce indignorum villas sectamur argutias. Simpliciter enim dicimus: Quicunq; vera fide Christo non vniuntur: omnino non eius carnē, sed carnis

A repugnantiā
verborum,

S Y N T A G M A

tantum sacramentum edere. Itaq; pugnat cum sua umbra in hoc arguento, vel potius cum sua doctrina: quæ non patitur, vt si prorsus impius atq; infidelis, vel omnino si canis, mus, aut aliud quodvis animal brutum panem sacramenti sumpserit, ipsum Christi corpus (quod tamen volunt esse cum pane realiter coniunctum) vere sumpsisse dicatur. Ex quo apparet st. i. tui ab illis discrimen inter indignorum ordines, quo posito ipsa realitas euertitur. Adde quod docent hunc pane in extra usum sacramenti non amplius esse cum Christi corpore coniunctum (alioqui enim circumgestationem adorationemq; iterum deberent reuocare) ex quo primum quidem ubiquitatis commentum: deinde illud etiam illorum de manducatione impiorum dogma euertitur. Etenim si ita est, iam Christi corpus non est cum illo pane coniunctum per suam omnipresentiam: Alioqui enim dissoluta coniunctione extra usum sacramenti, etiam omnipresens tolleretur.

Deinde etiam profecto non possunt impij eius corpori omnino communicare, quando ad usum sacramenti non attendunt: sed tantum vel vt hominibus sua hypocrisi satis faciant: vel certe vt Christi institutionem ludibrio exponant. Que sane non magis censeri debent in usu sacramenti, quam si canis ventris pascendi causa eodem illo pane vesceretur. Cum igitur sacramenti usus (extra quem non consistere coniunctionem fatetur) in impijs intelligi non possit: ne coniunctio quidem realis illa intelligetur. Ita hoc realitatis commentum, non modo sub nostrorum argumentorum pondere: sed etiam sub corum doctrinæ repugnantia fatiscat necesse est.

*Ad cætera argumenta sumpta ab Autoritate patrum
& veteris Ecclesie.*

Cætera quæ sequuntur argumenta à patrum autoritate petitæ sunt, de qua breuiter aliquid dicendum est. Ac primum quidem fatemur patres infinitis locis panem sacramenti carnem ipsam Christi veram appellare. Ideoq; ait Iustinus nos eductos esse, hunc cibum per precationis verbum, quod à Christo prolatum est, benedictum illius Iesu Christi, qui homo factus est, carnem & sanguinem factum esse.

Eodem pertinent Ambrosij ac propemodum reliquorum omnium verba ab aduersario ad hanc causam producta. Sed quæso

quæso te bone lector, animaduerte proprius an hæc patrum dicta villo omnino modo ad consubstantiationis doctrinam possint pertinere? Ego sane si verba sine tropo sacramentali intelligantur, nihil ex ijs possim colligere, nisi vel panem in sacramento in corporis substantiam conuersti, vel si nulla fiat conuersio, ipsum panem esse verum Christi corpus. Horum vtrumque pernegrant aduersarij, & adhuc tamen clamant patrum verba a se facere. Producunt multa testimonia tum ex Cyrillo cum ex Hilario, quibus declaretur hoc sacramento, nos reuicta communicare non modo charitati, sed etiam carni Christi. Quod nostrum nemo vñquam negavit. At vel vnum aliquid, quod ostendant, ipsum panem cum corpore realiter cōiungi, non possunt producere: cum tamen in hoc vno omnis versetur nostra dissensio. Ex quo apparet primum quidem, verba patrum nihil ad consubstantiationem pertinere: Deinde vero non esse illa ex apicibus syllabarum sed ex ipsa patrum explicatione interpretanda.

Verba Cyrilli non posse trahi ad companionem.

In primis pugnant Cyrilli verbis, quibus ait, nos cum Christo non modo spiritualiter iungi sed etiam secundum carnem. Et cum in nobis fiat virtus mysticæ benedictionis corporaliter quoq; efficiere communicationem carnis Christi, Christum in nobis habitare, &c. Sed non vident primum quidem nullam hic fieri habitationis Christi corporalis in pane: quæ vna vocatur in controuersiam, sed tantum habitationis Christi in fidelibus de qua nemo est qui ambigat. Deinde vero docere eum hanc vñionem corporalem in nobis fieri, non quidem eius corporis mandatione sed virtute mysticæ benedictionis.

Tum etiam non obseruant, Cyrillum omnino illic agere de perpetua fidelium cum Christo coniunctione, quæ sacramentis non sumptis, tamen intelligi in illis debet: Quemadmodum quoq; testatur Augustinus inquietus, Nulli aliquatenus dubitandum est, vnumquenq; fidelium corporis & sanguinis domini tunc esse partipem, quando in baptismate membrum efficitur Christi: nec alienari ab illius panis calicisque confortio etiam si antequam panem illum edat calicemq; bibat, de hoc seculo migrauerit in vnicate corporis Christi constitutus: Sacramenti quippe illius participatione ac beneficio non priuabili-

Difinit. 2. de
consec. c. Quia
paulus.

III.

II.

N

S Y N T A G M A

tur, quando in ipso hoc quod illud sacramentum significat inuenitur. Hactenus Augustinus agens de perpetua fidelium cum corpore Christi coniunctione quæ sacramento cœnæ significa tur atq; ob oculos ponitur. Agere autem de eadem Cyrillum ipsem et eodem loco declarat confirmans suam sententiam illis verbis : Ego sum vitis, vos vero Palmites : Non potestis vnum sine me fructum facere. Item ea Pauli sententia, Nos vnum esse cum Christo corpus & eius esse membra: Ac item ex 6. Ioannis capite : Quibus omnibus locis vel aduersariorum confessione euincimus agi de spirituali Christi cum fidelibus coniunctione

III. Postremo quod etiam plurimum contra illos facit, non animaduertunt Cyrillum loco ab illis allegato statuere hanc corporalem coniunctionem in solis fidelibus. Ex quo apparet, nunquam agnouisse illum vllam corporis Christi cum pane realem coniunctionem communicationemque, que vel impijs ipsius corpus Christi manducandum traderet. Itaq; frustra profecto hæc testimonia cōgerunt, quibus quasi suo gladio iugulantur.

*Sacmenta constare duabus rebus quomodo
accipi debant?*

Pugnat præterea noster Antagonista ea Cyrilli ac cæterorum doctrina, qua tradunt in sacramento Eucharistiae duas esse res cœlestem & terrestrem : Hoc ait nulla ratione eludi posse: quia alioqui eorum argumentum contra Apollinarem & Eutychen concidere esset necesse. Sed nemo hoc illi non dabit, si sacramentum non pro nudo symbolo accipit, sed pro tota actione, quæ rei sacramento significata coniuncta est, nimirum viuificationi vel nutritioni corporis Christi : ex qua admirabilis fidelium cum Christi carne vnio proficiscitur. Profecto enim & baptismus duabus rebus constat, cœlesti nimirum ablutione sanguinis Christi & regeneratione spirituali ac terrestri, nempe elemento aquæ : Hinc est quod Paulus ait in baptismo nos induere Christum: Et Augustinus loco iam allegato docet nos in baptismo corporis & sanguinis Christi fieri participes. Ipsa circumcisio annon duabus rebus constat: iustitia nimiri gratuïta & ipso iustitiae sigillo? Sane si sacramentum est signum visibile doni vel gratiæ inuisibilis, omnia omnino sacramenta duabus constent rebus necesse est. Hallucinatur itaque noster Antagonista in nomine sacramenti atque Eucharistiae dum eo existimat

Rom. 6.
Galat. 6.

mat notari symbolum ab ipsa re signata atq; gratia inuisibili-
auilum : vel certe symbolum cum corpore quidem coniunctum, sed tamen aliam gratiam adhuc notans. Ita enim necesse
foret totum sacramentum non duabus tantum, sed tribus con-
stare rebus: Ac præterea consequeretur, Christi corpus sine vi-
uificatione symbolum esse & sacramentum eiusdem corporis
cum viuificatione, quod est absurdissimum. Itaque ex hoc pa-
trum dicto efficitur non ipsum quidem panis nudum symbo-
lum, cum Christi corpore realiter coniungi, eamq; coniunctionem
efficere sacramentum (ea enim ratione sacramentum de-
beret etiam extra usum sacramenti cum corpore coniunctum
remanere) sed omnino in tota illa actione Eucharistiae, quæ
sacramentum cœnæ dicitur, reuera exhiberi non nudum sym-
bolum , sed carnem Christi seu rem ipsam symbolo significa-
tam : quæ non quidem cum symbolo , sed cum ipsis fidelibus
inseparabiliter vniatur; & quidem usque èo ut illi vere sint os
ex ossibus Christi & caro ex carne eius, ut vere Christus in eo-
rum cordibus viuat atque inhabitet: & denique ut sint omnino
vnum cum Christo , quemadmodum Christus & pater vnum
sunt. Ex qua arctissima atque omnino admirabili copulatio-
ne (quæ tamen non sit nisi per fidem virtute spiritus sancti) pa-
tres suum ducunt argumentum, ut nimis Christi cum patre
coniunctionem demonstrent esse substantiam, quemadmo-
dum Christi caro substantia eadem fuit cum nostra carne: ita
ut vere fuerit caro nostra per quam virtute spiritus sancti ar-
ctissime cum fidelibus per fidem copuletur: non autem ut ostendant
(quod hic noster Antagonista somniat) eam esse Christi
cum patre coniunctionem quæ sit pani cum corpore Christi
(quando vel ipsis aduersarij fateri coguntur eam coniunctionem
non fieri nisi causa fidelium , atque in infidelibus quan-
cunque tandem sit copulatio, debere dissolui.) Id ita se habere
facile animaduertent quicunque patrum verba atque senten-
cias accurate pensarint: Adeo ut frustra noster aduersarius ex
illis suam realem Christi corporis cum pane coniunctionem
stabilire moliatur.

*Cur patres minus aperte contra compa-
nem locuti sint.*

Quod vero ait in patribus nunquam reperi, negatiuam,

S Y N T A G M A

quæ huic negotio seruiat, ipsa testimonia patrum, quæ inferius à nobis producentur, falsum esse conuincent. Sed tamen quamvis demus ita esse : habemus tamen quod ilii suis etiam verbis respondeamus: nimirum quia nullos habebant aduersarios: nō erat necesse in eo negando insistere, quod nemini vñquam venisset in mentem (tunc enim rationem ipse prætexit cur minus disertis verbis patres realē coniunctionem expreſſerint) panem quidem esse corpus fatebanur omnes : nimirum quia sic erat Christus locutus: sed cum panis substantia corporis esse substantiam coniunctam, nemo diuinabat. Attendebant enim omnes non ad panis sed ad fidelium cum Christo, quæ pane illo notabatur, arctissimam vñionem.

Cur patres sacramenta rerum nominibus insigniant.

Quod autem panem ipsum toties carnem nominant & calicem sanguinem, non est mirum: versantur in amplificanda sacramenti dignitate, ut populum eiusmodi loquendi formis ad rei dignitatē, oculis fidei inspectanda incitent: Quem alioqui (si consubstantiationis habuissent rationem) potius à rerum cœlestium consideratione his loquendi formis abduxissent. Atq; idem profecto ab illis in baptismi commendatione factum videmus. Etsi huiusmodi hyperbolis nullam neq; transubstantiationem neq; consubstantiationem rerum cum symbolis denotarunt: sed tantum (vt sāpe iam dictum est) arctissimam rerum significatarum cum fidelibus copulationem. Quemadmodum nobis ipsis persæpe vsu venit, vt quo hæc coniunctio significantius declaretur, ipsis symbolis rerum nomina tribuamus: nequis existimet inanem esse & iocularem actionem: Vbi vero ad explicationem veniendum est, tum profecto omnes crassas illas imaginationes, quæ symbolis aliquam dignitatem miraculosam tribuunt, tum aspernamur & figurate nos oculos esse aperte declaramus.

Patrum sententias non ex verbis sed ex sui ipsorum explicatione aestimandas.

Idem à patribus sedulo factiratum est: Nam ne quis ex illis hyperbolicis loquendi formis, in symbolis mentem desigeret, aperte testati sunt, figurare eas esse intelligendas. Ita Tertullianus lib. 4. contra Marcionem, inquit, Acceptū panem & distributum

butū discipulis corpus suū illum fecit (Hactenus videmus sym
bolo tribui nomen corporis, vnde tamē transubstantiatio po-
tius quā substantiatio consequi videretur, ni sese ipse explicaret
subiūcīes) Hoc est corpus meū dicēdo id est figura corporis mei:
figura autem nō esset, nisi esset veritatis corpus, &c. Quo sane
nihil possit vel apertius vel ad rem accommodatius dici. Quæ-
ritur enim quomodo sint illa Christi verba intelligenda? Ter-
tullianus ea explicat, quasi Christus notarit, panem esse figurā
sui corporis.

Quod prope ijsdem verbis usurpauit Augustinus contra *Augustinus.*
Adimantum Manichæum li. 1. cap. 12. Non dubitauit Dominus
dicere, Hoc est corpus meum, cum daret signum sui corporis.
Sane hic nullus relinquitur locus tergiuersationi. Id enim est in
controversia, quo sensu Christus appellarit panem suum cor-
pus: Augustinus respondet signum corporis debere intelligi,
Christum designasse.

Idem docetur à Cypriano, qui hanc adfert rationem, eo *Cyprianus.*
quod significantia & significata ijsdem censeantur nominibus.

Id ipsum à Theodoreto manifestissime tradi & exemplis *Theodoreto.*
confirmari, iam supra demonstratum est.

Hesychius lib. 6. cap. 22. dicit verba à Christo addita debere *Hesychius.*
nos in rectam eius mentis intelligentiam, quasi manu ducere,
ne quid vel carnale vel terrenum proponamus, sed de his rebus
sacratis simis diuine ac spiritualiter iudicemus.

Verum id ab Athanasio & sanctissimo & vetustissimo scri-
ptore multo explicatur disertius qui ad illa verba: Qui dixerit
verbum contra filium hominis &c. manifeste tradit, carnem
Christi vix paucis hominibus ad escam suffecturam, nedum ut
mundum uniuersum pasceret. Ideoque ait Christum ascensio-
nis in cœlum inieccisse mentionem, vt nos à corporali intellectu
abstraheret, doceretq; velle sese sua carne, de qua erat locutus,
nos cœlitus pascere ac superne, & id quidem spiritualiter. Hoc
enim quod loquitur (inquit) Verba quæ locutus sum vobis, spi-
ritus & vita sunt, tantundem valet, ac si dixisset, Hoc meum cor-
pus quod cernitis & quod pro mundo tradetur, id in cibum
vobis dabitur, vt spiritualiter à vobis manducetur, & vestrum
vnumquenque in resurrectionem ad vitam æternam cōseruet.

Ipsum Concilium Nicenum iubet nos in mensa Domini
non inhærere symbolis sed sublata in altum mente per fidem *Concilium Nicenum.*

S Y N T A G M A

recolere, verum illum Dei agnum, qui peccata mundi tollit proponi: In quo nos vere eius sanguinis ac corporis participes sumus, credereque haec esse nostræ resurrectionis symbola.

Quod igitur Antagonista dicit, figuræ, typi, symbolique nomine realitatem non tolli, puerilis est cauillatio. Nec enim in questione est, quid hic sit præsens quid absens, sed quomodo verba Christi debeat intelligi? Ea patres verutissimi per figuram interpretantur. Chrysostomus. in Pial. 22. etiā ait, hanc mensam nobis à Christo paratam ut nobis panem ac vinum in mysterium proponeret ad similitudinem corporis & sanguinis eius.

Chrysostomus.

Procopius.

Procopius imaginem, effigiem vel typum nominat corporis ac sanguinis.

Nihil igitur nobis obstatere potest, etiam si millies panem vocent carnem & millies dicant corpus tractari manibus & dentem frangi: quādō ipsi sui sunt cōmodissimi interpres, quod nō dubitent Christi exēplo, imaginē, typum, symbolum, figurā, sacramentum deniq; corporis, ipsius corporis nomine appellari.

Clementis Ale-
xandrinus.

Quid quod Clementem Alexandrinum grauiissimum sane scriptorem cogitur aduersarius nobis relinquere? Cuius auctoritatem ut eleuet, dicit eius libros esse in Apocrypha rejectos. Quod si ita est, certissimum sane est indicium fuisse summa auctoritate. Nulli enim inter Apocryphos rejecti fuere nisi de quibus esset periculum ne inter canonicos reciperentur.

Origenes.

Origenem etiam à nobis stare concedit: Annon hinc est facile iudicare, quæ statim post Apostolorū tempora fuerit hac de re veterioris Ecclesiæ sententia? Cum hi duo summi viri hanc doctrinam non quasi nouam aut inauditam, sed quasi cōmuni Ecclesiæ consensu approbatam proposuerint? Verum ait Origenem multorū fuisse errorum damnatū. Fateor. Sed quia eius errores fuere diligentissime & notati & exagitati: neq; tamen inquam hęc doctrina in errorum numero fuit habita: omnino statuere debemus, nullam hac in parte aliam sententiā in veteri Ecclesia fuisse agnitam.

A communi in Ecclesia opinione.

Quid quod Cypriani grata, quæ non multo etiam interuerso Apostolos est consecuta, ea fuit Ecclesiæ communis opinio, eodem modo populum aqua declarari, quo Christi sanguis vino significaretur: ut facile appareat, quę fuerit totius veteri status in re sacramentaria sententia: nisi forte existimamus fuisse tam

tam stupidos vt populi substantiam crēderent cum aquæ sub-
stantia realiter esse coniunctam.

Ambrosius vbi huius sacramenti mysterium explicat in 1.

Cor. ii. Annon aperte inquit: Cum agitur, vt hoc fiat in memo-
riam Christi & mortis eius, nos in edendo & potando carnem
& sanguinē Domini, quæ pro nobis oblata sunt significamus?

Chrysostomus (aut quicunq; est author) hom. in Matth. 83.
multis verbis docet Christum in coena voluisse discipulos ab o-
mni carnalis manducationis imaginatione abducere: Ideoque
ipsum ante omnes delibasse, ne tale quid veniret illis in mente
& omnino air, Christum iussisse vt id faceret in sui memoriam
quemadmodum ante Moses dixerat, Hoc erit vobis in sempiter-
num monumentum.

Eusebius Emissenus docet clarissime sacrum Dei corpus
& sanguinem fide esse respicienda, cordis manu suscipienda &
maxime totum haustu interioris hominis assumendum.

Cyrillus etiam prohibet manifeste mentes credentium ad cra-
fas cogitationes irreligiose intrudi, & humanis cogitationibus
subjici ea, quæ sola pura & exquisita fide capiuntur, &c. Quibus
verbis nulla poterat particula negativa efficacius oris mandu-
cationem excludere.

Macarius Aegyptius scriptor antiquissimus & magnæ au-
toritatis Anachoreta in hom. 27, ait nos offerre panem & vinū,
quæ sint antitypa vel exemplaria corporis & sanguinis: & qui
visibili pane vescatur, eū spiritualiter domini carnē māducare.

Basilius etiam in oratione de Paschate docet nos agni qui-
dem fieri participes sed figuraliter: eis nostræ figure veteribus
sint clariiores. Deinde vocat etiam antitypa corporis & sangu-
nis. Sed nimis longum esset omnes commemorare.

Quod autem hic noster Antagonista nobis Augustinū vult
eripere, non possum adduci vt credam id ab eo bona fide factū.
Nam ipse Philippus Melanchthon dum esset in eadem senten-
tia, non tamen ausus fuit diffiteri Augustinum à nobis facere.
Tantum respondebat, vnius Augustini autoritatem non tantū
debere esse vt opponeretur, manifestis Christi verbis, quemad-
modum in epistola ad Oecolampadiū scriptū reliquit. Et nos
iam ante multis locis vidimus, quid in genere de sacramētis sen-
tiret Augustinus. Id ipsum claris verbis repetit contra Maximī-
num Arrianorum episcopū his verbis. In sacramentis non quid

S Y N T A G M A

Gent, sed quid ostendant attenditur: Quoniam signa sunt rerum aliud existentia & aliud significantia. Idem in libro sententiariū Prospere. Cœlestis, inquit panis qui Christi caro est nominatur corpus Christi, cum reuera sit sacramentum corporis Christi: Vocaturque ipsa immolatio corporis quæ sacerdotis manibus fit, Christi passio, mors & crucifixio non rei veritate sed significante mysterio. Idem contra Faustum ait. Huius sacrificij caro & sanguis ante aduentum Christi per victimarum similitudinem promittebatur: In passione Christi per ipsam veritatem reddebarur: post ascensum per sacramentum memoriae celebatur. In lib. 3. de doct̄r. Christ. ait, Nisi per figuram Christi verba intelligantur quæ de eius corporis mandatione præcipiuntur flagitium iri præceptum, & tandem concludit: Figura est ergo præcipiens passioni domini esse communicandum & suauiter atq; utiliter recondendum in memoria, quod pro nobis caro eius crucifixa & vulnerata sit.

Eat nunc noſter Antagonista & iactet, nullam nos ex patribus sententiam negatiuam posse producere, quando aperte Augustinus asseuerat, sine tropo intellectum fore flagitium. Posterioribus deinde sæculis, quibus iam doctrina transubstantiationis ex hyperbolis patrum nata radices agere cœperat: fuere tamen permulti viri & doct̄i & p̄ij qui hanc doctrinam retinuerunt.

Gelasius certe contra Eutychen ita scribit: Imago & similitudo corporis ac sanguinis Christi in actione mysteriorum celebratur.

Bernardus.

Bernhardus, quem illa sua ætate, vnum Ecclesiæ columen non immerito appellaueris, et si multis locis sacramenti huius dignitatē ita extollit, ut cum transubstantiatoribus sentire possit existimari: Tamen ubi ad explicationem ventum est, ita loquitur, Sermone de cœna domini, Sacramētum dicitur sacram signum siue sanctum secretum. Multa enim sunt propter secessantum: alia vero propter alia designanda: & ipsa dicuntur & sunt signa. Ut enim de visualibus accipiamus exemplum, datur annulus absolute propter annulum, & nulla est significatio: & datur ad inuestituram dealiqua dignitate aut hæreditate. Ita ut iam dicere possit, qui accepit annulum, Annulus nō valet quicquam: sed hæreditas quam quærebam. In hunc itaq; modum appropians passioni Dominus, de gratia sua curauit inuestire nos, ut inuisibilis gratia signo aliquo visibili præstaretur: Ad hæc

hæc instituta sunt omnia sacramenta: ad hæc Eucharistiae participatio, &c. Quæ verba si cauillatione eludas, non video quid tam recte aperteq; dici posit, quod eiusmodi licentia non depravetur.

Sed quid opus est verbis? Res ipsa loquitur, in Ecclesia post quam hæc doctrinæ sinceritas cœpit paulatim euanescere, duas tantum fuisse sententias, alteram Transubstantiationis quam proposuere Lanfrancus & Paschalius: Alteram ad symbolicam & tropicam verborum explicationem pertinentem: Eam tutati sunt Bertramus & Ioannes Scotus: Quorum sane neutris media Companationis via vnquam venit in mentem: venisset autem procul dubio, in tanta animorum sententiarumq; dissensione: si vnquam tale quicquam in Ecclesijs vel fando fuisse auditum. Nam illæ patrum hyperbolæ, quibus hi etiam nostri aduersarij companationem fulciunt, producebantur quidem à transubstantiatoribus: sed ab orthodoxis profecto nunquam per companationem realemue coniunctionem: sed per tropicam loquendi normam explicabantur.

Dux in Ecclesia tentans.

Nouam esse doctrinam Confubstantiationis.

Ex quo manifestum fit, nouam esse hanc doctrinam, & recentis inuestigiam ab ijs, qui dum magna pietatis zelo ponit officias superstitionum nebulas discutere studerent, satis se abunde officio functos putabant, si transubstantiationis portentum, omnium profecto superstitionum Lernam, verbo Dei euersent. Interea nihilominus illa realitatis semel infixa opinio, non potuit ex animis eorum eradicari. Ecclsi igitur cōfitemur fuisse egregios Dei prophetas ac fidos Euangeli, ministros: Agnoscimus tamen humanæ calamitatis (quæ nihil ex omni parte beatum esse patitur) vestigia.

De Confessione Augustana.

Quod autem tanto supercilio nobis obijcit Antagonista confessionis Augustanæ quasi sacrosanctâ autoritatē. fatemur quidem nos illam facere plurimi: Sed primum, nunquam concedemus, illam diuini verbi autoritatem sortiri debere. Ad cuius normam spiritus dijudicemus, & doctrinas omnes expendamus: Tum quod Dei verbum abunde scripturis contineri, certo credamus: Tum etiam quod in compluribus, qui in eo confessu non postremum locum tenuere, rerum exitus satie-

S Y N T A G M A

comprobauit fuisse homines: & quidem non omnes vero Dei zelo commotos, ita Deo paciente, ne nimium quam par est, illis tribuendum putaremus. Quanquam fuere permulti inter eos viri admirabiles.

Deinde nunquam evincerat aduersarius ex ipsis Confessionis verbis, ullam realem vel corporis presentiam vel coiunctionem cum pane induci: Tantum enim de cœna Domini docent his verbis: Quod corpus & sanguis Christi vere ad sint & distribuantur vescientibus in cœna Domini. & improba nt secus docentes. Quia verba postea ita mutata fuerunt, Docere eos de cœna Domini, quod cum pane & vino vere exhibeantur corpus & sanguis Christi vescientibus in cœna Domini. Quibus profecto verbis, quia nulla neque realis vel præsentia vel coniunctio neque ubiquitas corporis statuitur, nos assensum præbere non dubitamus.

M. Bucerius.

Et sane si alia vlla exotica doctrina fuisset proposita, qualis illa est de Vbiuitate & Realitate: nunquam Bucerius, vir & summa doctrina & singulari pietate ei subscriptissimus, qui semper est apertissime nostram tutatus sententiam: cuiusq; autoritatem non dubitabo ego illis alijs opponere, qui cum neq; doctrina neq; iudicio essent cum illo conferendi: tamen suis interpretationibus atq; commentis confessionis Augustanæ sententiam non veriti sunt mutare, aut potius corrumperem.

Ph. Melanthon.

Et adijeciam Philippum Melanthonem virum extra iudicij aleam positum: Is cum assentiret adhucdum Lutherò: tamē à portentosa ubiuitatis doctrina semper abhorruit: Qnemad modum in Commentar. ad Epistolam Pauli ad Coloss. testauit reliquit. Tandem etiam Lutheri sententiam deseruit & in nostram pedibus abiit. De cæteris nihil dicam, quia nolo hominū autoritate præiudicium veritati facere. Tantum obnixe rogarbo omnes eos qui præclarum à domino talerum acceperunt, vt omnes & animij & ingenij vires eo conferant, vt ex verbo Dei non ex hominum præiudicijs hæc controversia componi possit. Et quia existimo hunc nostrum Antagonistam, cum quo iam dudum concerramus, non vltum inter præclaros de flos que viros locum obtinere: etiā atq; etiā vehementissime ab illo cōtendam, vt ad stabiliendam æquam Ecclesias Dei cōcordiam atq; pacem, omnem operam adhibeat, quo & Dei patris, Iesu Christi laus & gloria amplificetur & Ecclesiastum numerus creascat

scat & Christi Domini nostri Iesu Christi aduersarij conficiantur. Rogaboq; ut amica aliqua collatione studeat potius omnem nostram dissensionem componere: quam ut aduersariis nostrorum animos iam plus satis erga nos nostramque doctrinam exacerbatos, suis scriptis amplius extimulet. Viderit enim (si tamen hæc nostra scripta aliquando ad eius manus ventura sint) nos neque autoritatibus neq; rationibus deslitui, quibus nostram sententiam fortiter tueamur. V elim præterea, ut hæc ipsa nostra scripta quibus tantum voluimus, nostrum in veritate inuestiganda ac proponenda studium declarare, candide atque benigne interpretetur: & Deum patrem Domini nostri Iesu Christi cōmunitib⁹ nobiscum votis interpellat, ut omni dissensione sublata, & veritas locum teneat, & Domini gloria in Ecclesia ab omnibus p̄ijsvnani mi consensu celebretur,

A M B N.



Ob. 6. II, 3066



